




**Kirchenordnung, wie es inn des durchleuchtigen hochgebornen Fursten vnnd Herrn Albrechts des Jungern Marggrauen zu Brandenburgs, zu Preussen, zu Stettin, Pomern, der Cassuben vnd Wenden, auch in Schlesien zu Oppeln vnd Ratibarn etc. Hertzogs, Burggrauens zu Nurmberg, vnd Fu?rstens zu Rugen, Fu?rstenthumb, Landt, Obrigkeit vnd gebiet, mit der lehr vnd Ceremonien bis auff vernere Christliche vergleichung gehalten werden sol.**

<https://hdl.handle.net/1874/432073>



Richardus Secundus

Caroli Primus





**Dit boek hoort bij de Collectie Van Buchell  
Huybert van Buchell (1513-1599)**

**Meer informatie over de collectie is beschikbaar op:**

<http://repertorium.library.uu.nl/node/2732>

**Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:**

- de rug van het boek
  - de kopsnede
  - de frontsnede
  - de staartsnede
  - het achterplat

**This book is part of the Van Buchell Collection  
Huybert van Buchell (1513-1599)**

**More information on this collection is available at:**

<http://repertorium.library.uu.nl/node/2732>

**Due to research concerning this collection the outside of these books has been scanned in full. The following scans are, in order of appearance:**

- the spine
- the head edge
- the fore edge
- the bottom edge
- the back board

v. fol.

273



100  
100

63.


k.














Miscellanea Theologica

Folio n<sup>o</sup>. 173.





N<sup>o</sup>. 10. L.

---


N. 35. C.





# **S**irchenord:

nung / wie es inn des durch-  
leuchtigen hochgebornen Fürsten vnd Herrn/  
Herrn Albrechts des Jungern Marggrauen zu  
Brandenburgs/ zu Preussen/ zu Stettin/ Pomern/ der Cassuben  
vnd Wenden/ auch in Schlesien zu Dppeln vnd Ratibarn etc.  
Dertzogs/ Burggrauens zu Nurnberg/ vnd Für-  
stens zu Rugen/ Fürstenthumb/ Landt/ Dbrig-  
keit vnd gebiet/ mit der lehr vnd Ceremoni-  
en bis auff vernere Christliche ver-  
gleichung gehalten werden sol.



**Gedruckt zu Leipzig**


durch Wolff Günter.

**M. D. LII.**



*Donatione Aub. a Buchhel:*






*Handwritten text in red ink, likely a title or heading, possibly starting with 'L. ...'*

*Multiple lines of faint, mostly illegible handwritten text in black and red ink.*

*Small handwritten mark or signature in the center of the page.*

*Large handwritten text in black ink, possibly a date or a significant phrase.*

*Handwritten text in red ink, possibly initials or a signature.*



*Faint handwritten text at the bottom left of the page.*



## Sorrede.



**W**iewoll in den Kirchen ordnungen/  
nichts so gut gesetzt vnd auffgericht werden  
mag/das die vnuerstendigen vnd Aberglaubigen  
nicht zu bösem misbrauchen künden / also  
das auch die Kirchen ordnung/so vnser **W**ER  
Gott selbs dem Jüdischen Volck durch Mosen gegeben / hat her-  
halten/gestraft vnd getadelt werden / vnd den Aberglaubischen  
Jüden zum grossen nachtayl irer seligkeit/in dem so sie die rechte  
frümbkeit/darein gesetzt/vnd sich darauff vertröst/geratten müs-  
sen/ Jedoch kan vnd soll man von eins misbrauchs wegen/gut  
sein erbar vnd ordenlich zucht / inn der versamlung der Kirchen/  
nicht vnterlassen / Dann nach dem der heilige Paulus schrei-  
bet/ Wann die gantze gemain zusammen kümme/vnd ein yegkli-  
cher für sich selbs sein eigen Gesang/Gebete oder Sprach offent-  
lich füre/so were es nicht vnbillich für ein vnsinnige weis ange-  
hen/viel mehr möcht es ein vnsinnigkeit geachtet werden/wann  
nicht allein in Gesengen vnd Gebeten/sünder auch in allen andern  
gebreüchen der Kirchen/weder zucht noch ordnung gehalten  
würde/ So bezeüget auch Paulus/das vil der Corinthier krank  
seyen worden/vnd ein gut tail gestorben/darumb das sie vnschick-  
lich vnd vnordenlich mit dem Nachtmal des **W**ERKEN vmb-  
giengen / Daraus meniglich vernemen mag/das Gott ein vn-  
ordenlich wesen in der Kirchen/gar ernstlich vnd hefftig straffe/  
Vnd so den Weybern durch die heilige Schrift befolhen wirdt/  
das sie in der Kirchen das Haubt bedeckt sollen haben / vmb  
der Engel willen / Vil mehr gebüret es der gantzen Kirchen  
versamlung / beyde Weib vnd Man / Jung vnd Alt / Kirchen  
Volck vnd Kirchen diener/das sie eine erbare ordenliche zucht in  
allen gepreuchen der Kirchen bey einander füren / Dieweil  
doch nicht allein /die heiligen Engel/sunder auch die hohe Göttli-  
che Mayestat/Gott Vatter vnd Sun vnd heyliger Geyst/ selbs in  
der Kirchenversamlung gegenwürtig seyen / das Gesang vnd Ge-  
bet der Kirchen annemen/durch das Göttlich Wort vnd Sacra-  
ment/mit der Kirchen handeln/wie Christus sagt / Wo zwen  
oder drey versamlet sein in meinem Namen/da bin ich mitten vn-  
ter in / Wer wolt aber sich/vor so hoher herrlicher Mayestat  
nicht entsetzen/vnd sich nicht allein im hertzen mit Glauben/sun-  
der auch eusserlich mit allem leiblichen thun vnd geberden / züch-  
tiglich vnd ordenlich halten / Es schreibet auch sanct Paulus/  
Das die Vnglaubigen vnd Vngelernten/so sie bey den Christen ein



fein ordenlich Weysagung oder Kirchen handlung sehen / selbs  
bekennen müssen / Gott sey warhafftiglich in den Christen / Dar-  
umb ist hie eine Kirchen ordnung zusammen getragen vnd begrif-  
fen nicht der mainung / das sie dafür geacht werdt / als solt man  
mit dem werck sollicher ordenlichen handlungen / die Sünd bü-  
sen / vnd Gnad verdienen / Dann Christus ist allein der für der  
Menschen Sünd gnug gethan / vnd vns Gottes gnad er-  
langt vnd verdient hat / Sunder das die erbar ordenlich zucht  
gemainer Kirchen versamlung / anrätzung vnd vrsach gebe / die  
predig Göttlichs worts dester fleissiger zubefuchen / vnd die Sa-  
crament mit grösserm ernst zu empfaben / Dann diese zwey / nem-  
lich Predig vnd die Sacrament / der Christlichen Kirchen notwen-  
dig stück seyen / dadurch der Glaub in Ihesum Christum  
vnsern Seligmacher von Gott durch den heiligen Geyst ge-  
pflantzt / gesterckt / ja die rechte frumbkeit vnd selig-  
keit ausgetailt vnd gegeben wirdt . Vnd damit  
meniglich sich in diese ordnung zurichten wys /  
so wirdt im Ersten tayl gehandelt von der  
Leer / wie man predigen sol / Im An-  
dern tayl von den Ceremonien / wie  
man die Sacrament handeln /  
auch andere Kirchen ge-  
breuch halten  
soll.





## Von der Lere.

**D**ieweil der heilige Paulus in der Epi-  
 stel zum Tito / vnter andern stücken / ein Bischoff  
 belangend / erfordert / Das er halt ob dem wort /  
 das gewis ist vnd lehren kan / auff das er mechtig  
 sey zuermanen durch die heilsame Lehr / vnd zu-  
 straffen die widersprecher : So ist warlich hoch  
 von nöten / das alle Christliche Pfarrherrn / Prediger vnd Kir-  
 chendiener / so sollichs nützlichs vnd nötigs Bischoffamt / in die-  
 sen ferlichen zeiten / den meisten teil / oder aber gar müssen verwal-  
 ten / sich der heiligen Göttlichen schrift mit ernst annemen / vnd  
 mit höchstem fleis sich tag vnd nacht darinn üben / Dagegen aber  
 allerley falsche vnd verfürische menschen lehr / mit aller fürsich-  
 tigkeit meiden / damit sie irem amt getrewlich vnd fruchtbarlich  
 mügen nachkommen.

Dann zum ersten sein sie schuldig (wie das in den obgemel-  
 ten worten Pauli ordenlich vnd fein angezeiget ist) das sie die vn-  
 wissenden leren / nicht ein gering ding / sonder die aller gröste vnd  
 höchste weisheit / so je auff erden kommen ist / Nemlich wie man  
 Gott gefellig / from vnd selig werden sol / welchs viel tapffere vnd  
 redliche leut dieser welt mit grossen fleis vnd ernst gesucht / aber  
 durch sich selbs noch nie erfunden haben / wie Paulus zu den Co-  
 rinthiern bezeugt vnd spricht / Wir reden von der heimlichen ver-  
 porgen weisheit Gottes / die Gott verordnet hat vor der Welt zu  
 vnser herligkeit / welche keiner von den Obersten dieser welt erkant  
 hat / Vns aber (spricht er) hats Gott offenbart / durch sein Gaißt zc.

Vnd sol doch solche lehr nicht zweüenlich oder vngewis / son-  
 der gewis sein / darumb tauget es warlich nicht / wann sie die gere-  
 chtigkeit vor Gott zuerlangen / ir eigen oder anderer menschen gut  
 bedüncken vnd wolgefallen (welchs in Göttlichen sachen vngewis  
 vnd verfürisch ist) fürtragen vnd leren wolten / wie doch bis-  
 hero an vielen orten lange zeit mit grossen schaden der gewissen  
 geschehen ist / sonder sie sollen allein das heilig / lauter vnd rein  
 wort Gottes / das in der heiligen schrift verfast vnd gewis ist /  
 fürtragen vnd leren / Dann David spricht / alle menschen sind lü-  
 gner / vnd Paulus / Der natürliche mensch vernimbt nichts vom  
 gaißt Gottes / Vnd Jesaias / Alles flaisch ist hew / vnd all seine gü-  
 te ist wie ein Blum auff dem feld / das hew verdorret / vnd die



blum felt ab / aber das wort vnser Gottes bleibt ewiglich / So dann die menschen lügner sein / nichts verstehen / vnd jr gütle (darinnen on zweifel auch jr weisheit begriffen ist) dahin felt / wie ein dürre blume / wie möcht dann jr aigen gedicht vnd gutbedüncken ein gewisse lehr sein?

Die heilige schrift aber ist gewis / dann sie ist nicht von menschen / sunder durch den heiligen Geist dargethan / wie der heilige Petrus bezeügt vnd spricht / Das solt jr für das erste wissen / das kein weissagung in der schrift geschicht / aus aigner auslegung / dann es ist noch nie keine weissagung aus menschlichem willen herfürbracht / sunder die heiligen menschen Gottes haben geredt / getrieben von dem heiligen Geist.

Derhalben sein die vngewissen menschen lehr vergeblich vnd schendlich / wie der Herr Christus vnd Jesaias der Prophet sagen / Aber die gewis heilig schrift ist nützlich vnd hailfam / wie das auch Paulus bezeugt vnd spricht / Alle schrift / von Gott eingegeben / ist nützlich zur lehr / zur straff / zur besserung / zur züchtigung / in der gerechtigkeit / das ein mensch Gottes sey vollkommen / zu allen guten wercken geschickt.

Sollen sie nun nicht allein eitel gewisse lehr führen / sunder auch nach den Worten des heiligen Pauli / darob halten / so müssen sie warlich die heiligen schrift für sich nemen / sich fleissig darinn üben / dieselbigen allein fürtragen / vnd alle andere lehr darnach vrtailen.

Zum andern sein sie schuldig / die ihenen / so die gewisse lehr von der Gottseligkeit angenommen vnd gefast haben / zu ermahnen / vnd mit solcher vermanung / ernstlich vnd emsiglich anzuhalten / das sie dieselbigen lehr behalten / sich frölich Gott darauß ergeben / vnd mit einem guten Christlichen wandel beweisen / Dann vnser widersacher der Teuffel feiret nicht / sunder gehet on vnterlas vmbher wie ein brüllender Löw / vnd sucht welchen er verschlinden möcht / wie Petrus sagt / vnd thut das nicht allein mit bösen giftigen ansechtungen vnd anreizungen / wider Gottes gebot / sunder auch mit eusserlicher scharpffer verfolgung / vnd falscher verfürischer gleissender lehr / wider den glauben / wie wir das teglich erfarn.

Darumb ist hoch von nöten / das die einfeltigen schwachen Christen von iren Dirthen vnd Seelsorgern / auff's fleissigst vnd freundtlichst vermant / gesterckt vnd getröst werden / auff das sie



## II

ime widerstandt thuen / festiglich beharrend im glauben / wie vns der heilige Petrus gelert hat.

Nun kan man solche vermanung / sterckung vnd tröstung an kein sunderlich zeit vnd stat pinden / sunder sie müssen frey sein vnd geen / nicht allein in den ordenlichen Predigten / sunder auch zu andern zeyten vnd an andern ortten / wie es die notturfft erfordert / vnd sich fug vnd vrsach zutregt / wie das der heilige Paulus zum Timotheo fein anzeigt vnd spricht / Ich bezeuge vor Gott vnd dem Herren Jesu Christo / der da künfftig ist zu richten die Lebendigen vnd die Todten / mit seiner erscheinung vnd seinem Reich / Predig das wort / halt an / es sey zur rechten zeit oder zur vnzeit / straff / troe / ermane / mit aller gedult vnd leer.

Es sollen auch solliche vermanung nicht faul / schlefferig vnd kalt / sunder inbrunstig vnd krefftig sein / auff das sie den leuten zu hertzen gehen / vnd sie zubestehen vnd für zufaren hertzlich bewegen / wie das der heilige Paulus genug zuuerstehen gibt / da er spricht / Ein Bischoff soll mechtig sein zuermanen / Das geschicht aber am besten / wann sie Gottes gebot vnd troen / sampt den erschrecklichen Exempeln seines Göttlichen zorns / den leuten fürhalten / auff das sie sich vor sünden hütten / Desgleichen Gottes gnad vnd zusagung / sampt den tröstlichen Exempeln / seiner Göttlichen hülff vnd rettung anzeygen / auff das sie im glauben bestehen / vnd durch allerley leyden vnd trübsal vnter dem Creutz / mit geduldt / hindurch kempffen.

Darumb / wöllen sie irem befolhen ampt trewlich vorstehen / vnd mit sollicher vermanung die schwachen erhalten vnd auffrichten / so müssen sie nicht allein mechtig darinnen sein / sunder auch zu aller zeyt berayt vnd gefast / Das bedarff dann abermals nicht weniger übung / vnd teglichs anhaltens in der heiligen schrift / dann wann man die gewisse rayne leer pflantzen vnd erhalten will.

Zum dritten sein sie auch schuldig / die widersprecher zu straffen / vnd mit gewissem grundt zu überzeugen / Dann der Sathan fleist sich des am aller maysten / wann er nur kan / das er die rechten gewissen haylsamen leer verfelsche / manicherlei vrtthumb / secten vnd ketzerey anrichte / vnd also den glauben haymlich vnterdrucke / vnd gleich dahin stelle / auff das er sein Reich im fried behalte / So sicht man das teglich vor augen / das die Betzer ir falsche leer auch mit der heiligen schrift vnterstehen zu



erhalten / wiewol sie dieselben vnrecht verstehen vnd füren / Wie Petrus anzeicht vnd spricht / das in sanct Paulus brieffen / etlich ding schwer zuuerstehen sein / welliche die vngelirigen vnd leichtfertigen verwirren / wie auch die andern schrifftten / zu irem aygen verdamnus.

Es ist auch kein wunder / dann der Sathan selbs hat sich solcher listigkeit gegen Ihesu Christo vnserm Herren gebraucht / da er ime auff die Zinnen des Tempels in der heiligen Stat Jerusalem stellet / vnd sprach zu ime / Bistu Gottes Son so las dich hinab / dann es stehet geschriben / Er wird seinen Engeln vber dir befelch thun / vnd sie werden dich auff den Wenden tragen / das du deinen fus nicht an ein stayn stoffest.

Wann nun die rechtgeschaffen Prediger die leut mit ernst zu der heiligen Schrifft weisen / vnd dann solliche Verführer kommen / so wird ir irthumb von den einfeltigen schlechten Menschen nur defter ehe angenommen / dann sie sind gewonet / der Schrifft zuglauben / vnd können doch nicht alleweg vrtaylen / wellichs der Schrifft rechter verstandt sey oder nicht Da ist dann von nöten / das die Bischoff vnd Prediger der sachen helffen / den irthumb auffdecken / den Widersprechern das maul stopffen / vnd also ire befolhne Schefflein vor der verführung erretten / wie Paulus erfordert / Dann es sein viel freche vnd vnnütze Schwetzer vnd verführer / die da gantze Menschen verkeren / vnd leren das nicht taug / vmb schendliches gewins willen.

Sollich straffen vnd überwinden / geschicht gemainlich in zwen wege / Vnd ist der Erste / wann man Schrifft gegen Schrifft helt / vnd also den misuerstandt vberzeuget vnd auffdeckt / Wie Christus vnser **WELCH** dem Sathan thet / dann da ihme der Sathan den spruch aus dem Psalm fürhilt / Die Engel würden ihn auff den henden tragen / da hielt er dagegen den spruch aus Mose / Du solst Gott deinen **WELCH** nicht versuchen / vnd vberzeuget den Sathan damit / das er den spruch aus dem Psalm misbrauchet.

Der Ander weg ist / wann man die Schrifft recht ansihet / vnd beweiset eben durch dieselben / ein andere mainung denn die yrrigen furgeben / vnd schlecht sie mit irem aygen schwerdt / Als wann die Schwirmer sprechen / Christus sitzet zur gerechten Gottes / darumb kan er nicht im Abentmal gegenwürtig sein / So ist dann vnser antwort / ja eben darumb / das er zur Rechten Gottes



### III

sitzt / glauben wir nur desto fester / das er im Abentmal sey  
dann die gerechte Handt Gottes ist vberall / an allen orten / vnd  
wir leben vnd weben darinn / vnd werden durch dieselbigen erhal-  
ten / wie Dauid auch im 135. Psalm spricht / Mich hat dein gere-  
chte hand gefast / So nun Christus zur gerechten Gottes sitzt / so  
kan er sein wo er will / dann wo nicht / so sesse er auch noch nicht  
zur gerechten Gottes.

Nun bedurffen diese beide weg / ein grosse vnd stete übung  
in der heiligen schrift / dann schrift gegen schrift halten / erfor-  
dert / das man die schrift allenthalben wisse / Vnd schrift  
durch sich selbs im rechten verstandt zuerhalten / erfordert / das  
man sie gar fleissig ansehe / vnd jr tieff nachgedenck / wie sie dann  
des alles wol werdt ist / vnd nimmer von vns in diesem leben mag  
gar ausgegründet werden.

Vnd da sibet man / wie eine schwere pürde der heilige Pau-  
lus einem Bischoff aufflegt / mit diesen wenigen worten / da er  
spricht / Er soll ob der gewissen leer halten / vnd mechtig sein / zu  
ermanen / vnd die Widersacher zustraffen / wellicher pürde wir hie  
mit alle Pfarherr / Prediger vnd Kirchendiener wollen erinnern  
haben / damit sie sich tag vnd nacht in der heiligen schrift üben /  
vnd jr Ampt getrewlich vnd fruchtbarlich ausrichten.

Es soll sie auch solliche mühe vnd arbeit billich nicht beschwe-  
ren / angesehen / das es jr ordentlicher beruff ist / vnd on das auch  
sunst ein yeder Christ / sein gantz leben mit Gottes wort soll hyn-  
bringen / dann wollen wir in das Dymelreich kummen / so müß-  
sen wir aus Wasser vnd Gayst new geboren werden / solliche Ge-  
burt aber / geschicht nicht aus vergencklichem / sunder vnuergenck-  
lichem samen / Nemlich aus dem lebendigen Wort Gottes / das  
da ewiglich bleybet / wie Petrus spricht / Wann wir aber nun also  
wider geboren werden / vnd ein new wesen vberkummen / so bedürf-  
fen wir auch einer Gaystlichen speis vnd narung dasselbig zuer-  
halten / das ist dann eben dasselbig wort / darzu vns der heylige  
Petrus raytzt vnd spricht / Seyt gyrig nach der vernufftigen  
lantern Milch / als die ytz geboren Kindlein / auff das jr durch die-  
selbigen zunemet / Vnd so wir dann sollicher gestalt im newen  
Göttlichen leben durch Gottes wort auffwachssen vnd zunemen /  
so feyert der Sathan gewislich nicht / sunder sichtet vns stetig-  
lichen an / gegen dem sein wir dann auch der Gaystlichen waffen  
vnd gegenwere nottürfftig / das ist dann aber das Wort Gottes /  
wie sanct Paulus spricht / Das schwerdt des Gaystes ist das  
wort Gottes.



Dieweil dann vnfers newen lebens anfang / mittel vnd endt /  
Das ist die Geburt / das wachsen vnd vberwinden / inn Gottes  
Wort stehet / haben sich die Seelforger leycht zuerinnern / wie  
schwere rechnung sie Gott darumb geben müsten / wann yemand  
aus irer versäumnis zur Baistlichen Geburt nicht kummen / oder  
so er schon aus dem Gayst newgeboren were / aus mangel gutter  
Leer vnd trost / wider verschmachten / oder aber durch falsche Leer  
verfürt vnd verkert werden solt / darumb sollen sie fleissig anhal-  
ten mit lesen vnd lern / auff das sie mit dem getrewen Anecht mü-  
gen sprechen / Herr du hast mir zehen pfundt eingethan / sie ich  
hab andere zehene damit gewonnen / so werden sie auch widerumb  
hören / Ey du frummer getrewer Anecht / du bist vber wenig  
getrew geweest / so wil ich dich vber viel setzen / gehe ein zu deines  
Herrn freud.

Vnd damit sie sich dester bas in die heiligen Schrift schicken /  
vnd ire leer dester ordenlicher füren mögen / Wöllen wir jnen  
hiemit ein kurtze anlaitung geben / vnd die fürnehmsten stück Chri-  
stlicher leer / die sie am allermaisten vnd fleissigsten treiben /  
vnd dem gemainen einfeltigen Man einbilden sollen /  
nach einander erzelen / nicht der mainung / das sie  
daran sollen hangen / sunder dardurch in die  
heiligen Schrift geweisert vnd gefürt  
werden / das sie daselbst reichli-  
che vnd gnugsame vnt-  
erricht er-  
langen.



III  
Vom Alten vnd New-  
en Testament.

**D**ie heilig schrift / darinnen alles was vns zu vnser seel seligkeit von nöten ist / reichlich vnd vollkommenlich angezaygt wirdt, begreiff in sich zweyerley namhaftige lere / Nemlich das gesetz vnd das Euangelion / gleich wie auch die zway Testament sein / das Alt vnd das New.

Das alt Testament ist ein bundt Gottes / den er mit seinem volck gemacht hat / da er inen das gesetz auff dem berg Sinay gab vnd steet vngeserlich inn diesen wortten / Exodi am. xix. capitel / Werdet ir meiner stim gehorchen vnd meinen bundt halten / so solt ihr mein aygenthumb sein vor allen völcern / vnd ihr solt mir ein Priesterlich Königreych vnd ein heylig volck sein etc. Die stim aber der sie gehorchen / vnd der bundt den sie solten halten / ist das gantz gesetz Mosy / das inen dazumal geben wurde. Vnd dieser bundt ist nicht gehalten worden / kundt auch / von wegen der schwacheyt vnser sflayschs nicht gehalten werden / darumb wurde Gott auß barmhertzigkeit bewegt / ein ändern vnd newen bundt / wellichs das New Testament ist / zumachen / vnd steet sollicher newer bunt oder wewes Testament vngeserlich in diesen wortten / Wer glaubt vnd getaufft wirdt / der wirt selig. Das wort aber das wir glaubē sollen / ist das heylig Euangelion / darinnen vns / die wir getaufft sind / die vergebung der sünde / das wir Gottes gebot übertretten / vnd also das erst Testament nicht gehalten haben / durch den glauben an Christum / der sein blut zur vergebung der sünd / für vns vergossen hat / angeboten wirdt.

Sollichs alles wirdt in der heyligen schrift reichlich hyn vnd wieder angezaygt / sunderlich aber Jeremie am. xxxi. also / Sibe / es kumpt die zeyt / spricht der Herr / da will ich mit dem haufs Israel / vnd mit dem haufs Juda / ein newen bundt machen / nicht wie der bundt gewesen ist den ich mit iren Vatern machet / da ich sie bey der handt name da ich sie auß Egypten landt fürte / wellichen bundt sie nicht gehalten haben / vnd ich sie zwingen must / spricht der Herr / Sondern das soll der bundt sein / den ich mit den kindern Israel machen will nach dieser zeyt / spricht der Herr /  
Ich



Ich wil mein Gesetz in jr hertz geben / vnnd ihn sren syn schreiben / vnd sie sollen mein volck sein / vnd ich will jr Gott sein / vnnd wirdt keiner den andern leren vnd sagen / Er kenn den Herren / sunder sie sollen mich alle kennen / bayde klein vnd gross / spricht der Herr / Dann ich wil inen ihr missethat vergeben / vnnd ihr sünd nimmer mehr gedencken.

Dessgleichen Petrus inn den Geschichten am. xv. spricht also: Was versucht ihr Gott mit aufflegung des gesetzs auff der jüngern helse / wellichs wieder vnser Peter noch wir haben mögen tragen? sunder wir glauben durch die gnad vnseres Herren Ihesu Christi selig zu werden / gleich wie auch sie.

Also auch Paulus zu den Römern am. viij. Das dem Gesetz vnmöglich war / seytemal es durch das flaisch geschwecht oder verhyndert wurde / das thet Gott / vnd sandte seinen Sun. etc. Auff das die gerechtigkeit vom Gesetz erfordert / in vns erfüllt würde.

Wiewol nun dieser beyder leer / ein yede ire sundere bücher hat / darinnen sie fürnemlich gehandelt wirdet / So ist es doch nit ohn / es wirdet auch im alten Testament / viel vom Euangelio / vnd im newen Testament / viel vom Gesetz / gehandelt / Des solten die Prediger fleysig warnemen / das sie nicht eins in das ander mischen / vnd keins recht handeln / Dann diese zwo leer sollen stetigs im schwanck gehen / ein yede nach irer art / wie hernach angezaygt werden soll.

## Von der Buß.

**D**ann nun die Pfarherrn / Prediger vnd Kirchen diener / ihr befolhen volck recht leren / vnd auff den waren weg der seligkeit wölen führen / So sollen sie vor allen dingen die buß predigen / vnnd das volck mit allem ernst zu einem bußfertigen leben raytzen vñ treyben / Das also hat Christus der Herr gelert vnd befolhen / Luce. xxiij. da er sprach / Also must Christus leyden / vnd auffersten von den toden am dritten tag / vnd predigen lassen in seinem namen / buß vnd vergebung der sünde / vnter allen völkern / Es habens auch alle  
recht ge



## V

rechtgeschaffene Prediger / vom anfang hero / also gehalten /  
 Dann was solt Noa (welchen Petrus ein Prediger der Gerech-  
 tigkeit nennet) anderst gepredigt haben / dann das sie bus theten /  
 auff das sie nicht durch die Sündflus verderbt würden / wie her-  
 nach geschach / So ist das gantz Gesetz Mosy nichts anders /  
 dann ein bus predig / des gleichen aller Propheten predigen / hat  
 zum fordersten auff die Bus gedrungen / Darumb spricht Chri-  
 stus / Das Gesetz vnd die Propheten / haben bis auff Johan-  
 nem den Tauffer geweret / das ist / sie haben fürnemlich rechte wa-  
 re Bus anzurichten vorgehabt / vnd so dieselbig angangen ist / so  
 haben sie jr Ampt ausgericht / vnd hören auff / wellichs alles vn-  
 ter Johanne dem Tauffer geschehen vnd erfüllt ist / dann derselbig  
 prediget die Tauff der Bus / vnd sprach / Thut Püs / dann das Hi-  
 melreich ist nahendt herbey kummen / vnd Christus selbs sprach /  
 Thut Bus vnd glaubet dem Euangelio / beuälhe auch seinen Jün-  
 gern / sie solten predigen vnd sprechen / Thut Bus dann das Hi-  
 melreich ist nahe herbey kummen / sie hieltens auch fleissig / nicht  
 allein vor seinem leiden / sunder auch darnach / wie man sieht / Act.  
 ij. da Petrus sprach / Thut bus vnd las sich ein yeder Tauffen / auff  
 den namen Ihesu Christi / zur vergebung der Sünde / so werdet  
 jr empfahen die gabe des heiligen Geysts.

Nun ist die Bus nichts anders / dann ein hertzlich reu vnd  
 layd / vber die erkandten sund / mit ernstlichem seuffzen nach verge-  
 bung der funde vnd warer frumbkeit / Darumb / wollen sie die  
 Leut zur Bus bewegen / so müssen sie inen zum ersten jr sund anza-  
 gen vnd zuerkennen geben / das geschicht aber am aller füglichsten  
 durch das Gesetz / dann Paulus spricht / Aus dem Gesetz kumbt  
 erkantnus der sunden / vnd abermals / Ich west nicht das ge-  
 lusten fund ist / wann nicht das Gesetz sprech / Las dich nicht ge-  
 lusten &c.

Zum Andern sollen sie inen auch anzaygen Gottes zorn / troen  
 vnd straff / die vber die Vnbusfertigen Sunder gehen werden / das  
 geschicht dann aber durch das Gesetz / dann im Gesetz stehet ge-  
 schrieben / Verflucht sey ein yeder der da nicht bleibet inn allen  
 worten dieses Gesetzes das ers thue / vnd andere trohung vnd straff  
 mehr / so ein yeder selbs darinn lesen mag / vnd damit soll man die  
 Leut schrecken / das sie Gottes zorn fürchten vnd die fund nicht in  
 Windt schlagen / das ist das Paulus spricht / Das Gesetz richt  
 zorn an / vnd dabey soll man sunderlich acht haben / auff die einfel-  
 tigen Leut / die da als bald sie Gottes gebot vnd troen hören / so  
 bald darauff fallen vnd maynen / sie wollen aus aygnen krefften  
 Gottes gepot halten / vnd dem zorn empfliehen / dann dieselbigen



Soll man sein seuberlich vor sollicher vermessenheyt warnen/dann  
es ist doch vnmüglich/das ein mensch Gottes gebot aus aygnen  
krefften mög erfüllen/sunder er mus zuuor durch den glauben an  
Ihesum Christum vergebung der sunden erlangen/vnd also Got  
tes Kindt werden/vnd den heiligen Bayst empfangen/dauon wir  
hernach klerer anzaygung thun wollen.

Zum dritten sollen sie inen auch durch zusagung von Christo  
ein gutte hoffnung machen/gnad zu erlangen/wie desselben auch  
seine Exempel im Gesetz vnd den Propheten hin vnd wider gese  
hen werden/sunderlich aber wie Johannes der Tauffer gethan  
hat/der offentlich am tag mit fingern auff Christum deutet vnd  
spricht/Sihe da/das ist Gottes Lemblein das der Welt Sunde  
tregt.

Auff das aber auch ein yeder/wie gerings verstandts er ist/  
vernemen müg/wie das Gesetz zupredigen sey/wollen wir denen/  
so es nicht besser wissen/ein kurtz Exempel furschreiben/darin  
nen sie den rechten gebrauch abnemen/vnd demselben nachfolgen  
mögen.

Wann ein Prediger sein Volck oder ein sundere Person/die  
mit dem laster der Durerey beladen/zur Bus vnd besserung bewe  
gen will/Soll er am aller ersten aus dem Gesetz leeren/wie Gott  
der *DEUX* solliche sundt/so hefftig vnd ernstlich verpoten hab/  
dann das Gesetz spricht Exodi. xx. Du solt nicht Lebrechen/vnd  
Deutero xxiiij. Es soll kein Nure oder Nurer vnter den Kindern  
Israel sein/vnd Paulus zun Ephesern am iij. Durerey vnd alle  
vnrainigkeit last nicht von euch gehört werden/wie den Heiligen  
zustehet/vnd i Tessa. iij. Das ist der will Gottes ewer heiligung/  
das jr meidet die Durerey.

Darnach soller inen auch die straff Gottes anzaygen/die er  
den ihenen troet/die mit sollichem laster beladen sein/als das Pau  
lus spricht i Corinth. vi. Die Nurer werden das Reich Gottes  
nicht ererben/vnd Ephe. v. Kein Nurer oder vnrainer hat Erb  
in dem Reich Gottes/dann vmb dieser willen kumpt der zorn Got  
tes (das ist/Tewrung/Krieg/Pestilentz vnd ewige verdammus)  
yber die Kinder des vnglaubens/vnd Salamon in sprüchen am  
xxix Ein Nurer verderbt sein hab vnd gut/vnd Leuitici am xx  
Deute am xxij. Wirdt geboten/man soll Lebrecher vnd Lebre  
cherin verstaynigen/ Desgleichen auch ein junge Tochter/so  
Durerey in ires Vaters haus treybet/ehe dann sie verheyrat wir  
det/soll auch verstaynigt werden. Darbey möcht man auch die  
verpot/der Weltlichen Obrigkeit anziehen/vnd daneben anzay



gen/das es auch Gottes ordnung sey/was sie in sollichem fall setzen vnd ordnen/wie Paulus zun Römern am xiiij. leret.

Als dann solle er auch sollicher hefftigen straff/etliche Exempel furhalten/als das Exempel/Sichem des Demors Sun/der mit allem seinem Volck erstochen wurd/darumb das er die Dina Jacobs vnd Lea Tochter geschwecht het/Gene. xxxiiij. Item das Exempel Zimbry/den Pinhas bey der Durn Casby erstach/vnd wurd von Gott darumb gelobet. Numeri xxv. Auch wurd das Volck zur selbigen zeit hefftig gestrafft von Gott selbs/wie Paulus auch meldet vnd spricht. i. Corinth x. Last vns nicht Durerey treiben / wie etliche aus inen Durerey tryben / vnd fielen auff einen tag drey vnd zwaintzig tausent / Item das Exempel Davids / der vmb des Ehebruchs vnd todtschlags willen/ von Gott also gestrafft wurde/das ine sein leyblicher Sune Absolon aus dem Königreich sties/vnd vmbzubringen begert/vnd was sollicher Exempel mehr in der Schrift vorhanden sein.

Wann nun die Sunder also geschreckt sein durchs Gesetz/ soll man sie zur Bus vermanen/mit etlichen tröstlichen Sprüchen oder Exempeln / dadurch sie zur Doffnung geraitzt werden/vnd nicht verzagen/ Als Jezechielis am xvij. Ich hab kein gefallen am tod des Sterbenden/ spricht der DEXX / darumb bekeret euch/so weret jr leben/oder das Exempel vom verlornen Sune Luca am xv. oder sunst was sich nach gelegenheit der sachen wol füget.

Also soll man auch mit allen andern sunden vnd lastern thun/so lang bis die Leut jr sund erkennen/vnd im Gewissen empfinden/Gottes zorn fürchten/vnd demselben hertzlich begern zu empfliehen /dañ wo das geschicht/da werden die Leut geschickt das Euangelion anzunehmen/vnd sich desselben zu bessern/sunst wann mans den Frechen Vnbusfertigen Rotten Leuten sagt/ werden sie nur  
Erger.



## Vom Gesetze.

**N**ach sollichem einfeltigen vnd nützlichem gebrauch des Gesetzes/wie es die Bus anzurichten dienet/wollen wir nun ein wenig weiter/von des Gesetzes art vnd Natur reden/mehr vmb deren willen/die in der Schrift müssen vmbgehen/dann vmb des gemaynen Volcks willen/Dann obs wol fur den gemaynen Man genug ist/wann er also durch das Gesetz zur Bus gelayttet wirdt/so müssen doch die Diener des Wortts/ein mehrern vnd höhern Verstandt haben/auff das sie ordenlich vnd verstendiglich mügen lehren/vnd den betrübtten verwirten Gewissen, dester statlicher raten.

Wann wir aber vom Gesetz reden/so verstehen wir ein yedes Wort Gottes/darinnen er vns seinen willen anzeygt/den wir sollen thun/mit anhangender trohe seines Göttlichen zorns vnd der Straffe/die vber vns gehen soll wann wirs nicht thun/vnd das ist von nöthen zu wissen/vmb deren willen/die da maynen/es sey in den Büchern des Newen Testaments/kein Gesetz begriffen/vnd in dem Alten Testament nichts vom Euangelio gehandelt/dann sollicher yrrthumb/macht gar vngeschickte vngelernige Schüler inn der heiligen Schrift/darumb wo man solliche gepot Gottes mit angehengten troen verfaßt findet/es sey in den Schrifften des Alten oder Newen Testaments/die soll man fur Gesetz halten/vnd eben dauon reden vnd yrtailen/wie von andern Gesetzen.

Es wirdt aber das Gesetz gemainiglich in zweyerley weys verstanden. Zum Ersten/auff flayschliche grobe eusserliche weys/wann man maynt/das Gesetz verpriet allein die eusserlichen werck/vnd wer sich nur der eusserlichen bösen werck enthelt/der hab schon das Gesetz gehalten vnd erfüllt/ob er gleich mit gedanken/begirden vnd gantzem hertzen inwendig wider das Gesetz strebt/vnd wol lust het wider das Gesetz zuthun/wann man nur der Straff getrawet zu empfliehen/Als wann das Gesetz spricht/Du solt nicht stelen/vnd dann ein Mensch sich des stelens im werck auffs aller fleissigst enthelt/ist vnd bleibt aber dannoch inwendig geytzig/sorgfeltig vmb die Narung/vnd leßt sich haimlich gelusten/alles was er sibet das sein Nechster guts hat/vnd maynt dannoch/wann er nur mit der handt nicht zugreiff/er hab das gepot rain vnd schon gehalten.



## VII

Sollichs ist ein grober vnrechter Daydnischer verstandt / der da eytel Deuchler macht / wie ihener war / der im Tempel stund vnd sprach / Ich danck dir Gott / das ich nicht byn wie ander Leut / Rauber / Vngerechte / Ehebrecher / oder auch wie dieser Zollner / Lu. xvij. Darumb können solliche Leut / die das Gesetz nicht besser / dann auff diese grobe weys verstehen / schwerlich zu erkantnus Christi gebracht werden / dann sie sehen allein dahin / das es möglich secheynet einem Menschen / Gottes Gesetz auff solliche grobe weys zuerfüllen / darumb glauben sie auch / man mus mit aygen gutten wercken / fur die Sundt genug thun / vnd die seligkeit erwerben / vnd ist ine die Predig von der vergebung der Sundt in Christo / vnd von der gerechtigkeit des Glaubens / ein lautere thorheyt vnd ergernus.

Vnd sollicher vnrechter verstandt / ist bedeut worden / durch den furhang des angesichts Mosy / dann gleich wie die Jüden Mosys angesicht nicht sahen / sunder allein den furhang / den sie selbs darüber zu decken verursacht hetten / Also sehen auch diese Deuchler heutigs tags nicht / die rechten maynung oder den rechten verstandt des Gesetzes / sonder nur allein den groben flayschlichen verstandt / den sie selbs in das Gesetz tragen / wie das auch Paulus ij. Corinth. iij. von den verstockten Jüden an zaygt vnd spricht / Bis auff den heuttigen tag / bleybt dieselbig Deck vnauffgedeckt / über dem Alten Testament / wann sie es lesen / welliche in Christo auffhöret / aber bis auff den heuttigen tag / wann Moses gelesen wirdet / hengt die Deck vor irem hertzen / wann es sich aber bekeret zu dem **NEWEN** / so würdet die Deck abgethan.

Zum Andern / wirdt es verstanden / auff rechte gaystliche Götliche weys / wann man siehet vnd mercket / das es nicht allein verpeut die eusserlichen bösen werck / sunder auch die wort / weys / geberde / zaychen / willen / gedancken / begird vnd naygung / ja schlechts alles das / das sich in des menschen Leyb vnd Seel / in aynicherley weys vnd wege / wider das gebot Gottes / regen vnd wegen mag / vnd verstehet darbey auch / das es nicht schlechte gutte Werck vnd Tugend von vns fordert / die wir außserhalb der gnade / durch aygene krefft / thun mügen / sunder eytel solliche rayne Götliche werck / die nicht wir / sonder der heylig Gayst in vns würcken mus.

Vnd das ist ein rechter gutter vnd haylsamer verstandt / der alle Menschen zu gleich sunder macht / zur bus treybt / vnd dem **NEWEN** den weg beraytet / Dann also hat vnser lieber **NEWERE** Ihesus Christus etliche Gesetz ausgelegt Matth. am v. vnd



vns on zweyffel darmit gelehret / das wir die andern alle auch also zu verstehen vnd auslegen sollen / Desgleichen hat auch Paulus zu verstehen geben / Ro. vij. da er spricht / Das Gesetz ist geystlich / ich aber bin flayschlich verkaufft vnter die sünde / das ist das Gesetz geistlich / so forderts auch geystliche werck / vn ist der mensch flayschlich / so thut er auch flayschliche werck / Ein böser bawm kan nicht gute fruchte tragen / Darumb soll ein mensch das Gesetz erfüllen / so mus er Geystlich werden / vnd geystliche werck thun / das sein aber allein geystliche werck / die der heylig Geyst in vns würckt / vnd wird also offenbar / das wir weder das gröst noch geringst gepot Gottes / aus aygnen kressen / on den heyligen Geyst / mügen recht halten.

Vnd dieser verstand ist bedeut durch den glantz vnd die klarheyt des angesichts Mosy / dann gleich wie die Jüden solliche klarheyt nicht kunden erleyden / sunder fürchten sich vnd slohen / also kan auch die flayschlich vernunft diesen verstand des Gesetzes nicht leyden / sunder fleucht daruor / vnd spricht / Wann dem also were / so müsten wir alle verdambt sein / vnd thet vns Gott vnrecht / dieweil er vns gepöte / das wir aus aygnen kressen nicht vermügen / das ist aber nicht zuglauben / darumb verwürfft sie diesen klaren Göttlichen verstand / hengt ein Deck darfur vnd spricht / Wir haben einen freyen willen / vnd wann wir thun so viel an vns ist / so lest sich Gott benügen / Wir aber die an Christum glauben / vnd empfinden / das wir seinen Geyst haben / wissen wol / das dis der recht verstand ist / dann wir sehen Mosys angesicht auffgedeckt / das ist dann / das Paulus spricht: Wann sie zum **WELLEN** bekert werden / so wirdt die Deck abgethan / dann so wir Christum durch den Glauben erkennen vnd anschawen / so spiegelt sich die klarheyt des **WELLEN** in vns / vnd wir werden verklert in dasselbig Bilde / von einer klarheyt zu der andern / als von dem Geyst des **WELLEN** / So vns dann Christus solliche Geystliche klarheyt / durch sein erkantnis / mittaylt / so ist gewis / das das Gesetz dieselbigen klarheyt an vns auch fordert / vnd wirs bedürffen / darumb ist vns nun Moses angesicht auffgedeckt / dieweil wir zu Christo bekert sein / vnd ine durch den Glauben anschawen / vnd sollicher verstand des Gesetzes ist recht vnd gewis.

So wir dann den rechten verstand des Gesetzes haben / so sollen wir auch fleysfig darauff sehen / warzu es gegeben sey / oder was es bey vns soll ausrichten / dann wiewol wir vor angejaygt haben in gemayn / das es soll Bus anrichten / so bedarff es doch das austreichens.



## VIII

Es hat vns aber der heilige Paulus des Gesetzes art vnd Natur / mit sunderm fleis / angezaygt / dann er hat wol gewist / wann mans nicht weis oder nicht recht verstehet / das man gemaynlich durchs Gesetz / vnd nicht durch Christum / will rechtfertig vnd selig werden / darumb / auff das sollich vnter vns auch vermiten vnd verhüttet werde / wöllen wir drey fürnemliche sprüch Pauli vom Gesetze handeln / Nemlich diese / Aus dem Gesetz kumbt nur erkantnus der Sunde Rom. iij. Das Gesetz richtet nur zorn an Rom. iij. Vnd das Gesetz ist vnser Zuchtmayster gewesen auff Christum. Galatern am iij.

Zum Ersten spricht er / Aus dem Gesetz kumbt erkantnus der Sunde / Darumb solle dem Volck fleysig eingepildet werden das vnser vernunfft / durch Adams fall / dermassen verfinstert vnd verblindet ist / das wir durch vns selbs nicht erkennen vnd vrtaylen können / was aygentlich Sund oder nicht Sund sey / sunder wir müssen das aus dem Gesetz lernen / das vns Gott vom Wymel herab hat geben / Dann was Gott verpeut das ist Sunde / vnd was er gepent das ist recht / wann wir vns aber von Gottes gepot abwenden / wie layder lange zeyt geschehen / so können wir gar wenig wissen / was Sund ist / vnd martern vnd plagen vns vnd ander Leut mit falschen erdichten Sunden / als da ist / am Freytag flaysch essen / am Feyertage höltzlein schnitzen / geweychet Kelch anrüren / vnd was sollicher thorbeyt mehr ist / Dargegen vbersehen vnd vergessen wir der rechten grossen haubt Sunde / daraus die andern alle her fliesen / als da ist / böse Lust / die vns alle von Natur angeborn ist / vnd auch verdampt / wo wir nicht dauon erlöst werden / Wann aber solliche Sund nicht erkant / nicht berewet vnd bekennet werden / so werden sie auch nicht vergeben.

Wöllen wir nun die Sund recht erkennen / so müssen wir warlich / nicht aus vnser vernunfft / noch aus Menschen lehr / sunder aus den gepoten Gottes lernen / dann on Gottes gepot werden wir nymmermehr recht verstehen / was Sund ist / wie das der heilige Paulus klerlich / auch von im selbs bekent / vnd spricht / Rom vij. Die Sund erkant ich nicht / on durchs Gesetze / dann ich weste nicht von der lust / wo das Gesetz nicht het gesagt / Las dich nichts gelusten / vnd ob er wol selbs sagt / zun Römern ij. Die Dayden / so kein Gesetz haben / seyen ihnen selbs ein Gesetz / vnd des Gesetzes werck / sey inn ihre hertzen geschrieben / daraus sie etliche grobe Sund erkennen vnd vrtaylen möchten / so ist doch warlich solliche erkantnus nicht genug noch vollkommen / sunder mangelt ihne ane den grösten vnd nötigsten stücken / als / welcher Gottes dienst recht sey oder nicht / wie Paulus



Ins / daselbst zeuget vnd spricht / Sie haben Gott erkant / vnd doch nicht / als ein Gott gepreyset / sunder der sein herrligkeit verwandelt in Bilde des menschen / der Vögel / der vierfüßigen vnd kriechenden Thier / So nun kein mensch / auch der heilige Paulus selbs / die Sund recht erkennet / on durchs Gesetz / so soll das Gesetz mit höchstem fleis zu erkantnus der Sunden gepredigt / vnd die Leut dahin geweyst werden / das sie ja nichts für Sund halten / dann was Gott verpotten hat / dann er hat vns genugsamlich gelert / was wider ine vnd vnsern Nächsten ist / daraus soll man die Sund erkennen.

Es soll aber solliche erkantnus der Sund vollkommen sein / nemlich / das wir nicht allein erkennen / was Sund sey / sunder auch / das wir derselbigen Sund schuldig sein / dann das bringt des Gesetzes art mit sich / Seintemal es nicht spricht / Ehebruch ist Sund / Diebstal ist Sund / sunder / Du solt nicht Ehebrechen / Du solt nicht stelen / dann wo das der mensch höret / so lernet er nicht allein / das Ehebruch vnd Diebstal Sund sey / sunder er lernet auch / das er selbs ein Ehebrecher vnd Dieb / vor den augen Gottes ist / dann hatt er die Ehe gebrochen / vnd dem Nächsten gestolen / so mus er ja bekennen / das er ein Sunder sey / wann er das Gesetz höret / hat ers aber nicht gethan / so soll er doch vmb des gebot Gottes willen ein ernstlich fursatz fassen / das er sein leben lang darwider nicht thun wölle / Vnd so er das thut / so ist gewis / das die Sund / das ist / die angeborn Natur / sich in ime wirdt regen / vnd sollichem seinem guten fursatz widerstandt thun / das er bekennen vnd klagen mus / wie sawer ime das werdt / das er seinen fursatz erhalt / wann er nun in sollichem kampff sein fursatz schon erhalt / so ist es doch vor Gott zur Frümbkeit nicht genug / sunder der Widerstandt der bösen Natur / wider die er fechtenn mus / ist vor Gott Sund / vnnnd wird ihm für ein thun ausgelegt / als het ers schon gethan / was die böse Natur begert / dann thun / hayst vor Gott nicht allein / was man mit der Handt thut / sunder auch was die gedanken / Mut vnnnd Synn treyben / das hayst vor Gott schon gethan / wie das Paulus auch bezeuget / zun Römern am vij. vnd spricht / Ich thue nicht das ich will / sunder das ich hasse das thu ich / so ich aber das thue / das ich nicht wille / so bekenn ich das das Gesetz gut sey / so thu ich nun dasselbig nicht / sunder die Sund die in mir wonet / dann ich weys / das inn mir / das ist in meinem Flaysch / wonet nichts guts / In diesen worten sibet man feyn / das er den gutten fursatz ein willen hayst / vnd die Ansechtung oder begird der bösen Natur wider den



guten fürsatz ein thun nennet / Wer nun dasselbig thun inn  
 ime empfindet (wir empfindens aber alle in der warheit) der  
 mus bekennen / ob er wol mit dem eusserlichen werck nicht  
 Ehegebrochen noch gestolen hab / so sey doch die böse Na-  
 tur in ime / die es inwendig in ime vor den Augen Gottes on-  
 vnterlas thu / auch wider seinen willen / also das er sich  
 des nicht erwerben könne / vnnnd das er bis hieher die werck  
 nicht gethan hat / ist nicht seiner stercke / sunder Gottes gna-  
 de / Darumb lehret ine das Gesetz / das er nicht allein ein Sun-  
 der sey / sunder auch vnter die Sund gefangen vnd verkaufft /  
 dann er kan sich des inwendigen thuns / aus aygnen frefften /  
 nicht erwerben / das ist dann die recht erkantnus der Sund / die  
 der heilige Paulus zun Römern ij. so hefftig treybt / Dar-  
 umb sollen die Diener des Worts / solche erkantnus der Sun-  
 den / durchs Gesetz fleissig treyben / nicht mit subtilem Dispu-  
 tirn vor dem Volck / sunder mit ernstlichem dringen auff Got-  
 tes Gebot / das sie dieselbigen fleissig halten / dann wer sich  
 des mit ernst vnterstehet / der wirdts alles im werck sein er-  
 faren / das dann man ime sagen kan.

Zum Andern spricht Paulus / Das Gesetz richtet zorn an /  
 vnd lehret vns damit / das wir nicht allein die Sund von vns  
 selbs nicht erkennen / sunder auch / wann wir schon wissen / das  
 ein ding vnrecht vnd Sund ist / gehen wir dennoch so vnacht-  
 sam dahin / vnd glauben nicht / das Gott darumb zürne / sunder  
 sein sicher vnd forchtlos / gleich als lies ime Gott vnser Sund  
 gefallen / vnd sehe / wie ein gutter Geselle / durch die Finger / So  
 doch David spricht am v. Psalm. Du bist nicht ein Gott dem  
 gottlos wesen wolgefalle / darumb mus Gott abermal vns vom  
 Dymel herab mit seinem Gesetz schrecken / vnd also anrichten /  
 das wir seines zorns in vnserm Gewissen empfinden / das thut  
 er dann durch das trohen / dann er trohet im Gesetz hyn vnd wi-  
 der manicherley straff vnd plagen / die da zeitlich vnd ewiglich  
 vber alle Sunder gehen werden / wann sie nicht bus thun.

Solliche straff vnd plagen / sollen nun die Diener des Worts  
 dem Volck fleissig anzaygen / auff das inen der zorn Gottes  
 eröffnet / vnnnd in irem Gewissen angericht werde / damit sie  
 dester fleissiger suchen / wie sie diesem zorn Gottes entrinnen /  
 vnd in Ihesu Christo gnad finden mügen.

Weyter richtet das Gesetz zorn an / auch in vns / nemlich / das



wir durchs Gesetz gegen Gott zornig werden / als sey er ein vn-  
gerechter Gott vnd handel gantz Tyrannisch vnd greulich mit  
vns / vnd wiewol sollich vor der Vernunfft übel lauttet / wöl-  
len wirs doch durch die Schrift reichlich beweysen / dann es  
dienet auch gar seer zur herrligkeit Christi / vnd zu erkantnus sei-  
ner wolthaten.

Dann anfencklich spricht Paulus nicht / das Gesetz richtet  
Gottes zorn an / auch nicht / das Gesetz richtet Menschen zorn an /  
sunder allein das Gesetz richtet zorn an / dann er wil der keines  
allein / sunder sie beide miteinander anzaygen / vnd ist das die vr-  
sach / Das Euangelion von dem gekreuzigten Christo / ist  
den Jüden ein ergernus / vnd den Dayden ein thorheyt / dann  
sie können nicht begreyffen / das die Sunder / durch den glauben  
an ine / solten gerecht werden / sunder gedencken also / wann wir  
schon Sunder sein / was soll der gekreuzigt Christus darzu  
thun / er schreyb vns viel lieber ein Gesetz fur / was wir thun sol-  
len / so wöllen wirs halten / vnd also durchs Gesetz frumm wer-  
den / das scheint der Vernunfft viel gleicher / dann das wir  
durch glauben solten frumm werden / also ist gewislich alle  
Weltliche Vernunfft gesinnet.

Der heylige Paulus aber will beweysen / das es viel übler  
vmb vns stehe / der Sunden halben / dann wir maynen / nemlich  
also / das die Sund vns so starck gefangen hab / vnd so gewel-  
tig vber vns hersche / das vns mit keinem Gesetz müge gehol-  
fen werden / wie die Vernunfft maynt / sunder das Gesetze mach  
vns nur erger / gleich / als wann die Kranckheit an einem Kran-  
cken Menschen so gar vber handt nimbt / das kein Artzney  
mehr helfen kan / so wirdt er von der Artzney nur noch kren-  
cker / dann die Kranckheyt richtet sich an die Artzney / die wi-  
der sie ist / vnd kempfft mit jr / vberwindet sie auch vnd machts  
zu Gifft / da geschicht dann dem Krancken übler / vnd wirdt  
sein Kranckheyt grösser / dann wer ime kein Artzney nie einge-  
geben / vnd ist doch die schuld nicht des Artzs noch der Artz-  
ney / sunder der Kranckheit.

Also auch wenn ein Sunder vnter das Gesetz kumbt / vnd  
maynt er wöll frumm dardurch werden / so findt sich als bald  
die Sund / vnd strebt wider das Gesetz vnd sein gutten fur-  
satz / wie vor gesagt / dann da gehet es gewislich nach dem  
Sprichwort / Was man dem Menschen verpeut / da wirdt se-  
ine erst wehe darnach / darumb vberwindet die böß Begird



## X

das Gesetz vnd thut darwider / geschichts nicht auswendig / so geschichts aber inwendig / Wann dann die böse begird wider das Gebot begert / so verdampt das Gesetz die begird / vnd vns damit / von der begird wegen / wann wir dann mercken / das wir verdampt sollen sein / so wolten wir die begird gern meyden / vnd finden dann / das es vns aus aygnen krefften / vnmöglich ist / da verzagen wir dann an vns selber / vnd fahen an zu zürnen mit Gott / als thue er vnbillich / das er vns vmb der begird willen wöll verdammen / der wir doch nicht mechtig sein / sunder sie ist Herr vber vns vnd reget sich wider vnsern willen / sollich ist dann ein Baystlicher Todt / vnd wann das Euangelion nicht hernach gepredigt würde / so müsten wir darinnen verderben / Also wirdt offenbar durch das Gesetz / das wir nicht allein Sünder seyen / sunder auch das die Sund durch das Gesetz nur stercker wirdet / vnd wir mit Gott anfahen zu zürnen vnd zu kriegen / vnd werden eben vom Gesetz frumm / wie das Feuer vom dürren Holtz erlischet / ye mehr man anlegt / ye mehr es brennet / ye mehr Gesetz / ye mehr begird vnd fürwitz / ye mehr begird / ye mehr Verdamnus / ye mehr Verdamnus / ye mehr Feindschafft wider Gott / ye mehr Feindschafft wider Gott wir empfinden / ye grösser vnd stercker vnser Sund / so hievor inn vns verborgen lag / an tag kumbt / darumb der heilige Paulus billich i. Corinth. am xv. spricht / Die krafft der Sund ist das Gesetz / vnd hayst es ein Ampt des Todts am iij. Cap. vnd ist doch die schuld nicht des Gesetzes / sunder der Sunde / das ist die böse angeborene Natur / die wir alle Erben vom Adam.

Sollichs alles lehret der heilige Paulus mit klaren worten zu den Röm. am vij. Cap. also / Ich wußt nichts von der Lust / wo nicht das Gesetz het gesagt / las dich nicht gelusten / da nam aber die Sund vrsach am Gepot / vnd erreget inn mir allerley Lust / dann on das Gesetz / war die Sund todt (das ist / sie reget sich nicht / vnd ich empfinds auch nicht) ich aber lebet etwa on Gesetz (das ist / ich wüßte es nicht / oder achtet es nicht) da aber das Gepot kam / da wardt die Sund lebendig / ich aber starb / vnd befandt sich / das das Gepot mir zum tode (das ist / schrecken / fürcht vnd verzagen des gewissens) raychet / das mir doch zum leben geben war / dann die Sund nam vrsach am Gepot / vnd betrog mich / vnd tödtet mich durch dasselbig Gepot / das Gesetz ist ye heylig vnd das Gepot heylig / recht vnd gut / Ist dann / das da gut ist mir ein Todt worden? das sey ferne / aber die Sunde / auff das sie erscheyne / wie sie Sund ist / hat sie mir durch das gut den Todt gewürckt / auff das die Sund würd überaus sundig durchs Gepott.



Also ist genug angezayget/das das Gesetz nicht darumb gegeben ist/das es den Sündern helfen vnd sie frum machen könn/sunder darumb/das sie daran sollen lernen das die Sünd in jne so geweltig hersche/das sie durchs Gesetz nur stercker werde vnd vns tödte/auff das wir darnach dester leichter glauben/das wir durch ein höhern wunderbarlichern vnd Göttlichern weg / müssen von der Sünd errettet werden dann durchs Gesetz/das zeuget Paulus noch klerlicher zun Galatern am ij. vnd spricht / Das Gesetz ist darzu kommen/vmb der vbertrettungē willen/das ist/das es so vil übertrettungē verursachen solle/das yederman mercken mag/das wir durch Christum /vnd nicht durch das Gesetz müssen selig werden/vnd abermal spricht er/ Wann ein Gesetz geben were/das lebendig machen köndt/so keme warhafftig aus dem Gesetz die Be- rechtigkeit / Das Gesetz macht aber nicht lebendig/sunder fordert nur was ein Mensch/der durch den heiligen Gayst in Gott lebet/thun sol/das können wir dann nicht/dann wir sind tod in Sunden. Ephe. ij. mangeln des Preys Gottes/haben den heiligen Gayst nicht/sein Kinder des zorns von Natur/vnter die Sünd verkaufft vnd Knecht der sünde/vnd stehet so übel vmb vns / das die aynig vnd beste Artzney/die die Vernunfft weis / nemlich das Gesetz/wirdt vns zu giffte/sterckt die Sünd /vnd würckt den Todt/vnd kan vns niemand helfen/dann Christus allein / der vns mit seinem leiden vnd sterben gnad erlangt/zur newen Geburt bringt/vnd den heiligen Gayst gibt/durch den wir geheyligt / gesterckt / vnd zum gutten getrieben werden.

Zum dritten spricht Paulus / Das Gesetz ist vnser Zuchtmeister gewesen auff Christum/ein Zuchtmeister aber sol die Kinder vnter der Rutten halten / vnd mit gewalt zwingen frum zu sein / bis die vernunfft vnd der verstandt kumme / das sie selbs williglich vnd vngewungē recht thun / Also auch das Gesetz sol das Volck / das noch nicht glaubig ist / vnd den heiligen Gayst noch nicht hat empfangen / zu der eusserlichen Bürgerlichen frumbkēyt zwingen / auff das sie den andern nicht schaden thun / dieweil sie Sunder sein vnd der Sünd nicht mechtig / Dann wiewol solliche eusserliche bürgerliche frumbkēyt / vor Gott nicht genug ist zur seligkēyt / so gefelt sie jme doch wol / vmb des zeitlichen lebens fried vnd rwe willen / er belonets auch mit zeitlicher Ler vnd Gütern / wie man des vil Zeugnus vnd Exempel in der Schrift findet / vnd sollicher zwang soll nicht dahin gericht sein / das er alle weg were / sunder allein / bis wir glaubig werden / vnd den heiligen Gayst empfangen / dann darnach thun wir frey willig / was recht ist / wiewol der Alte Adam / der wider den Gayst begert / dieses Zaums fur vnd fur bedarff.

Weyter



Weyter / soll ein Zuchtmayster nicht allein zwingen / sonder auch fleysig anzaygen vnd lehren / das ihene / dardurch wir zu der volkommenheit mögen kummen / darinnen wir seines zwangs nicht mehr bedörffen / das ist / er soll sich fürdern / das er bald feyerabend mache vnd vns nicht lang auffhalt / Also thut auch das Gesetz / es weeret vns nicht allein mit der Ruten / das wir nicht vngehorsam / Todtschleger / Ehebrecher / Dieb vnd Lügner werden eufferlich / sonder weyset vns auch auff den künftigen Christum / durch den wir den heyligen Gayst erlangen sollen / das wir des Gesetzes zwang nicht mehr bedörffen / Dann Moses weyset vns zweyerley weis auff Christum / Erstlich mit klaren Sprüchen / als Deutero. xvij. Einen Propheten wie mich / wirdt der **WEL** dein Gott dir erwecken &c. Darnach auch mit haymlichen deutungen / als mit dem Osterlamb vnd andern / Also thun auch die Propheten manigfeltiglich / bis zu letzt Johannes der Tauffer mit Fingern auff ihne deutet / da nymbt dann der Zuchtmayster vrlaub / vnd höret das Gesetz auff / wie Paulus spricht / Das Gesetz ist vnser Zuchtmayster bis auff Christum / Dann gleich wie bey einem alten Menschen die Vernunfft herrschet / vnd nicht der Zuchtmayster / also herrschet bey einem glaubigen Menschen / der Gayst Christi / vnd nicht das Gesetz Mosy / Ehe dann wir aber den Gayst empfahen / müssen wir vnter dem Gesetz sein / das es vns weere / wie man einen zornigen Man weeret / bis jme der zorn vergehe.

Darumb dieweil der Glaub nicht yedermans ding ist / sollen die Diener des Worts / das Gesetz auff diese weys fleysig treyben / vnd die rohen Leut darmit vnter der Ruten halten vnd ziehen / dann daraus kummen zweyerley guter frucht / Zum Ersten / Frid / fre vnd ein stilles Leben / Zum Andern / ein gutte gewonheit / die vns fürdert / wann der Gayst kumbt / das er vnser Flaych dester leichter zemen vnd vnterdrücken kan / dann es ist on zweyffel / es wirdt denen viel schwerer der Sund widerstand zuthun / wann sie schon den heiligen Gayst haben / die durch ein vnordentlich sundlich Leben / inn ein böß gewonheyt sein kummen / dann denen / die von Jugend auff in eufferlicher zucht des Gesetzes auffgezogen sind / Es ist dem Menschen gut / spricht Jeremias / das er das Joch des **WEL** von jugent auff trag.

Vnd das sein die vrsach / darumb Gott sein Gesetz hat geben / ob er wol wüste / das wir dardurch weder trum noch selig kōnten werden / nemlich / das wir vns für Sunder erckenten / seinen Göttlichen zorn fürchteten / vnd vnser vnvermögen ( das



wir vns selbs nicht heiffen köndten)spüreten / in der eufferlichen  
zucht lebeten / vnd all vnser züuersicht vnd trost / auff den künfftigen  
Christum wendeten.

Vnd ob gleich sollicher verstandt des Gesetzes dem einfeltigen  
gemaynen Man zu hoch were / so müssen doch die Diener  
des Worts das alles wissen / sollen sie anderst die Schrift verste-  
hen / vnd ordenlich können lehren / darumb sollen sie sich fleissigen  
/ das sie jr lehre / nach gelegenheit der Zuhörer / messigen /  
vnd das Gesetz also lehren / das sie die Bus / wie vor angezaygt  
ist / treyben vnd anrichten / dann wann sie dasselbig thun / so  
kumbt das Gesetz zu allen seinen wercken / durch das Gepot  
ist es Zuchtmayster / vnd zaygt die Sund an / durch das tro-  
en der Straff vnd die Exempel / zayget es Gottes zorn an / vnd  
mit den Trost sprüchen werden die Leut zu Christo gewisen.

Dieweyl aber das Gesetz Mosy weytlenfftig ist / vnd viel Ge-  
pot / die vns Christen gar nichts angehen / darinn verfaßt sein / so  
ist genug / das sie die Zehen Gepot für sich nemen / wie sie Exo-  
di am xx. cap. geschrieben sein / Seintemal doch alles was zu ei-  
nem gutten Leben gehört / reichlich darinnen angezaygt ist /  
vnd die andern Gesetz vnd gutte lehr Mosy vnd der Prophe-  
ten / die durchs New Testament nicht abgelegt sein / wol dar-  
ein mögen gezogen werden / dann sie doch nichts anders thun /  
dann dieselben Zehen gepot erklären.

Wiewol wir auch die Zehen Gepot nicht darumb annemen /  
das sie von Mose herkommen / wir müsten sunst das gantz Gesetz  
Mosy annemen / sunder darumb allein / das Moses das Gesetz  
der Natur / darzu alle Menschen zu gleich verpflichtet sein / auff  
aller feynest hat angezaygt / vnd das vns Christus vnd die Apo-  
stel darauff weysen.

Dann was nicht aus dem Gesetz der Natur ist / vnd Chris-  
tus oder die Apostel vns dasselbig anzaygen / vnd für vnnötig er-  
klären / das lassen wir auch faren / als dann Christus thut mit  
dem Sabbath / Matthei am xij. vnd Luce am xij. Derhalben  
sein wir mit dem Gepot vom Sabbath nicht verbunden wie die  
Jüden.

Darumb sollen die Diener des Worts sich fleissig hütten / das  
sie nicht vnter dem schein des Gepot Gottes / widerumb aus



dem Mofy herfür ziehen follliche Stück / davon vns Christus gefreyet hat / als etliche vnuerstendige Prediger die vergangen zeyt vnterstanden haben / das werden sie aber zuthun fein wissen / wann sie die Schrifft des Newen Testaments fleißig lesen.

So sollen sie nun das Gesetz zutreyben vnd die Bus zupredigen / die Zehen Gebot fur sich nemen / wie sie aber ein yedes Gebot in sunderheit austreichen / vnd was sie darbey leren sollen / wer hie zu lang vnd viel zuerzelen / sunder sie sollen sich desselben aus andern Schrifften darvon ausgehen / erholen / Es wirdt auch ein Catechismus oder Kinder predig dieser Kirchen ordnung im Druck angehangen / in wellichem die Zehen Gebot / der Glaub / das Vater vnser / vom Ampt der Schlüssel / vom Tauff / vnd vom Abentmal des N. A. M. / wie man darvon lehren soll / verfaßt sein / vnd wiewol er einfeltig fur die einfeltigen jungen Kinder gestellt ist / so wirdt doch so viel darinnen angezaygt / das ein yeder / auch kleins verstands / dardurch gnugsam erinnert wirdt / was man bayde Junge vnd Alte von sollichen stücken lehren soll / das mag dann ein yeder nach der gnad die im vom Gott geben ist / fur die Alten weiter austreichen / Darumb wöllen wir alhie von solchen stücken kein weitläufftigere weys zu lehren furschreiben / sunder die ihenen / so vnterricht bedörffen / auff den selbigen Catechismum gewisen haben.

Vor allen dingen aber sollen sie sich fleißigen / das sie dem gemaynen einfeltigen Man / ein yeder Lehr auff's kurtzest / inn ein Summa fassen / die sie wol mercken vnd behalten können / wie dann Christus selbs auch thut / da er spricht / Das gantz Gesetz vnd die Propheten / hangen in den zweyen Geboten / Du solt Gott deinen N. A. M. lieben von gantzem hertzen / von gantzer Seelen vnd von gantzem Gemüt / dis ist das furnembst vnd gröst Gebot / Das ander aber ist dem gleich / Du solt deinen Nechsten lieben / als dich selbs. Matth. am xxij. vnd Paulus Roma xij. Wer den Nechsten liebt / der hat das Gesetz erfüllt.

So fordert nun das Gesetz die Lieb / nicht ein aygennützig oder flayschliche Lieb / sunder / die / von wellicher Johannes spricht / Gott ist die Liebe / vnd wer in der Liebe bleibt / der bleibt in Gott vnd Gott in ihme / solliche Lieb haben wir von Natur nicht / so gibt sie das Gesetz auch nicht / Darumb bedörffen wir des heyligen Gaysts / der die Lieb inn vnser hertz geußt. Roma. v. Der Gayst aber / wirdt vns durch das Euangelion  
E g geben/



Geben/wann wir von hertzen daran glauben / wie Paulus zum  
Galatern am iij. bezeugt / vnd in Geschichten der Apostel  
am x. Capit. mit einem tröstlichen Exempel beweisen  
wirdt / Darumb soll das Euangelion von stund  
an allen den gepredigt werden / durch  
das Gesetz erschreckt vnd zur  
Bus getrieben  
sein.



## Vom Euangelio.

**N**un nun die Leut durchs Gesetz zu  
erkantnus der Sund vnd zu reu vnd layd ge-  
bracht sein / also das sie ihr Sund hassen vnd  
gern frumm vnd mit Gott wol daran sein wol-  
ten / so soll man ine auch das heylig Euangeli-  
on predigen / dann es ist noch nicht genug zur besserung vnd frum-  
keyt / die vor Gott gilt / das man reu vnd layd über die Sund  
hab / ob schon solliche reu vnd layd so gros were / das ein mensch  
darob vergehen vnd vor layd sterben möcht / wie das des Judas  
reu wol beweiset / sunder es müß ein volkommene bezalung oder  
gnugthuung da sein / fur die vergangen Sund / vnd eine rechtschaf-  
fene besserung vnd ewige gerechtigkeit folgen / in dem künfftigen  
wandel vnd leben.

Nun vermag aber der Mensch dieser beyder keins / aus ay-  
gen krefften oder durch sich selbs / sunder Christus vnser lieber  
WELT vnd Dayland hat durch sein aller heiligstes leiden vnd  
sterben vnser aller Sund bezalt / wie Johannes spricht / Er ist  
die versönnung fur vnser Sund / vnnnd nicht allein fur die  
vnsern / sunder auch fur der gantzen Welt / vnd durch die Pre-  
dig des Euangelions / darinnen wir ihn vnd seine Wohlthaten  
lernen erkennen rechtfertigt er alle die / so daran glauben / mit  
einer ewigen gerechtigkeit / wie Jesaias vnd Daniel geweis-  
sagt



### XIII

sagt haben/dann Jesajas spricht am liij. Durch sein erkantnis (verstehe / damit wir ine erkennen durch den Glauben) wirdt er mein Knecht der gerecht / viel gerecht machen / vnd Daniel zeugt am ix. Das durch Christum dem vbertretten geweret / die Sund bedeckt / die Missethat versonet / vnd ein ewige Be-  
rechtigkeyt gebracht werden soll.

Das Euangelion aber ist nichts anders / dann ein gutte frö-  
liche Pottschaft / von vnserm lieben D<sup>E</sup>Xren Ihesu Christo / das wir in seinem namen vergebung der Sund haben / nach laut al-  
ler Propheten weissagung / wie er selbs bezeugt Luce am letzten /  
das in seinem Namen / must gepredigt werden Bus vnd verge-  
bung der Sund vnter allen Völkern.

Es habens auch die heyligen Apostel also gepredigt / wie man  
sieht inn den Geschichten der Apostel / sunderlich am Andern  
Capitel spricht Petrus / Thut Bus / vnd las sich ein yegkli-  
cher tauffen auff den Namen Ihesu Christi / zur vergebung der  
Sund / so werdt jr empfaben / die gabe des heyligen Gaysts / vnd  
abermals am fünfften Capit. Der Gott vnser Peter hat Ihe-  
sum aufferweckt / wellichen jr erwürgt habt / vnd an das holtz  
gehangen / den hat Gott durch sein rechte Wandt erhöhet /  
zu einem Fürsten vnd Deyland / zu geben Israel Bus vnd  
vergebung der Sund / vnd wir sind seine Zeugen über diese  
Wort / vnd der heilige Gayst / wellichen Gott geben hat / de-  
nen / die ine gehorchen / vnd abermal am x. Capitel. Er hat vns  
gepoten zu predigen dem Volck vnd zu zeugen / das er ist verordent  
von Gott ein Richter der Lebendigen vnd der Todten / von die-  
sem zeugen alle Propheten / das durch seinen Namen / alle die  
an ine glauben / vergebung der Sund empfaben sollen.

Desgleichen predigt auch Paulus am xij. cap also / So  
sey es nun euch kundt lieben Brüder / das euch verkündigt wirdt /  
vergebung der Sund / durch diesen / vnd entledigung von allem  
dem / dardurch jr im Gesetz Mosy nicht köndet gerecht werden /  
wer aber an diesen glaubet / der ist gerecht.

Ein solliche kurtze Predig / ist das Euangelion / aber es ist war-  
lich nichts dester minder Gottes krafft / zum hayl allen / die daran  
glauben / Roma. i. Darumb vergleicht es Christus billich einem  
kleinen Senffkorn / einem Schatz verporgen im Acker / einem ed-  
len Perlejn / vnd was mehr der gleichen ist.

C iij Damit



Damit man aber die Krafft des Euangelions bester bas ver-  
stehe/wöllen wir ersilich Christum selbs fürstellen / vnd anzay-  
gen/was er fur vns gethan / gelitten vnd ausgericht hat / vnd  
darnach erst/wie er vns dasselbig lest predigen / vnd was diesel-  
big predig bey vns vnd in vns würcket.

Es ist aber offenbar aus der Lehr des Gesetzes / das wir alle  
gesundigt haben / vnd mangeln des Preys Gottes / Rom. iij. vnd  
waren todt durch übertretung vnd Sund / auch Kinder des zorns  
von Natur / gleich wie die andern Ephe. am ij. gefangen vnd ver-  
kauft vnter die Sund / das wir vns selbs nicht helfen köndent.  
Roma. am vij. Darumb solten wir selig werden / so dörf-  
ten wir eins Mitlers vnd Erlösers / der Gottes zorn stillet / vns  
mit ime wider versönet / von der Sunden vnd Todt errettet / vnd  
das ewig leben schencket / sollicher Mitler vnd Erlöser / ist nun  
Christus vnser DEXX / wie Paulus sagt i. Timoth. ij. Es ist  
ein Gott vnd Mitler zwischen Gott vnd den Menschen / nem-  
lich der Mensch Ihesus Christus / der sich selbs geben hat fur al-  
le zur erlösung / das sollichs gepredigt würde zu seiner zeyt.

Dieser Mitler handelt Ersilich mit Gott durch sein leben/  
leyden vnd furbit / das er seinen zorn gegen vns ablassen / vns wi-  
der zu gnaden nemen / vnd als seinen Kindern den heyligen Gayst  
vnd das ewig Leben geben wölle / Darnach handelt er auch  
mit vns durch Predig Gayst vnd Kreutz / das wir sollichs glau-  
ben / vnd durch den Glauben gerecht / vnd zum ewigen leben ge-  
schickt vnd tüglich werden.

Gegen Gott handelt er also / Zum Ersten / richtet all sein  
Leben in den willen des Vaters / thut fur vns / was wir zu  
thun schuldig warn vnd vermochtens nicht / erfüllt das Gesetz  
vnd alle Gerechtigkeit vns zu gut / wie er selbs spricht / Ich  
bin nicht kummen das Gesetz auff zu lösen / sunder zu erfüllen /  
Matthei am v. Vnd Paulus zun Galatern am iij. Da die  
zeyt erfüllt wardt / sandte Gott seinen Sune / geborn von einem  
Weybe / vnd vnter das Gesetz gethan / auff das er die so vnter dem  
Gesetz warn erlöset / darumb spricht er auch zu den Corinthi-  
ern / Christus ist vns gemacht von Gott / zur gerechtigkeit / das  
ist / sein gerechtigkeit ist fur vns geschehen / vnd vns zu aygen ge-  
ben vnd geschenckt / vnd zu den Philippem am iij. Ich acht  
alles fur schaden / auff das ich Christum gewynn / vnd inn ih-  
me erfunden werde / das ich nicht hab mein gerechtigkeit /  
die aus dem Gesetz / sunder die durch den Glauben an Christum  
kumbt /



kumbt/nemlich die gerechtigkeit die von Gott dem Glauben zu  
gerechnet wirdt etc. Dann wer an Christum glaubt / dem  
rechnet Gott den gantzen Christum zu / mit all seinen gütern / für  
aygen.

Zum Andern / so nimbt er auff sich all vnser Sund / tregt sie  
vnd leydet darfur / alles was wir damit verschuldet hetten / wie  
Johannes der Tauffer zeuget vnd spricht / Siehe das ist Gottes  
Lamb / wellichs der Welt Sunde tregt / vnnnd Jesaias spricht /  
Fürwar er trug vnser Kranckheit / vnnnd lud auff sich vnsern  
Schmertzen / wir aber hielten ihne für den / der von Gott ge-  
plagt vnd geschwecht were / aber er ist vmb vnser Missethat wil-  
len verwundet / vnd vmb vnser Sund willen zerschlagen / die  
Straff ligt auff ime / auff das wir Fried hetten / vnd durch seine  
Wunden sein wir geheylet / wir giengen alle yrr wie die Schaff /  
aber der DERR warff all vnser Sund auff ihne / vnd Paulus  
zu den Römern am viij. Gott hat seines aynigen Suns nicht  
verschont / sunder hat ihne für vns alle dahin geben / vnnnd am  
iiij. Er ist vmb vnser Sunde willen dahyn geben / vnd vmb  
vnser gerechtigkeit willen aufferweckt / vnd zu den Galatern  
am ij. Christus hat vns erlöset von dem Fluch des Gesetzes /  
da er ward ein Fluch für vns / dann es stehet geschrieben / Der  
fluch ist ein yeder der am Holtz hangt.

Zum Dritten / so bittet er auch für vns arme Sunder / das vna  
Gott wider zu gnaden nemen wölle / wie Jesaias zeuget  
am liij. vnd spricht / Er hat vieler Sund getragen / vnd für die  
übertreter gebeten / vnd Johannes am xvij. zayget sollichs sein  
Gebet an / vnd vnter anderm / Ich bitt für sie / vnd bitt nicht  
für die Welt / sunder für die du mir geben hast / erhalt sie inn dei-  
nem Namen / Ich bitt aber nicht für sie allein / sunder auch für  
die / so durch jr Wort an mich glauben werden / vnd Paulus  
zu den Römern am viij. Christus ist zu der Rechten Gottes  
vnd vertritt vns / vnd zu den Hebreern am v. Er hat am Tag  
seines leydens Gebet vnd flehen / mit starckem geschray geopf-  
fert / vnd ist auch erhöret worden / darumb das er Gott in Ehren  
hat. Vnd dieselbig gantz Epistel / erklert auff's aller mechtigist /  
wie Christus vnser hoher Priester / sich selbs für vnser Sund ges-  
opfert / vnd durch sein aygen Blut / in das aller heyligiste sey ein-  
gangen / vnd hab ein ewige erlösung gefunden.

Also hat Christus vnser DERR / mit gehorsam / leyden vnd  
bitten gegen Gott / für vns gehandelt / vnd vns versonet / vnd ist  
E iij darzu



darzu ein **WELX** über alles worden / wie Paulus zu den Philip-  
pern am ij. sagt / Da er inn Göttlicher gestalt war / hielt ers  
nicht für ein Raub Gott gleich sein / sunder euffert sich selbs / vnd  
name Knechts gestalt an / ward gleich wie ein ander Mensch /  
vnd an gederden wie ein Mensch erfunden / er nydriget sich selbs /  
vnd wardt gehorsam bis zum Todte / ja zum Todte des Kreuz-  
tes / darumb hat in auch Gott erhöhet / vnd hat ime einen Na-  
men geben / der über alle Namen ist / das in dem Namen Ihesu  
sich piegen sollen / alle der Anie / die im Hymel / auff Erden vnd  
vnter der Erden sein / vnd alle Zungen sollen bekennen / das Ihe-  
sus Christus der **WELX** sey / zur Ehre Gottes des Vaters.

So nun Christus vnser **WELX** / mit Gott dem Vater gehan-  
delt / vnd sein zorn gestillet hat / thut er wie ein getrewer Mit-  
ler / wendet sich zu vns herumb / vnd handelt nun auch mit vns /  
auff das er vnser Sunde vnd gebrechlichkeit hinweck neme / vnd der  
selben ein ende mach / vnd spricht zu seinen Aposteln / Mir ist al-  
ler gewalt geben im Hymel vnd auff Erden / darumb gehet hyn  
vnd lehret alle Völcker / predigt das Euangelion aller Creature /  
vnd tauffet sie in dem namen des Vaters / vnd des Suns / vnd des  
heyligen Gaysis / wer glaubt vnd getaufft wirdt der wirdt selig /  
wer aber nicht glaubt / der wirdt verdampt werden / vnd lehret  
sie halten / alles was ich euch befolhen hab.

Vnd durch solche schlechte kurtze vnd einfeltige Predig des  
Euangelions / richtet er wunderbarlich aus / das werck vnserer  
rechtfertigung / darumb / gleich wie wir vor von der krafft vnd  
würckung des Gesetzes geredt haben / also wöllen wir ytz auch  
die fürnehmsten krafft vnd würckung des Euangelions anza-  
gen / dannes ist ja ein krafft Gottes / zum hayl allen die daran  
glauben.

Zum Ersten / bringet es vns vergebung der Sunden / vnd rich-  
tet dardurch in vnsern Gewissen / die vmb der Sunde willen blöd  
vnd erschrocken sein / ein bestendigen fried an / wie das die En-  
gel zur zeyt der geburt Christi / inn ihrem Lobgesang anzaigen  
vnd sprechen / Ehre sey Gott in der höhe / vnd den menschen fried  
auff Erden / Luce am ij. vnd Jesaias am liij. Die straff liget auff  
ime / das wir fried hetten / vnd Paulus zu den Römern am v.  
Nun wir sein gerecht worden durch den Glauben / so haben wir  
fried mit Gott / durch Ihesum Christum / vnd zu den Ephesiern  
am ij. Er ist vnser fried der aus beyden eins gemacht hat / vnd  
Jesaias am liij. auch zu den Römern am f. Wie lieblich sein  
die



die Füß deren die den Fried verkündigen / die das gut verkündigen / dann wo das Euangelion nicht gehört oder nicht geglaubt würdet / da kan kein Fried im Gewissen sein / wie auch David klagt am xxxviij. Psalm vnd spricht / Es ist nichts gesundts an meinem Leibe vor deinem troen / vnd ist kein Fried in meinen Baynen vor meiner Sunde / dann meine Missethat sind über mein Hauß gangen / vnd wie ein schwerer Last sein sie mir zu schwer worden.

Zum Andern / bringt es vns die gerechtigkeit Christi / vnd gibt vns dieselben zu aygen / das wir vns derselben annemen vnd trösten mögen / als die für vns geschehen vnd vns geschenckt ist / ja / als hetten wirs selbs gethan / wie Paulus bezeuget / vnd spricht i. Corinth. i. Christus Ihesus ist vns gemacht von Gott zur Weisheit vnd zur Gerechtigkeit / zur heyligung vnd zur erlösung etc. vnd zu den Philippern am iij. wie vor gemelt ist spricht er / Er wöll nicht sein aygne gerechtigkeit / sonder die gerechtigkeit Christi haben / nemlich die Gott dem Glauben zurechent / vnd das ist die recht war vnd ewig Gerechtigkeit / da Daniel von sagt / dann vnser aygne Gerechtigkeit / wann sie schon gantz were / so wer sie doch vngewis / wie Paulus spricht / Wer stehet der sehe zu das er nicht falle / Nun ist sie aber weder gantz noch bestendig / wie Jesaias am lxiiij sagt / Wir sind alle sambt wie die vnraynen / vnd all vnser Gerechtigkeit ist wie ein vnstetig Klaid / vnd David am cxliij. Psalm spricht / Gehe nicht in das Gericht mit deinem Knecht / dann vor dir wird kein Lebendiger rechtfertig sein / Darumb soll vnser Seligkeit gewis sein / so mus sie auff einer andern Gerechtigkeit stehen dann auff der vnsern / das ist dann die Gerechtigkeit Christi die vns geschenckt ist / wie Paulus zeugt / Roma. viij. Gott hat seines aynigen Suns nicht verschonet / sonder für vns alle dahyn geben / wie solt er vns mit ime nicht alles schencken / dann solts auff vnser aygen Gerechtigkeit stehen / so müsten wir fürchten / sie blieb nicht bestendig / wir möchten fallen / vnd also wider in todt vnd ewige verdammus gedeyen / solliche fürcht aber / macht vns vngläubig vnd zu Knechten / vnd all vnser thun das aus solcher fürcht geschehe / were ein Knechtschafft vnd eytel Sunde / Der Knecht aber bleibt nicht ewiglich im haus / sonder der Sun bleibt ewiglich / Johannis am viij. das ist / wir köntten nicht Erben Gottes vnd Miterben Christi sein / bey sollicher Knechtlichen falschen gerechtigkeit / dann sie gieng aus fürcht vnd zweiffel / was aber nicht aus dem Glauben ist / das ist Sunde / vnd gehet also wunderbarlich zu / das vnser aygne Gerechtigkeit / wann sie schon ware Gerechtigkeit ist gegen den Menschen / kan sie doch nicht Gerechtigkeit bleyben / wann man darmit für Gottes Gericht will /  
dann



Dann da höret als bald der Glaub auff/wo aber kein Glaub ist/  
da ist auch kein gerechtigkeit mehr / sunder eytel Sunde / wie zu  
den Hebreern gesagt ist / Es ist vnmöglich Gott zugefallen / on-  
den Glauben/wann wir aber durch den Glauben die gerechtig-  
keyt Christi ergreyffen / vnd dieselben gegen Gottes gericht se-  
tzen / so können wir one furcht sein / vnd alsdann auch gegen  
den Menschen gerecht leben / darumb war von nöthen / das vns  
Christus durch sein aygene gerechtigkeit / von dieser Sorg vnd  
furcht erlediget / wie zu den Hebreern am ij. Cap. geschrieben  
ist / Nach dem wir Fleisch vnd Blut haben/ist ers gleicher mas-  
tailhafftig worden / auff das er durch den Todt die macht ne-  
me/dem der des Todts gewalt hette / das ist dem Teuffel / vnd  
erlösete die so durch furcht des Todts im gantzen leben Knecht  
sein müssen.

Vnd an diesen zweien Hauptpuncten / nemlich an der verge-  
bung der Sunde / vnd schencke der gerechtigkeit Christi durch  
den Glauben empfangen / ist die ainig warhafftig Rechtferti-  
gung vnd gerechtigkeit die vor Gott gilt/gelegen/darvon Paulus  
vnd alle Apostel predigen / die ist auch allein gewis bestendig  
vnd ewig/ als die Christus mit ime gen Himel gefürt / vnd zur  
gerechten Gottes wol versichert hat / dann daselbst kan sie we-  
der angefochten noch gestürtzt werden / wie vnser aigne gerech-  
tigkeit hie auff Erden / darumb ist auch vnser Leben mit Chri-  
sto in Gott verborgen / Colos. iij. vnd dieweil wir vns sein vnd  
seiner gerechtigkeit trösten / so ist auch vnser wandel im Himel/  
Philipp. am ij. Dann wo vnser Schatz ist / da ist auch das  
hertz.

Vnd solliche gerechtigkeit Gottes oder die vor Gott gilt /  
sollen die Diener des Worts fleissig treiben / vnd eben verhüten/  
das sie nicht verfelscht / vnd die Leut wider auff jr eigene werck zu-  
uertrawen beredt werden / dann die Sophisten haben ytzo hin  
vnd wider auch an / von der Rechtfertigung des Glaubens zure-  
den / dieweil sie mit heiliger Schrift so hart gedrungen wer-  
den / verstehen aber noch kein wort darvon / sunder mainen vn-  
sere gutte Werck / die aus dem Glauben folgen / sollen die ge-  
rechtigkeit sein / darmit vns der Glaub rechtfertige / vnd klü-  
geln dann/der Glaub thue es allein nicht / sunder die Lieb mus  
darbey sein / glauben aber vnd verstehen noch kein wort darvon/  
das Christus vnser gerechtigkeit sey / sunder gangkeln noch mit  
irer aygen gerechtigkeit vmb / welche Paulus fur Gott achtet/  
auff das er die gerechtigkeit Christi gewinne / Philip. ij. Vnd  
vor sollichem yrrthumb sol man die Leut warnen / dann wiewol  
wir wissen / das der ware Glaub an Christum / nymmer one Lieb  
vnd



## XVI

vnd gütte werck ist/ so sein doch solliche gütte werck nicht vnser gerechtigkeit die vor Gott gilt/ sunder die gerechtigkeit Christi vns geschenckt.

Zum Dritten/ bringt das Euangelion Christum selbs war-  
hafftiglich in des Glaubigen hertz/ vnd nicht allein Christum/  
sunder auch den Vater/ vnd den heyligen Gayst/ wie Christus  
spricht Johan. xiiij. Wer mich liebet der wirdt meine Wort  
behalten/ vnd mein Vater wirdt ihn lieben/ vnd wir werden zu  
ime kommen/ vnd wonung bey ihm machen/ vnd Paulus ij.  
Corinth. xij. Ir suchet das ir gewar werdt des/ der in mir re-  
det/ nemlich Christus/ vnd abermals am selbigen ort/ Prüfet  
euch selbs/ oder erkennet ir nicht/ das Ihesus Christus in euch  
ist/ Vnd Johan. am xvij. Ich hab in geben/ spricht Christus  
zum Vater/ die herrligkeit die du mir geben hast/ das sie ains sey-  
en/ gleich wie wir ains seyen/ Ich in in/ vnd du in mir/ auff das  
sie vollkommen seyen in vns/ vnd die Welt erkenne/ das du mich  
gesandt hast/ vnd liebest sie/ gleich wie du mich liebest/ vnd Pau-  
lus zu den Galatern am ij. Ich bin mit Christo gekreuzigt/ ich  
lebe aber/ doch nun nicht ich/ sunder Christus lebet in mir/ vnd  
Joha. am viij. spricht Christus/ Wer an mich glaubt/ wie die  
Schrift sagt/ von des Leibe werden strome des lebendigen Was-  
sers fließen/ das sagt er aber vom Gayst/ welchen empfangen sol-  
ten die an in glaubten/ vnd die Galater haben den heyligen Gayst  
empfangen/ durch die Predig vom Glauben/ Galat. am ij. des-  
gleichen Cornelius vnd alle die bey ihm waren/ Act. am x. vnd  
Pau. j. Corin. ij. Wist ir nicht das ir Gottes Tempel seyt/ vnd  
der Gayst Gottes wonet in euch/ vnd abermals/ Der Tem-  
pel Gottes ist heylig/ der seyt ir/ vnd aber am vi. Wist ir nicht  
das ewer Keyb ein Tempel des heyligen Gaysts ist/ der in euch  
ist/ wellichen ir habt von Gott/ vnd seyt nicht ewer selbs/ vnd  
ij. Corinth. vi. Ir seyt der Tempel des lebendigen Gottes/ wie  
dann Gott spricht/ Ich wil in in wonen/ vnd in in wandeln/  
vnd wil ir Gott sein/ vnd sie sollen mein Volck sein/ vnd zu den Rö-  
mern am viij. Wer den Gayst Christi nicht hat/ der ist nicht sein/  
vnd Christus/ Ir seyt nicht die da reden/ sunder der Gayst ew-  
ers Vaters im Hymel redet in euch etc. Wann nun Gott in vns  
wonet durch den Glauben/ so wirdt er gewislich auch inn vns  
herrschen vnd regieren/ nach seinem Göttlichen willen/ wie her-  
nach folget.

Zum Vierdten/ werden wir durch das Euangelion new gebo-  
ren/ Dann wann wir Gott durch vnsern Herrn Ihesum Chri-  
stum im Glauben also ansehen vnd erkennen/ vnd er in vns wonet  
als in seinem Tempel/ so werden wir durch solliche sein gegenwer



tigkeit vernewet vnd verendert / vnd gleich wie ein Spiegel / von  
der gegenwertigkeit eines Menschen ein menschen bildt empfa-  
het / also empfahen auch wir die klarheit vnd herrligkeit Gottes /  
vnd werden im gleich nach dem inwendigen Menschen / wie Pau-  
lus bezeugt ij. Corinth. ij. Nun aber spiegelt sich in vns des  
WELN klarheit mit auffgedeckten Angesicht / vnd wir wer-  
den verklert in dasselbig Bilde von einer klarheit zu der andern /  
als vom Gayst des WELN / Von dieser newen Geburt /  
spricht der WELN Johan. ij. Es sey dann das der Mensch new  
geboren werde. so kan er das Reich Gottes nicht sehen / vnd Pe-  
trus i Petri j. Dabt einander brünstig lieb / als die da widerge-  
boren sein / nicht aus vergenglichem / sunder aus vnuergentgli-  
chem Samen / nemlich aus dem lebendigen Wort Gottes / das  
da ewiglich bleybt / vnd diese newe Geburt wirdt auch genent ein  
newer Mensch vnd ein newe Creatur / als Gala. vj. In Christo /  
gilt weder Beschneidung noch Vorhaut etwas / sunder ein newe  
Creatur / vnd zu den Ephesern am iij. Ernewert euch im Gayst  
ewers gemüts / vnd ziehet den newen Menschen an / der nach Gotte  
geschaffen ist / in rechtgeschaffener gerechtigkeit vnd heyligkeit /  
Vnd vmb dieser newen Geburt willen / werden wir Gottes Kin-  
der genent / wie Johannes in seiner Epistel am ij. sagt / Meine  
lieben wir seind nun Gottes Kinder / vnd ist noch nicht erschynen  
das wirs sein / wir wissen aber wenn es erscheynen wirdt / das  
wir im gleich sein werden / dann wir werden ine sehen wie er ist.

Sum Fünfften / folget nach sollicher newen Geburt / auch  
ein new Leben / dann der heylig Gayst geuist die Liebe inn vnser  
hertzen / Roma am v. Die Lieb aber erfult das Gesetz / Roma  
am xij. vnd entspringen daraus allerley gutte frucht / welche Pau-  
lus zu den Galatern am v. zum tayl erzelet vnd spricht / Die  
frucht des Gaysts ist / lieb / freud / fried / gedult / frümbeckeyt güttig-  
keit / glaube / sanfftmüt / keuscheyt zc.

Vnd zu sollichem newen Leben / sollen sie die Leut auff's fleys-  
sigest vermanen / dann vermanen vnd raytzen / hat hierin sunder-  
lich stat / vnd bringt nutz vnd besserung / Darumb haben sich  
die lieben Aposteln desselben in sunderheyt auch geflissen / Dann  
wann wir schon / wie vorgemelt / new geboren sein / so bleibet doch  
noch ein gros Stück des alten flayschlichen Adams in vns übrig /  
der will dann faul zum gutten vnd dem Gayst vngheorsam sein /  
darumb mus man ihn vnterdrücken vnd ime nicht sein willen  
lassen.

· Auff das mans aber dester bas verstehe / soll man den Leuten  
zweyer



zweyerley geburt furbilben / Zum Ersten sein wir natürlicher wey-  
 se geborn vom Adam / Zum Andern / Dymlicher weis aus Gott  
 vnd haben also zwen Väter / die nennet Paulus i. Corinth. xv.  
 zwen Adam vnd spricht / Der erst Mensch Adam ist gemacht  
 in das natürlich Leben / vnd der letzt Adam ins Gaystliche leben /  
 Der erste Mensch ist von Erden yrdisch / der ander ist der DEXX  
 von Dymel / welcherley der yrdisch ist / sollicherley sein auch die yrdi-  
 schen / vnd welcherley der Dymlich ist / sollicherley sein auch  
 die Dymlichen / das ist / wie der Adam ein Sunder vnd sterblich  
 ist gewesen / also sein auch alle seine Kinder von ime geborn / voller  
 Sunden vnd böser begirde / vnd müssen auch sterben / vnd wie Chri-  
 stus gerecht vnd vnsterblich ist / also werden auch alle die der Dym-  
 lichen Widergeburt taylhafftig sein / gerecht vnd vnsterblich  
 werden / Darzu haben wir nun zwu Lehr / das Gesetz soll mit  
 seinem trohen / den zorn Gottes / sein Gericht / vnd die ewigen ver-  
 damnus dem alten Adam also anzaygen / das er dardurch also er-  
 schrecke das er gar sterbe / das ist / das er sich vor furcht des Todts  
 vnd der verdammus nicht mehr rege / mit seinen Sunden / vnd bö-  
 sen begirden / sundern feyre / wie Paulus Roma. am vi. sagt / Es  
 geschicht auch zum tayl / vnd wirdt wol angefangen in diesem le-  
 ben / vnd stirbt ye lenger ye mehr / es wirdt aber nicht gar volen-  
 det / bis der leyblich Todt auch darzu kumbt.

Das Euangelion aber / sol vns nach dem Bild Christi new ge-  
 perrn / wie oben angezaygt / es geschicht auch / aber wir sein dar-  
 umb noch nicht bald volkummen / sunder der new mensch ist noch  
 jung vnd schwach / vnd nimbt doch auch von Tag zu Tag zu /  
 bis wir ein volkummen Man werden / der da sey in der mas des  
 volkummen alters Christi / wie Paulus zu den Ephesiern am iij.  
 cap. sagt

So nun der alte Adam in vns angefangen hat zusterben /  
 vnd doch noch nicht gar gestorben ist / vnd dargegen der new  
 Dymlich mensch geborn / vnd doch noch nicht starck vnd volkum-  
 men ist / so kans nicht fehlen / diese zwen müssen wider einander stre-  
 ben / wie Paulus zu den Galatern am v. schreybt / vnd spricht /  
 Das flaysch gelustet wider den Gayst / vnd den Gayst wider  
 das flaysch / dieselbigen sein wider einander / das ihr nicht thut  
 was ihr wölt / vnd darumb begert der heylig Gayst den alten  
 Adam in vns / durch Gottes Wort / sein aygene krafft vnd durch  
 allerley Areutz vnd Leyden vollent zu tödten / dem sollen wir  
 darinn nicht widerstreben / sunder darzu helfen / wie Paulus  
 D Col.



Collo. am iij. lehret vnd spricht / So tödtet nun ewre Glieder die auff Erden sein / Durerey / vnraynigkeyt / lust / böse begird / vn-  
keuscheyt vnd den Beytz / welches ist Abgötterey / vmb welcher  
willen kumbt der zorn Gottes / über die Kinder des Vnglaubens /  
Nun aber legt alles ab von euch / den zorn / grimm / bosheyt / leste-  
rung / schandpare wort aus ewerm Munde / lieget nicht vnter ein-  
ander / ziehet den alten Mensch mit seinen wercken aus.

Dargegen begert auch der heylig Gayst den neuen Men-  
schen zuschrecken / das er die Oberhandt wider das flaysch behalt  
vnd zuneme / darin sollen wir ime auch helfen / vnd also nach dem  
Gayst / vnd nicht nach dem flaysch wandeln / Vnd wann wir so  
ferne kummen / so stehet es recht vmb vns / vnd ist vnser beruff vnd  
erwelung / durch solliche gutte Werck fest gemacht / wie Pe-  
trus vermanet / vnd nichts verdamlichs mehr an vns / doch das  
wir nicht auff solliche vnser Gerechtigkeit vnnd gutte Werck  
vertrauen / vnd mit Gott dardurch wolten versönet werden /  
sunder das wir bestehen auff der gerechtigkeit Christi die vns  
geschenckt ist / dann Paulus zu den Römern am viij. spricht / Es  
sey wol nichts verdamlichs an denen / die nach dem Gayst / vnd  
nicht nach dem flaysch wandeln / doch also / das sie inn Ihesu  
Christo seyen / das ist vergebung der Sunde / vnd ewige Gerech-  
tigkeit von ime durch den Glauben empfaben / sunst wann sie  
auff ire gutte Werck wolten trawen / so were der Glaub schon  
aus / vnd der Gayst dahyn.

Vnd das ist nun das wunderbarlich werck des **WELCHEN**  
Ihesu Christi vnser Milters / das er durch sein heyligs Euange-  
lion so er predigen lest / bey vns ausrichtet / nemlich das er vns  
vergebung der Sunde vnd sein ewige Gerechtigkeit schenckt /  
vns darmit zufrieden stelt vnd rechtfertig macht / darnach inn  
vns wonet vnd nach dem Bild seiner vnaussprechlichen herrlig-  
keyt new gebirt / in vns herschet vnd regiret / vnd durch seinen hey-  
ligen Gayst seinen Götlichen willen wirckt vnd volbringt / von  
tag zu tag ye lenger ye mehr / bis wir zu letzt im gleich werden /  
vnd ewiglich mit ime leben vnd herschen.

Man wir aber vom Euangelio reden / so verstehen wir auch  
damit die Tauff / das binden vnd lösen der Schlüssel / vnd das A-  
benmal des **WELCHEN** / Dann es sein nichts anders dann kreffti-  
ge lebendige / thetliche / sichtsliche vnd empfindliche predig des E-  
uangelions / vns zu sunderm trost vnd sterckung / von dem **WELCHEN**  
Christo eingesetzt / Das wir nicht allein glauben / das war sey  
was



## XVIII

was man von ime predigt / sunder auch das es vnser sey vnd wirs haben / dann wer getaufft wirdt / dem wirdt bayde mit worten vnd wercken angezaygt / das er fur sein selbs aygne Person eingeleybt werde in Christum / inn dem er vergebung der Sunde vnd ein ewige gerechtigkeit hab.

Des gleichen wer durch offentliche Sunde in Bann gethan / oder durch haymliche Sunde / in zweuel vnd vn glauben (ob er noch einen gnedigen Gott habe oder nicht) gefallen were / wie dann gewislich geschicht / durch alle die Sunde / von denen Paulus sagt Gala. am v. Ich habs zu vor gesagt vnd sag es noch zu vor / das die solliche thun werden das Reich Gottes nicht erben / Demselben wirdt in der Absolution oder im aufflösen / auch bayde mit worten vnd wercken gepredigt / das ime fur sein selbs aygne Person die Sund vergeben werde.

Also auch im Abentmal / wirdt denen die in Christo sein vnd leben / mit worten vnd wercken gepredigt / wie lieb sie Christus hab vnd wie freundlich er sich zu ihnen halt / wie er ihr Speis vnd Tranck zum auffwachsen des Dymlichen newen Menschen sein will / vnd sie also auffziehen bis sie im gleich werden / vnd da sibet auch ein yeglicher / das Christus mit ime fur sein selbs aygne Person handelt / wann im der Leyb vnd das Blut Christi in sein mundt geben vnd gegossen wirdt.

Solliche sicherheit / ist aus der gemaynen Predig nicht so geweltig zu schöpffen / Darumb soll man die stück dem Volck fleissig erkleren / vnd ine dieselben lieblich machen / wie dann im Catechismo kurtzlich angezaygt wirdet.

Vnd das ist der Pundt / die Lehr vnd die Krafft des newen Testaments / so Gott mit vns auffgericht hat / durch den Mittler Ihesum Christum vnsern WELKEN / welches im Alten Testament durch figur vnd haymliche deutung feyn abgebildet ist / sunderlich Exodi am xxiiij. da Moses dem Volck das Gesetz furhielte / vnd sie dasselbig einhelliglich annamen / richtet er das Alt Testament auff / lies Dpffer thun / nam das Blut darvon / sprengets halb auff den Altar / mit dem andern sprenget er das Volck vnd sprach / Das ist das Blut des Pundts den der WELKEN mit euch macht.



Also hat auch Christus ein new Testament auffzurichten/  
 sich selbs geopffert / sein Blut erstlich fur Gott ausgossen zur  
 versöhnung am Kreutz/darnach auch vns damit besprengt / durch  
 die Predig vnd das gehaymnus seines heyligen Abentmals / wie  
 Petrus anzaygt i. Petri i. vnd spricht / Wir seyen erwelet zum  
 gehorsam vnd zur besprengung des Bluts Ihesu Chri  
 sti / Darumb nennet der **ALTE** selbs sein Blut  
 ein Blut des Newen Testaments / das fur  
 vns zur vergebung der Sunde vergos  
 sen werde / dann das New Testa  
 ment ist das / darinn der Sun  
 de nicht mer gedacht wird/  
**Jeremie xxxi. De  
 bre. viij.**



*[Faint, illegible text visible through the paper, likely bleed-through from the reverse side of the page.]*



# Zum Kreutz vnd

Leiden.

**E**s bleybt aber nicht vnterwegen / wo man also lehret vnd lebet / es folget Kreutz vnd leyden hernach / Dann der Sathan kan weder die raynen Lehre / noch das Christenlich leben leyden / sunder er erreget vnd erwecket darwider alles das / des ehr mechtig ist / er ist aber geweltig vnd mechtig über die gantze welt (dann die Christen sein nicht von der welt / wie Christus selbs zeuget Johan. xv) darumb nennet in Christus ein fürsten dieser welt / Johan. am xij. vnd Paulus ein Gott dieser welt ij. Corinth. iij. Ist er nun ein fürst vnd ein Gott dieser welt / so dörfen wir vns nichts anders versehen / dann das er sampt seiner welt / sich wieder vns setzen werde / vnd bayde die raynen leer vnd das gutte leben anfechten / das er aber die leer anfechten werde / zayget Christus seinen Jüngern klerlich an do er spricht Johan. am xv. Waben sie mich gehört / so werden sie euch auch hören / haben sie mich verfolget / so werden sie euch auch verfolgen / es ist der Jünger nicht über den Mayster / Desgleichen das er das gut leben auch verfolgen werde / zeuget Paulus ij. Timoth. iij. vnd spricht / alle die Göttelig leben wollen in Christo / die werden verfolgung leyden / Darumb ist hoch von nöthen / das die Diener des Worts / ir Volck fleissig vnterrichten trösten vnd stercken / auff das sie sich recht in das leyden schicken / vnd es mit gedult überwinden / Dann man höret hyn vnd wider vil vngeschickter / Gottslesterlicher vnd Aberglaubischer rede / von denen die in gros leyden vnd trübsal kummen / wann man sie vnter richtet das leyden kumme von Gott / so sagen sie / ja wol es kummt vom Teuffel vnd nicht von Gott / wann man sie dann tröstet / Gott züchtige die die er lieb hab / so sagen sie / ey so wolt ich gett das er mich nicht so lieb hette / vnd wann in ein schad oder vngluck vnuersehens zustehet / des vrsach sie mit ihrer vnuerstendigkeit vernunfft / nicht begreyffen können / so sprechen sie als bald es sey durch Zauberey geschehen / vnd sollicher Aberglaub regiert sunderlich bey dem einfeltigen Pawrs Volck / daraus folgt dann auch das sie Wärsager / Zauberer / Barillen seher / Teuffels beschwerer vnd andere solche Gottlose Leut rats fragen / vnd nicht allein fragen / sunder iren lägen auch glauben / vnd gemainlich die främbsten vnschuldigisten Leut im verdacht haben / vnd bynter rückt gegen andern leuten vermehren / darzu ire Teuffels

D in Kunst



künfft vnd hülff annemen / folgen vnd gebrauchen derselben / dar-  
durch sie in Abgötterey fallen / welliches alles solliche grosse vnd  
greuliche Sunde sein / darumb gewislich Gottes zorn kumbt über  
die Kinder des Vnglaubens / wie Paulus spricht.

Auff das nun solliche Greuel ausgerenttet / vnd das Chri-  
stenlich Volck zu warer gedult gezogen werde / sollen sie vom  
Creutz vnd leyden vngefahrlich auff diese weyse leren.

Zum Ersten / Wiewol es war ist / das der Sathan mit all sei-  
nen Gliedern / ein hefftige vnd gifftige begirde hat / den frummen  
Gottes Kindern allerley schadens zuthun / an Leyb vnd Seel / an  
Ehr vnd Gut / wie Petrus spricht / Ehr gehe vmbher wie ein  
brüllender Löw vnd such wen er verschlinde / so ist doch gewis  
das er nicht ein Dar brayt schaden thun kan / es werde im dann  
in sunderheyt von Gott verhengt vnd zugelassen / Wie Chri-  
stus Matthei am x. lehret vnd spricht / Man kaufft zwen Sper-  
ling vmb ein pfennig / vnd felt doch derselben kayner auff die Er-  
den on den willen ewers Vaters im Dymel / nun aber sein auch al-  
le ewre har auff dem Daupt gezelt / darumb fürchtet euch nicht /  
ir seyt besser dann viel Sperling / vnd man sieht sollichs auch kler-  
lich in der Historien des heyligen Niobs / dem der Sathan kein  
layd / weder am gut noch am gesunde noch am leybe dorfft zu fü-  
gen / es erlaubet ims dann Gott der DEXX zuuor / ja es sein auch  
viel tausent guter Engel vmb vns her / die vns beschützen vnd be-  
schirmen / wie der Prophet Elisa seinem Diener zayget / da in der  
König aus Syria wolt fahen lassen iij. Reg. vi. vnd bezeugt auch  
Dauid am xxxiij. Psalm / das sollichs nicht allein dem Elisa /  
sunder allen denen die Gott fürchten widerfare / vnd spricht / Der  
Engel des DEXX legert sich vmb die Dere / die ihn fürchten  
vnd hilfft in aus / wo man sich aber legert da mus ein gantzes De-  
er sein / so spricht Christus auch von den jungen Kindlein / ire En-  
gel sehen one vnterlas das Angesicht ires Vaters im Dymel / Es  
gibts auch die teglich erfahrung / wann wir nur acht darauff  
betten / vnd der wunderwerck Gottes warnemen / dann wieviel  
Vnglucks vnd böser anschleg richtet der Teuffel teglich durch  
börs Menschen an / deren viel ans liecht kummen vnd offenbar wer-  
den / vnd richtet doch nichts aus / sunder werden so wunderbar-  
lich verhindert / das niemand laugnen kan / es sey Gottes werck  
vnd nicht Menschen klugheyt / darumb sollen sie die Leut auffsa-  
fleyffigst dahyn weysen / das alles das vns begegne / es sey gut o-  
der börs (ausgenommen die sünde) das kume alles aus Gottes ra-  
the vnd verhengtnus / vnd ob es gleich durch den Teuffel oder börs  
se Mens



se Menschen ausgerichtet wirdt / so ist doch der Teuffel oder der böse Mensch im selben fall Gottes werckzeug / gleich wie der Dencker des Richters werckzeug vnd Diener ist.

Zum Andern / dieweil es nun Gott verordnet oder verhengt / so ist gewis / das ers vns zu gut thut vnd nicht zum argen / wie vns die Epistel zu den Hebreern am xij. lehret vnd spricht / Mein Sune acht nicht gering die züchtigung des HERRN / vnd verzage nicht wann du von jme gestrafft wirst / dann welchen der HERR lieb hat den züchtiget er / er geyffelt aber einen yeglichen Sunden er auffnymbt / so ir nun die züchtigung erduldet / so erpent sich Gott gegen euch als den Kindern / dann wo ist ein Sunden der Vater nicht züchtiget / seyt ir aber on züchtigung / welcher sie alle taylhafftig sein worden / so seyt ir Paffhart vnd nicht Kinder / auch so wir vnser leybliche Vater zu Züchtigern haben gehabt vnd sie geschenhet / solten wir dann nicht viel mehr gehorsam sein dem Geystlichen Vater / das wir leben / Vnd ihene zwar haben vns gezüchtigt / wenig tag nach irem geduncken / dieser aber vns zu nutz / auff das wir sein heyligung erlangen / alle züchtigung aber wann sie da ist / bedunckt sie vns nicht freude / sander traurigkeyt sein / aber darnach wirdt sie geben ein friedsame frucht der gerechtigkeit / denen die dardurch geubet sein / des gleichen spricht Paulus i. Corinth xj. Wann wir gerichtet werden / so werden wir vom HERRN gezüchtiget / auff das wir nicht mit dieser Welt verdambt werden / vnd zu den Römern am viij. Wir wissen das denen die Gott lieben / alle ding zum besten dienen / die nach dem furatz beruffen sein.

Zum Dritten / sollen sie das Volck auch fleissig lehren / Das Creutz / leyden / trübsal vnd allerley widerwertigkeyt / die rechte Schul ist / darinn man Gottes willen recht gründtlich lernt erkennen / dann Christus spricht Luc. am xiiij. Wer nicht sein Creutz tregt vnd mir nachfolgt / der kan nicht mein Jünger sein / nun ist ye Christus vnser ayniger Mayster / vnd auferhalb sein sollen wir vns kein Mayster nennen auff Erden / so sollen wir auch seine Jünger sein vnd von jme lernen / er spricht aber / niemandt könn sein jünger sein er neme dann sein Creutz auff sich / darumb kan auch niemandt von jme lernen er leyde dann / das bezeuget auch Paulus / da er vns bittet / wir sollen vnser leyb dargeben ins leyden zu einem Opffer zc. auff das wir mögen brüsen / welliches da sey der gut wolkgefellig vnd völkummen wille Gottes Ro. xij.

Man lernt aber manicherley vnter dem Creutz vnd trübsal /  
D iij we



welliches doch alles dahin dienet das man Gottes gütten vnd gnedigen willen gegen vns erkenne / davon wollen wir die fürnehmsten stück anzaygen / Dann etliche lernen jr Sunde vnd gebrechligkeit / deren sie an in selbs vorhyn nicht wissen oder war genummen haben / vnter dem Creutz erkennen / wie dem Iob geschach / dann do er lang gedültig war gewesen / sieng er zu letzt an / vnd fluchet aus vngedult dem Tag daran er geboren war / welche Vntugend er gewislich vorhyn an ime selbs nicht gewist / noch gemaynt hat das es im darzu solt kummen / das er ein solliche greuliche red thun solt / aber im leyden findet sichs alles was guts oder böses in vns ist / vnd wirdt des hertzen grundt / vnd alles was darinnen verporgen ligt an das liecht gezogen vnd vns selbs vnter augen gestelt.

Also solten die jhenen so im leyden vngedültig / Nachgirik oder verzagt werden / oder die zu den Warsägern lauffen / oder so es vmb's Wort Gottes willen ist die da wider ruffen / oder sunst Vnchristlich handeln / daraus erlernen vnd erkennen / das sie noch nicht recht an Gott glauben (dann das sein eytel frucht des Vnglaubens) sunder verzweiffeln an ime / an seiner gütte / an seiner hülff / an seiner gerechtigkeit / vertrauen dagegen auff sich selbs / auff andere Creatur / ja auch auff Teuffels kunst vnd den Teuffel selbs / vnd solten von hertzen darob erschrecken / Bus thun vnd jr leben bessern / Dann Gott schickt in solche Vnglück darumb zu / das sie sich im leyden als in einem Spiegel ersehen / brüffen vnd erkennen sollen / dann weil es ine wolgehert sein sie sicher / fragen nichts nach Gott / hören kein Predig / beten nichts / sunder lassen sich beduncken sie wissen vnd haben schon alles was sie bedörffen.

Etliche aber lernen ire Sunde / die schon geschehen sein / in dem Leyden bedencken vnd betrachten / vnnnd werden dardurch zur Bus getrieben / dann wann die Leut sündigen / achten sie es gemeinlich nicht / schlahens in Windt / vnd gedencken es sey nicht so ferlich als man darvon rede / Wann aber Creutz vnd leyden kumbt / so erschrickt das Gewissen vnd gedenckt es sey ein anzaygen das Gott mit vns zürne / vnd fürchtet sich greulich / er were furo nur Richter vnd nimmer Vater sein / darumb zuecht er all sein alte Sünd herfür / bringt sie zu gedechtnus / vnd vrteylt sich selbs vnd spricht / mit den vnd den Sünden hab ich diese straff wol verdient &c. Wann man dann Bus thut vnd gnad sucht / so findet man auch widerumb gnad bey Gott / dann darumb schickt er sollich's leyden / das man die Sunde bedencken / sich selbs richten vnd bekeren soll / wie das Paulus i. Corinth. xi. gar feyn anzaygt vnd spricht / das vmb der Sunde willen / das sie das heylig Sacrament



erament vnordenlich gehandelt vnd vntwirdigklich empfangen hetten / weren viel schwache vnd francke vnter inen / vnd ein gut tayl schlieffen / zayget inen auch darbey an / wann sie solliche Sunde von in selbs erkant vnd gerichtet / das ist / berewet hetten / so würde sie Gott nicht also mit franckheyten haymgesucht haben / Dann so wir vns selbs richteten / spricht er / so würden wir nicht gerichtet / wann wirs aber nicht thun / so strafft Gott nicht aus zorn / sunder aus gnade / das er vns an die Sunde mane vnd zur Bus treybe / das wir nicht verdampt werden / das ist das er spricht / wann wir aber gericht werden / so werden wir vom **DEXXI** gezüchtiget / auff das wir nicht mit der Welt verdampt werden.

Vnd diese alle lernen den guten wolgefelligen willen Gottes im Kreutz / nemlich das er nicht will den tod des Sunders / sunder das er sich bekere vnd lebe / wie er durch den Propheten Jesaiel gesagt hat.

Etliche aber lernen nicht ire Sunde die in Gott vorhyn vergeben vnd zugedeckt hat / sunder die blossen güte Gottes gegen ine / im Kreutz erkennen / als der blindt geborn / Johan. am ix. von dem die Jünger den **DEXXI** fragten vnd sprachen / Mayster wer hat gesündiget dieser oder seine Eltern / das er ist blind geboren / Ihesus aber antwortet / es hat weder dieser noch seine Eltern gesündiget / sunder das die werck Gottes offenbar würden an ime / vnd da er solchs gesagt hette / machet er in sehend / Vnd dieser art ist der mayste vnd gröste tayl des leydens aller Christen / dann Gott hat vil grössern lust zugeben / zuhelffen vnd zuerretten / dann wir zubitten vnd anzuruffen / welliches er damit anzaygt / das er so ernstlich vermanet vnd gepeut / wir sollen bitten / vnd so treffenlich zusagt / alles was wir in seinem Namen bitten das wolle er thun / Vnd auff das wir sollichen seinen guten Willen erlernen / so schickt er vns ein Kreutz / vnd zwinget vns gleich ine an zuruffen / auff das er vns erhöre vnd helffe / damit wir seinen guten vnd gnedigen willen gegen vns erlernen / vnd dardurch getröst / gesterckt / vnd zu dancksagung bewegt werden / wie er durch den Propheten Dauid gesagt hat am l. Psalm / Ruff mich an in der zeyt der not / so wil ich dich erretten / so soltu mich preysen / Vnd alhie fahet das Kreutz an leycht vnd lieblich zuwerden / Dann wer wolt nicht gern ein zeitlang blind sein / wann er das darinn erleben solt / das in Christus selbs wunderbarlich solt mit seinen heyligen Denden gesund machen / Wer wolt nicht gern mit Dauid verfolgt sein / wann er wüste das er auch mit ime wunderbarlich durch Gott solt errettet werden / Wer wolt nicht gern mit dem **Niob** geplagt vnd verachtet sein / wann er wüß das im  
Gott



Gott zu letzt selbs in seiner Göttlichen Mayestat ein Urthail würdt fellen / das er gerechter were dann seine Widersprecher / vnd ine wider in all seine vorige herrligkeyt setzen / Nun würden aber gewislich die Christen gleich so wol aus all irem leyden vnd trübsal errettet / als ihene errettet sein / wann sie nur glaubten vnd anrufften / Darumb sollen die Diener des Worts hierzu stettigs vermanen / bis doch der Glaub vnd das anruffen / das so gar in der Christenheyt erloschen ist / widerumb angericht werden.

Etliche aber lernen nicht allein Gottes güte / sunder auch jr selbs stercke im Glauben vnd inbrünstigkeyt in der liebe durchs leyden erkennen / als die lieben Aposteln Christi vnsers N. A. R. n. theten / Actorum am v. Dann da sie vmb der Predig willen gesteypt waren / giengen sie frölich von dem Angesicht des Kays / darumb das sie würdig gewest waren / vmb seines Namens willen schmach zu leyden / Nun ist es ja ein grosse güte Gottes / wann er vns würdig achtet vmb Christus willen zu leyden / dann wer mit ime leydet / der würdt auch mit ime zur herrligkeyt erhaben werden / Roma. am viij. So ist das ja auch ein gros gezeugt- nus jres Glaubens vnd jrer liebe / das sie sich des gestreyt ha- ben / dardurch sie on zweyffel sehr in in selbs getröst worden sein / Vnd dahin solten alle Christen arbeytten / das sie zu sollicher vol- kummenheyt möchten kummen / wie auch viel heylige Werterer / Man vnd Weyber / jung vnd alt / gelerte vnd vngelerte / gethon ha- ben / auff das wir mit Paulo möchten sprechen / Es sey fern von mir / das ich mich solt rühmen dann allein vom Kreutz vnsers Her- ren Ihesu Christi / durch welchen mir die Welt gekreuzigt ist / vnd ich der Welt.

Vnd hierbey sollen die Diener des Worts fleissig vnd trew- lich warnen / vor dem Irthumb der Widertauffer vnd anderer Schwermer / die kein leyden wollen gelten lassen / dann das vmb des Glaubens willen kumbt / darzu niemand keinen Christen wol- len sein lassen / er trage dann sollichs leyden vnd werde vmb- s Glaubens willen verfolgt / darinnen sie den Donatisten / welli- che auch Widertauffer waren / fast gleich sein / von welchen der heylig Augustinus schreibt das sie die Leut nötteten sie zuerwür- gen / vnd zu letzt sich selbs vnbrachten wie jrs Cayssis art war.

Es ist aber dreyerley Kreutz vnd leyden / Das Erst / wann man vmb Gottes Worts vnd der gerechtigkeit willen verfolgt würdt / vnd das ist gar ein seligs leyden / wie Christus bezeuget Matthei am v. Selig sein die vmb der gerechtigkeit willen ver- folgt



folgt werden / denn das Himmelreich ist jr / Selig seyt jr wann euch die menschen vmb meinen willen schmehen vnd verfolgen zc.

Das ander / wann vns Gott selbst ein kreutz zur züchtigung aufflegt / als krankheit / armut / teürrung / pestilentz / vnd was dergleichen mehr ist / vnd in sollichem leiden wenn mans geduldig tregt / gefelt man Gott auch wol / wie das Christus zuuerstehen gibt / im gleichnus vom herrlichen Abentmal / darzu die geladen nicht kamen / es kamen aber darzu die Armen / Lamen / Krüppel vnd Blinden / Luce am. xiiij.

Das dritt ist / wann man von der welt vmb übelthat willen verfolgt vnd gestrafft wirt / als dieb / rauber / mörder zc. vnd das leiden stehet einem Christen vbel an / darumb sol er sich auffs höchst dauor hütten das ers nicht verschulde. i. Petri. iij. wann es aber ye übersehen ist / so sol man nicht verzagen / sonder bekennen das mans wol verdint hab vnd geduldig leide / darzu gnad bitten / so wirdt es auch ein heiligs leiden / wie man bey dem einem Schecher am kreutz neben Christo mag lernen.

Es stehet auch nicht in vnser macht / das wir für ein kreutz haben was wir wollen / sunder ein yeder mus das kreutz tragen / das im Gott zuaygent vnd aufflegt / Darumb spricht auch Christus / wer sein junger sein wöll der soll sein kreutz auff sich nemen / nicht das kreutz Christi / auch nicht das kreutz Petri oder Pauli / sunder sein aygen kreutz / darumb sol im ein yeder sein kreutz gefallen lassen / vnd sich desselbigen auch rümen / allein das man das kreutz der vbeltheter nicht verdiene.

Das nun nicht ein yeder Christ vmbß glaubens willen mus leiden / beweyset die that mit Johanne dem Euangelisten / welchen der DEXX sündlich lieb hatte / vnd doch nicht durchs leyden vmbß Glaubens willen / sunder des natürlichen todts in gutem alter lis sterben.

Zum vierden / sollen sie auch leren / das vnserm alten Adam das kreutz nicht allein nutz wie vor gemelt / sunder auch also nöttig sey / als dem leyb das teglich Brod / dann im Glück vnd Wolsart wirdt er gemainlich gayl / vergift Gottes / vnd felt dahin in allerley sünde vnd schand / wie Moses Deutero. xxxij. sagt / Da er sayst vnd satt ward. / da wardt er geyl / vnd hatt den Gott las-  
sen



sen faren der in gemacht hat/ vnd hat den Felsen seins hayls gering geachtet/ Darumb auch in sprüchen Salomonis am xxx. also gebeten wirdt/ **DEXX** armut vnd reichthumb gib mir nicht/ ich möcht sunst wo ich zu satt würde verlaugnen vnd sprechen/ wer ist der **DEXX**.

Sollichs zuuerhütten ist vns nütz vnd nötig/ das wir vnser Creutz tragen/ also gar/ wann vns Gott kein leyden schickt/ das wir selbs vnsern leyb zu fasteyen vnd zubeteuben schuldig sein/ wie Paulus gethan hat/ dann er spricht i. Corinth. ix. Ich beteube meinen leyb das ich nicht den andern predig vnd selbs verwerfflich werde.

Dann der alte Adam mus doch vntergedrückt vnd getödtet werden/ soll der new Mensch zunemen vnd volkummen werden/ wie vor angezaygt ist/ das würckt aber der heylig Gayst am aller maysten durchs Gesetz vnd Creutz/ vnd darumb haben wir in der Tauff alle in allerley leyden vnd in den Todt gewilligt/ wie Paulus bezeuget zu den Römern am vi. vnd spricht / Alle die wir in Ihesum Christum getaufft sein/ die sein in seinen Todt getaufft/ so seind wir ye mit ime begraben durch die Tauff in Todt etc. Vnd abermals/ Wir wissen das vnser alter Mensch mit ime gekreuzt ist/ auff das der sundliche leyb auffhöre/ das wir hynsurober Sunde nicht dienen/ Das ist/ Gott hat vns in Christo ein Exempel geben vnd ein Prob sehen lassen/ wie der alt Adam mus leiden vnd sterben/ soll er anderst auffhören zu sundigen/ dann wer gestorben ist/ der ist gerechtfertigt von Sunden spricht Paulus.

Als nötig nun zur seligkeyt ist/ das der alte Mensch absterbe vnd von Sunden auffhöre/ also nötig ist vns auch das Creutz/ on wellichs der alt Adam nicht gezemet noch getödt kan werden.

Zum fünfften/ sollen sie auch lehren/ Das das leyden ein ehrlich vnd herrlich ding sey vor den Augen Gottes/ dann Gott der **DEXX**/ der an seinem eingebornen Sun Ihesu Christo ein sinder wolgefallen hat/ wie er sich selbs von Hymel herab hat lassen hören/ der hat ine durchs leyden des Todts gekrönet mit Ehren/ **Debre. ij.** So nun der Sun Gottes hat gelitten/ vnd ist dadurch zu seiner herrligkeyt eingangen/ so ist gewis das Gott nichts bas gefelt dann das leyden/ dann were etwas im Hymel vnd Erden zu finden gewest/ das Gott bas gefiel dann das Creutz vnd leyden/ Christus würde dasselbig auch gefunden/ vnd dem Vater zu gefallen an sich genummen haben/ nun ist aber der Junger  
nichts



nicht über denn Mayster / darumb sol ers auch nicht besser haben dann der Mayster / Vnd wann nun gleich kein ander nutz aus dem leyden köme / so wollen wir dannocht gedultiglich vnd gerne leyden / allein darumb / das wir Christo gleich würden / dann darumb das Christus seinem Hymlichen Vater im leyden am höchsten angeneh gewest ist / hat er auch beschloffen / das alle die mit ime zur herrligkeyt kummen sollen / müssen vor auch leyden / wie das Paulus bezeugt zu den Römern am viij. vnd spricht / Welche er zuuor fürsehen hat die hat er auch verordnet / das sie gleich sein sollen dem Ebenbild seines Sons / auff das derselbig der erst geborne sey vnter vielen Brüdern.

Es ist auch vnser leyden in das leyden Christi eingeleyt / vnd wir sein durch den Tauff in seinen todt gepflantz / Roma. vi. Auff das wir ja gewis mögen sein / das vnser leyden Gott auch wolgefallt wie das leyden Christi / Dann ist er vnser haubt vnd wir seine Glyder / so mus das leyden gemayn sein / darumb saget er zu Paulo / da er die Christen verfolget / Saul Saul warumb verfolgest du mich / vnd hat das Haubt gelitten / so müssen die Glyder auch leyden / darumb spricht Paulus Col. i. Ich frewe mich in meinem leyden das ich für euch leyde / vnd erstatte an meinem flaysch was noch mangelt an trübsaln in Christo.

Darzu ist das leyden ein furderung vnd eingang zu der herrligkeyt / wie Paulus sagt ij. Timoth. ij Das ist ye gewislich war / sterben wir mit / so werden wir mit leben / dulden wir mit / so werden wir mit herschen / verlaugnen wir aber so wirdt er vns auch verlaugnen / vnd ist doch das leyden nyrgent so gros als die frucht / die wir dardurch erlangen / wie Paulus zu den Röm. am viij. spricht / Ich halts dafür / das dieser zeyt leyden / der herrligkeyt nicht werdt sey / die an vns soll offenbart werden.

Dieweil dann das Kreutz vnd leyden / von Gott über vns verordnet ist / vnd der Sathan sambt allen bösen Menschen / on sundere verhengnus Gottes / nicht ein Dar von vnserm Haubt müssen verderben / So sollen sie die Leut auff's fleissigist dahyn weisen / das sie im trübsal nicht auff des Sathans oder der Menschen bosheyt wollen sehen / damit sie nicht zur vngedult vnd racheraytzt werden / sunder allein auff den gnedigen vnd gutten willen Gottes / das ers so trewlich gegen vns maynt vnd vns darmit züchtiget vnd lehret / das wir vnser Sunde vnd gebrechlickeyt erkennen / Dus thun / vnd in Christo widerumb gnad erlangen /



Sünde meyden / sein gütte vnd vnsern Glauben vnd liebe brüfen /  
dieses lebens mued vnd des künfftigen begirig werden / vnsern Al-  
ten Adam zemen vnd abtöden / Christo gleich werden / vnd also  
die ewigen herrligkeit empfaben / Dann wann sie das thun / so  
werden sie nicht in vngedult vnd Abgötterey fallen / wie sunst viel  
geschicht / sunder gedultig sein vnd das Joch des **DEXXI** auff  
sich nemen / vnd also ruhe finden fur ire Seelen Matth. xi.

Dann wir haben doch gar ein hohen vnd treffenlichen trost /  
an dem wort Pauli das er spricht i. Corinth. x. Gott ist getrew  
das er euch nicht lest versuchen über ewer vermögen / sunder  
macht das die versuchung so ein ende gewinne das irs köndt ertra-  
gen / Wir haben auch hülff vnd rath vns von Gott veror-  
dent / in allerley leyden / nemlich wider den Sathan das Wort  
Gottes / wider böse mutwillige frese Menschen die weltlichen D-  
berkeit / wider Kranckheyt vnd gebrechen des leybs die natürli-  
chen Artzney / vnd wider sie alle in gemain / ein Christenlich ernst-  
lich Gebet / Darumb ist es nicht nott hülff vnd rath bey  
dem Teuffel oder Teuffels Künstnern oder sunst in an-  
der Vnchristenlich wege zusuchen / sunder mögen  
vnd sollen vns der obgemelten hülff nach Gottes  
Wort gebrauchen / mit guttem Ge-  
wissen / vnd wes sie vns nicht  
abhelffen sollen wir  
mit gedult ley-  
den.





# Zum Christlichen

## Gebete.

**E**s ist auch sehr viel gelegen an dem Christlichen Gebete / wie vor angezaygt ist / dann wir dardurch alles so wir von Gott durch den Glauben gewarten / suchen vnd empfangen müssen / vnd ist doch so gar gefallen vnd erlösen / das schier niemandt mehr recht Christlich betet / Aber im anfang der Christenheyt / war es so starck vnd brünstig / das viel wunderwerck dardurch geschahen / wie man des viel Exempel hat / vnd geschehe gewislich noch / wann man mit rechtem ernst vnd Glauben einhellig betet / Darumb auff das es widerumb angerichtet werd / sollen die Prediger vnd Kirchen diener / die Leut fleissig darzu vermanen / vnd auff diese weyse dauon vnterrichten.

Zum Ersten / Dieweil schwerlich yemandt recht warhafftig vnd von hertzen betet / es treybe in dann die anligende not / so sollen sie sich sunderlich beflissen / das sie den Leuten die not fur augen stellen / dardurch sie zu beten getrieben werden.

Es ist aber zweyerley not vnd ferligkeyt / Nemlich die offenbaren vnd die haymlichen / Die offenbaren kent yederman selbs woll / als krankheyt / armut / verfolgung / schandt / feindschafft / Krieg / Pestilentz / Teurung / Secten / Ketzerey vnd was mehr zeitlicher vnd Gaystlicher gebrechen ist etc. Aber es bewigts nicht yederman / so hoch als wol von nöthen were / das ist / man nimbt nicht zu hertzen / das man Gott den **WELCHEN** ernstlich darfur betet / darumb sollen sie die Leut vnterrichten / wie solliche übel aus Gottes zorn über der Welt Sunde geschickt werden / auff das sie nicht allein die gefahr / sunder auch Gottes zorn darinn ansehen / Desgleichen was für schaden / Leyb vnd Seel vnd den gutten sitten daraus entstehen / auff das die Leut bewegt werden / Gott hertzlich darfur zubitten.

Die haymlichen gefahr sein die verporgen strick / die vns der Sathan alle augenblick nachtreget vnd legt / das er vns an Leyb vnd Seel / Ehr vnd gut verderbe / Vnd gewislich / wo vns Gott aus seiner grundlosen barmhertzigkeyt vnd liebe / durch sein heilige Engel nicht behüttet / könten wir nicht ein stundt vor seinen giff

Leuten



lügen anschlegen bestehen / Dann hie würde er einen mit giftigen  
luft anblasen / das er stürbe / dort ein in sünde werffen das er ver-  
zweiffelte / hie mord vnd blutvergiffen / dort offenliche ergernus /  
da vngewitter / dort Krieg / da Ketzerrey / dort Abgötterey anrich-  
ten / hie falsche erscheinung machen / als were er ein gutter Gayst /  
dort erschrockliche erscheinung / daruon die leut vn Sinnig vnd synn  
los wurden / den würde er auff dem weg yrr machen / ein andern  
von einem Saul / ein andern ins Wasser / ein andern ein stieg abe zu  
todt werffen / den würde ein gebew erschlagen / diesen ein wild thier  
zerreyssen / den ein giftiger Wurm stechen / da würde er sewer an-  
zunden / dort gantze Wolckenprüch herab schütten / da würde er  
ein treyben das er sich selbs erwürget / erhieng / er steche / oder zu to-  
de siele / dort würde er ein gar besitzen / da würde er einem ein böse  
Teufflische kunst eingeben / dardurch die Menschen am leyb vnd  
gemüt beschedigt würden / als durch manicherley Zauberey be-  
schicht / dort würde er allerley Sünde anrichten / die niemandt erze-  
len kan / da zwitracht vnd gift / mord vnter Eheleuten vnd Haus  
gesind / dort auffrühr zwischen Oberkeit vnd vnterthanen / da wür-  
de er ein die Schrifft leren falsch auslegen / dort die recht vnd Ge-  
setz verkeren / den würde er mit wolusten fangen / das er sine vmb  
Leyb vnd Seel brecht / ein andern mit verfolgung müd machen /  
das er verwegen vnd roch würde / In summa es wurde in der gan-  
zen Welt nichts vor jm bleiben / das er nicht in schandt / schaden /  
Todt / Sund / ergernus / yrrthumb vnd verzweiffung stürtzet / wann  
jm Gott nicht wehret / Dann er ist ein mechtiger Herr vnd Fürst  
der Welt / der in der luft herschet / Ephe. am ij. vnd kan sollich yrr-  
thumb vnd vnglück anrichten / wans möglich were / das auch die  
anserwelten verfurt wurden / wie er dann am heiligen Niob sun-  
derlich wol bewisen hat / vnd Gott noch zu zeitten vns solche Ex-  
empel sehen lest / auff das wir dardurch erinnert werden seines Göt-  
lichen schutzes vnd schirms / Ime darum dancken vnd herrtzlich  
bitten / das er vns fur vnd fur also wöll behutten / Sollicher haim-  
lichen gefar sicht das gemain Volck gar wenig / vnd wenn es eusser-  
lich fried vnd ruhe hat / so gehet es on alle furcht dahin vnd betet  
nichts / Darumb sollen die Prediger sie fleissig vnd beschaidenlich  
erinnern aller dieser haimlichen gefahr / auff das sie die grossen not  
die vns one vnterlas zubeten billich treiben soll / lernen erkennen /  
vnd nicht so sicher vnd furchtlos dahin gehen.

Zum Andern / sollen sie mit fleis warnemen / der Göttlichen  
zusagung / die vns hin vnd wider in der heiligen Schrifft ange-  
zaigt werden / darinn vns Gott zusagt / das er vns vor sollichen  
geferlichen zufellen behutten / vnd wann wir schon darinn stehen /  
wider daraus erretten wölle / Vnd dieselbigen den Leuten zu ge-  
legener zeyt furtragen vnd fleissig einbilden / auff das sie Gott den  
WELLEN derselbigen zusagung erinnern vnd jr Gebet darauff  
grun-



gründen / Dann soll das Gebet erhört werden / so mus es aus dem Glauben vnd im namen Christi geschehen / wie Christus spricht / Alles was jr bittet im Gebet so jr glaubt so werdet jrs empfahen / Matthei am xxxi. Vnd abermals / warlich warlich sag ich euch / wann jr den Vater etwas bitten werdet in meinem Namen / so wirdt ers euch geben / Johan. xxi.

Wann wir nun glauben sollen das vnser Gebet erhört werde / so müssen wir ja Gottes Wort vnd zusagen haben darauff wir glauben / es würde sunst ein Aberglaub vnd Abgötterey / wann wir auff vnser aygen wohn vnd vermessenheyt wolten glauben vnd bitten / Darumb ist das zusagen darauff wir bitten ein nöttig ding / on wellichs kein Gebet Christlich sein noch erhört werden mag / Ober das soll es auch im namen Christi geschehen / das hayst aber recht im namen Christi gebeten / wann man nicht allein spricht / wir bitten dich Almechtiger Gott durch Ihesum Christum deinen Sun vnsern lieben **DEXXI** etc. sunder wann man eytel solliche ding bittet / die vns Christus zubitten befolhen hat / also das wir sprechen mögen / wir kummen nicht aus aygner vermessenheyt dich zu bitten lieber Dymlicher Vater / sunder dein ayniger Sun Ihesus Christus hat vns das gehayssen vnd befolhen / vnd ist sein will vnd maynung / du solt vns darinn vmb seinet willen erhören / wir bitten auch nicht vmb vnser würdigkeyt vnd verdiensts willen / dann wir wissen wol das wir nur eytel zorn vnd straff verdient hetten / wir bitten aber im namen Christi / das ist / das du vns vmb seinen willen vnd in seinem Namen erhören wölest / Das hayst dann recht in Christus namen gebeten / vnd ist vnmöglich das sollich Gebet nicht solt erhört werden / wann man glaubt vnd nicht zweyffelt / wie das der heylig Johannes in seiner Epistel am v. cap. sagt vnd spricht / Das ist die fraydigkeyt die wir haben zu ime / das so wir etwas bitten nach seinem willen so höret er vns / vnd so wir wissen das er vns höret / so wissen wir das wir die bitt haben.

Sie sollen auch den Leuten ernstlich furbilden / wie ein grosse Sünd es sey / wann man im Gebet zweyffelt / Dann dieweyl all vnser Gebet auff Gottes zusagen geschicht / so folget / wer da zweyffelt ob Gott sein Gebet erhöre / der zweyffelt auch ob Gott warhaftig sey vnd halte was er zusag / Wie kan aber ein Creatur Gott ein grössere schandt zuziehen / dann wann sie ihne für vnwarhaftig helt / darumb erlangt auch sollichs zweiffelichs Gebet nichts / wie Iacobus i sagt / Wer da zweyffelt der ist gleich wie des Mehers wage / die vom Winde getryben vnd gewebet würdet / sollicher Mensch gedenck nicht das er etwas vom **DEXXII** empfa  
Lij hen



VXX  
hen werde/ein Zweyffeler/was er anfahet so ist er doch nicht zu  
frieden/Doch sollen sie feuberlich mit den schwachglaubigen fa-  
ren vnd sie trösten/das sie Christus wol ein zeyt lang gedulden kö-  
ne/wie er auch seine Jünger duldet / denen er nach seiner auffe-  
stehung den Vnglauben noch auffrucket/wann sie nur darfur bit-  
ten vnd sprechen / wie die Jünger / **WELX** mehre vns den Glau-  
ben.

Zum Dritten/sollen sie den Leuten anzaygen / das vns auch  
gepoten ist von Gott dem **WELXEN** / all vnser noturfft zubit-  
ten/dann Christus spricht/Bittet so werdet jr empfaben/Matth.  
am vii. Luce am xi. vnd aber / Bittet so werdet jr nemen das ewer  
freund vollkommen sey/Johan. am xvi. auch zaygt er durch ein glei-  
chnus Luce am xvii. Das man allzeyt beten vnd nicht lass werden  
solle/des gleichen dringt vns auch das gepot/ Du solt den namem  
des **WELXEN** deines Gottes nicht vergeblich führen / Dann wer  
seinen Namen nicht vergebenlich führen will/der soll ine bekennen  
anruffen vnd loben/wie er spricht am l. Psalm / Küß mich an zur  
zeyt der not so will ich dich erretten / Darumb gleich wie der sün-  
digt der Vater vnd Mutter vnehr/ stilt oder leugt wider Gottes ge-  
bot/also sündigen auch die schwerlich die Gott nicht anruffen/ in  
nötten nicht von ime bitten was sie bedörffen/ es sey zeitlichs oder  
ewigs/dann sie thun auch wider Gottes gepot.

Auff das aber solliche Sunde deyster leichter vermitten wer-  
de/so ist Christlich vnd gut/das man die jungen Kinder fleissig zu  
beten gewene/vnd ihnen form/ mas vnd ordnung darinnen furge-  
be/wann/wo/wie offft/vnd warumb sie bitten sollen/nicht das  
man Gesetz daraus mache vnd die Gewissen darmit verstricke/sun-  
der sie mit gutten Worten vnd kindischer belonung darzu raytze/  
Dann was man also von jugend auff gewonet/das haßtet gar  
hart/es sey gut oder böß / Derwiderumb wann man eins dings  
vngewonet ist/vnd bleibt bis ins alter/ so bringt mans schwerlich  
erst in brauch/wans schon gut ist/vnd wir selbs wolten das wirs  
nicht vnterliessen/Wiewol denen die Gottes gepot recht vor au-  
gen haben/nichts zu spat noch zu schwer ist / Darumb sollen sie  
die Eltern vermanen/vnd selbs auch darob sein/das die Kinder  
zu Christenlichem Gebet gezogen vnd gewenet werden/sunderlich  
aber wann sie sich niderlegen/auffstehen/zu Tische vnd vom Ti-  
sche gehen/vnd wann sie in der Kirchen sein/die zeyt daran sie  
nicht predig hören / Es were auch sunderlich gut/das man dem  
Kindern fleissig einbildet/das sie wann sie allein weren/beteten o-  
der sunst etwas Christlichs bedechten / Dann es ist vnseglich was  
manicherley Sund vnd übel verhüt würde/wann das müßig ge-  
hen/vnd die vngeszembten freyen/fligenden gedancken der Leut/  
die



die allein sein/eingezogen würden/ Dann solliche Kinderübung vnd ordnung/hat Moses auch fur gut angesehen/Deut.am vj da er spricht/ Diese wort soltu zu hertzen nemen vnd dauon reden/wenn du in deinem Haus sitzest/oder auff dem weg gehest/wann du dich niederlegst oder auffstehest zc.

Damit sich aber niemand beschweren oder entschuldigen möcht/er hette nicht zeyt oder kōndts nicht lernen wie er beten solt/ So hat vns Christus nicht allein angezaygt / das wir nicht viel wort dōrffen machen wann wir wōllen beten/sunder auch ein feine/kurtze/leichte weis vnd form angezaygt zu beten /nemlich das heylig Vater vnser/darinnen alles reychlich begriffen vnd verfasst ist/was wir bitten sollen /wann mans nur recht verstehen lernet/Wie es aber verstanden vnd betracht sol werden / mögen sie / wo sie nicht bessers wissen/aus dem Catechismo vnterrichten.

Zum Vierdten / sollen sie auch die misbreuch vnd Aberglauben / so mit dem Gebet eingerissen/flayssig anzaygen vnd mit aller beschaydenheyt ausreutten / Es sein aber viererley grosse misbreuch bis here im Gebet erfunden.

Der erst ist/Wann die wort des Gebets nicht Christlich/sunder dem Wort Gottes entgegen sein / als wann man vergebung der sünde bitt/vmb der Deyligen verdienst willen/ welches misbrauchs / in diesen letzten zeyten die Welt vol worden ist / wiewol es im anfang nicht im brauch ist gewesen / Desgleichen ist/wann ein Mensch etwas bitt/das er nicht bitten soll/welchs auch so manigfeltiglich geschehen ist/das es niemandt erzelen kan / Sollichem misbrauch zu wehren / sol man den Leuten die wort Pauli(wir wissen nicht was wir bitten sollen wie es sich gepürt) fleissig einbilden/vnd sie zu den Gebeten allein ziehen / die vns in der heyligen Schrift furgestellt sein/auff das sie gewis seyen / das sie nicht vnrecht /sunder nach dem willen Christi bitten.

Der ander misbratick ist / Wann man bitt von denen man nicht bitten soll/als wann man die Deyligen anrufft/nicht allein das sie fur vns bitten/sunder auch das sie selbs vns helfen vnd geben sollen was wir dōrffen / Als wann man von sanct Sebastian bittet/er soll behütten vor geschos oder Pestilentz/Sanct Anthoni vor dem wilden sewer zc.Oder wann man der Deyligen bilder anrufft/als werens die Deyligen selbs/wie die thun so Wallen laufen zu den Bilbern/wellicher Abgötterey die welt auch vol ist woz



den / Diesem misbrauch zu wehren / soll man die Leut fein selber  
lich von den Deyligen wider zu Gott führen / Erstlich mit dem / das  
wir kein befehl haben / die gestorbenen Deyligen anzuruffen / dar  
umb sein wir vngewis vnd müssen zweyffeln ob wir recht darann  
thun oder nicht / zweyffeln wir aber ob es recht sey / so gehet es  
nicht aus dem Glauben vnd ist Sünd / dann alles was nicht aus  
dem Glauben gehet ist Sünde / wie Paulus sagt / Darnach auch  
mit dem / das vns der heylig Gayst in der heiligen Schrift kein ge  
bet gelehrt oder furgestellt hat / das sich auff einen Deyligen rey  
met / Darumb wollen wir nach seinem willen bitten / wie wir das  
thun müssen / soll wir anderst erhört werden / so können wir kein  
Deyligen anruffen / wann wir schon gern wolten / Dann wie wür  
de es sich reymen / wann wir sanct Peter oder ein andern Deyligen  
anruffen wolten vnd sprechen Vater vnser etc. er ist ja nicht Gott  
noch vnser Vater / Desgleichen würd sichs auch nicht schicken /  
wann man ine mit einem Psalm wolt anruffen / darumb wer Deyli  
gen wil anruffen mus es allein mit Menschen gedichten thun / mit  
den ihenen Gebeten die vns Gott lehret / ist es vnmöglich zuthun /  
Endtlich wirdt sollicher misbrauch auch geweltiglich gestürzt  
durch Gottes Gepot welches Christus vnser lieber Herr selbs  
dem Sathan vnter die Nasen hielt vnd sprach / es stehet geschrie  
ben / du solt Gott dein DEXren anbeten vnd demselbigen allein  
dienen / Matth. am iiii Sie sollen sich aber fleissen / das sie die Leut  
von anruffung der Deyligen / mit solcher beschaidenheit weysen /  
das die rechten Deyligen dardurch nicht verachtet oder veruneh  
ret werden / Dann es ist ein grosser vnterscheid zwischen anruffen  
vnd ehren / das ist aber die rechte Ehr der Deyligen / Wann man  
Gott lobt der in solliche gnad geben / vnd die Deyligen darumb /  
das sie derselbigen gnad wol gebraucht haben / vnd wirdt dar  
durch gesterckt im Glauben / das man hofft Gott werde gegen  
vns auch also gnedig sein / vnd angezundt im fursatz das man ern  
stlich anfahet irem Exempel nach zu folgen / Also hat die Chri  
stenlich Kirck die Deyligen im anfang geehret aber nicht ange  
rufft / Wie man sieht in diesem Gebet von sanct Cecilia / Alme  
chtiger Gott der du vns mit dem Terlichen Fest deiner heyligen  
Juncckfrawen vnd Marterin erfrewest / gib vns das wir der die  
wir ehren / Exempel des gutten wandels mögen nachfolgen.

Der dritte misbrauch ist / Wann die wort des Gebets / das  
sunst Christlich vnd auff Gott allein gericht ist / auff ein bösen  
falschen Synn gezogen wirdt / Als wann man mit dem Vater  
vnser blut verstellen / oder die Wölff pannen will das sie die schaff  
nicht fressen / oder wann der xxxv. Psalm soll ein segen für hawen  
vnd stechen sein / vñ dergleichen vnzellige misbreuch / die haymlich  
schlei-



schleichen / vnd von den Aberglaubischen gebraucht werden / Bey diesem misbrauch sollen sie anzaigen / wie grosse Sünd solliche Aberglauben / Ketzerey / Abgötterey / vnd verfelschung des Wortes Gottes seyen / so wirdt er auch dahin fallen / Es ist aber ja ein recht greuliche verfelschung des Wort Gottes vnd des heiligen Gebets / wann mans also verkert / nicht weniger schedlich vnd strefflich dann andere Ketzerrische vnd verfürische Lehr.

Der Vierdt misbrauch ist / Wann man das Gebet für ein söllich werck helt / darmit man Gott oder den Deyligen ein dienst vnd Ehr erzaige / vnd nicht dahin gericht ist / das man ernstlich in der not etwas erlangen wölle / Als wann man viel Vater vnser vnd Ave Maria plappert / nicht der mainung das man gewisslich vertraw zuerlangen / was man im Vater vnser begert / sonder das mans auff den Daumen fasse vnd in Dymel auffhin schnelle / das der Junckfrawen Maria ein Krentzlein daraus werde / darob sie ein sundere freud empfabt / gleich als hette sie an Gott selbs nicht freude vnd seligkeit gnug / Oder wann mans auff ein Puschlein zusammen pindt / vnd wil darmit die Sünd bezalen / gleich als hette Christus nicht für vnser vnd der gantzen Welt Sünde vorhin gnug gethan / Dieser misbrauch ist nicht allein Vnchristlich / sonder auch recht Altvettelisch vnd Herrisch / er wirdt aber fein ausgereutet / wo man recht Christenlich / wie vor angezaygt / vom Gebet lehret.





# Zum Freien

## Willen.

**E**S reden auch viel vom freyen willen vnbesschayden / darumb haben wir diesen kurtzen vnterricht hierzu geschrieben.

Der Mensch hat aus aygner krafft ein freyen willen eusserliche werck zuthun oder zulassen / durch Gesetz vnd straff getrieben / derhalben vermag er auch Weltliche frumbkneyt vnd gute werck zuthun / aus aygner krafft von Gott darzu gegeben vnd erhalten / dann Paulus nennets gerechtigkeit des flayschs / das ist / die das flaysch oder der Mensch aus aygner krafft thut / Würcke nun der Mensch aus aygnen krefft ein gerechtigkeit / so hat er ja ein wal vnd freyheyte böses zufliehen vnd guts zuthun / Es fordert auch Gott solliche eusserliche oder Weltliche gerechtigkeit / wie geschrieben ist zum Galatern am iij. Das Gesetz ist gemacht eusserliche übertretung zu wehren / Vnd in der ersten zu Thimotheo am ersten / Dem gerechten ist kein Gesetz gegeben / sunder dem vngerechten vnd vngehorsamen / den Gottlosen vnd Sundern / als wolt sanct Paulus sprechen / Wir können das Dertz aus aygner krafft nicht endern / aber eusserlich übertretung mögen wir verhüten / Man soll auch lehren / das Gott nicht gefallen hat an einem wüesten Daydnischen leben / sunder Gott fordert von yederman solliche gerechtigkeit / strafft auch hart mit allerley Weltlichen plagen vnd ewiger peyn / sollich wüests wesen.

Doch wirdt diese freyheyte verhyndert durch den Teuffel / Dann wann der Mensch durch Gott nicht würde beschützt vnd regiert / so treybet ine der Teuffel zu Sunden / das er auch eusserliche frumbkneyte nicht helt / Solliches ist not zu wissen / das die Leut lernen / wie ein schwach elendt Mensch ist / der nicht hülf bey Gott sucht / Solliches sollen wir erkennen vnd Gott vmb hülf bitten / das er dem Teuffel wehre vnd vns behütte / vnd vns rechte Göttliche gaben gebe.

Zum Andern / kan der Mensch aus aygner krafft das Dertz nicht raynigen vnd Göttliche gaben würcken / Als warhafftige rew über die Sunde / warhafftige vnd nicht erdichte furcht Gottes /



XXVIII

res warhafftigen Glauben / hertzliche Liebe / Keuscheyt / nicht  
rachgirik sein / warhafftige gedult / sehnlich bitten / nicht gey-  
tzig sein ec.

So spricht Paulus zu den Röm. am viij: Der natürlich  
Mensch kan nichts Göttlichs würcken / sibet nicht Gottes zorn/  
darumb fürcht er in nicht recht / sibet Gottes gütigkeit  
nicht / darumb glaubt vnd trawet er ihme auch  
nicht / Darumb sollen wir stettigs bitten / das  
Gott seine gaben in vns wür-  
cken wolle.





# Von Christenlicher Freiheit.

**S**olich reden auch vnbeschanden von  
Christenlicher freyheit / dardurch die Leut zum  
tayl vermaynen / sie sind also frey / das sie kein  
Oberkeyt sollen haben / das sie furter nicht ge-  
ben sollen was sie schuldig sind.

Die andern maynen / Christliche freyheit sey nichts anders  
dann / flaysch essen / nicht beychten / nicht fasten vnd der gleichen /  
Solliche vngeschickte Wohn des Pöbels / sollen die Prediger  
straffen vnd vnterricht thun / die zur besserung vnd nicht zu freuel  
diene.

Nun ist erstlich Christenliche freyheit / vergebung der Sun-  
den durch Christum / on vnser verdienst vnd zuthuen durch dem  
heyligen Gayst / Diese freyheit / so sie wirdt recht ausgelegt / ist  
frummen Leuten sehr tröstlich vnd raytzt sie zur liebe Gottes /  
vnd zu Christenlichen gutten wercken / Darumb soll man von  
diesem stück oft sagen / also / Welliche nicht durch den heylig-  
en Gayst bewaret werden / über dieselbigen hat der Teuffel ge-  
walt / treybet sie zu grossen lastern vnd schanden / macht aus einem  
ein Ehebrecher / aus dem andern einen Dieb / aus dem dritten ein  
Todtschlager / wie man sibet / das viel in solliche schande fallen /  
wissen nicht wie sie darzu kummen / sunder der Teuffel hat sie dazu  
getryben / Dis heist die gefengtnus des menschlichen geschlechts /  
Dann der Teuffel ruhet nicht vnd ist ein Todtschlager / vnd wa-  
chet darnach / das er vns vmb Leyb vnd Seel bringe / vnd hat  
lust vnd freud an vnserm verderben.

Dagegen hayst Christenliche freyheit / das vns Christus den  
heyligen Gayst zugesagt vnd geben hat / damit er vns regieren  
vnd bewaren will / wider sollichen Teufflischen gewalt / so spricht  
Christus selbs Johannis am achten / Dann werdet jr recht frey  
sein / wenn euch der Sun befreyhen wirdt.

Die sollen die Leut zur furcht vermanet werden / das sie be-  
dencken



dencken in was grosser fahr sie sind / das keiner sicher vor Sunde vnd schand ist / wo in Gott nicht bewaret / wie oben gnugsam angezaygt ist.

Dieses stuck Christenlicher freihbeyt soll man oft treyben / das die Leut dardurch zur furcht vnd Glauben gerayzt werden / dann es ist kein stuck Christlicher Lehr / das frummen Wertzen grössere freude mache vnd bringe / dann dieses stuck / Das wir wissen / das vns Gott also regieren vnd behütten will / wie dann Christus zugesagt hat / Matthei am xvi. Die Pforten der Hellen werden nichts darwider vermögen.

Das Ander stuck Christlicher freihbeyt ist / Das vns Christus nicht bindet an die Ceremonien vnd Gerichts ordnung des Gesetzes Mosy / sunder das Christen mögen brauchen Gerichts ordnung aller Lender / die Engellender Engellendisch Recht / die Frantzosen Franckreychisch Recht / die Römer das Römisch Recht / solliche Ordnung alle / wo sie nicht wider Gott oder Vernunft sind / approbirt vnd bestettigt Gott / wie es geschrieben stehet zu den Römern am xiiij. Alle gewalt ist von Gott / nicht allein Jüdisch / sunder auch aller Lender gewalt / Vnd sanct Peter sagt in der Ersten am andern capitel / Seyt vnterthan aller Menschlichen Ordnung.

Das Drit stuck Christlicher freihbeyt / Betrifft Menschliche Kirchen ordnung / als fasten / feyren vnd dergleichen / da ist von nöthen zu wissen / das solliche Ordnung halten / hilfft nicht frumb keyt vor Gott zu erlangen / wie Christus spricht Matthei am xv. Sie ehren mich vergebenlich mit Menschen gepoten / Es seyen aber dreyerlay Kirchen ordnung.

Etlich die nicht on Sunde mögen gehalten werden / als die sätzung dadurch die Ehe verpoten ist / solliche Ordnung soll man nicht halten / dann man soll Gott mehr gehorsam sein dann dem Menschen / Actuum am funfften / So nennet es sanct Paulus in der Ersten zu Timoth. am vierdten / Teuffels Lehre / Zu dem so schilt Christus selbs solliche auffsetzung die zu sundigen gepieten / Matthei am xv.

Die andern Ordnung sind gemacht / nicht damit gnad zu erwerben / oder fur die Sund gnug zuthun / auch nicht das von nöthen sey dieselben zuhalten / sunder das sie nützlich sind / als das man Sontag / Ostern / Pfingsten / Weyhenachten feyere / welliche zeyt geordnet ist / das die Leut wissen wenn sie zusammen kumen vnd Gottes Wort lernen sollen / nicht das von nöthen sey / eben  
S solliche



solliche zeýt zuhalten / oder das Sunde sey daran Wandt arbeit zu thun / sunder dieweyl yederman solliche zeýt weys / ist gut das mans halte / zusammen zukommen / vnd Gottes Wort zuhören vnd lernen.

Die dritten Ordnungen sind gemacht / darmit gnad zuerwerben fur vnser Sunde / als gesetzte fasten / am Freytag nicht flaisch essen / die Siben gezeyten zubeten vnd dergleichen / Solche maynung ist wider Gott / darumb mag man auch solliche Gepot fallen lassen / dann Paulus hayst es Teuffels Lehre / Solliche Ordnung der maynung halten oder fördern / das damit gnad erworben werde / oder das sie von nöthen sind / gnad von Gott zuerlangen.

## Son Menschen Lehren.

**D**ieweil auch die Welt mit mancherley menschen leren fast überschüttet / beschwert vnd gefangen ist / erfordert die not / das man die Gewissen vnterricht vnd dauon ledig mache / Dann welliche damit gefangen vnd verstrickt sein / können die wolthat Christi nicht verstehen noch begreifen / Es geschicht aber gemaynlich wo man wider menschen lehr redet / das es misbrauche würdt / vnd alle gutte ordnung / der man doch nicht geraten kan / dardurch zerrüttet werden / vnd die ihenen so solche gutte ordnung erhalten / oder wo sie gefallen sein wider auffrichten wöllen / werden von den vnuerstendigen beschuldigt / als wolten sie menschen lehr vertaydingen vnd auffrichten / vnd werden also durch ir tholl geschrey / gute ordnung / darzu vns doch Paulus in der ersten Epistel zu den Corinthiern am xiiij. capitel vermanet / verhindert / oder auff's wenigst / verechtlich gemacht / Damit nun sollichs furhin verhüttet werde / sollen die Pfarherrn / Prediger vnd Kirchen diener / diese nachfolgende maynung von Menschen lehren wissen / sich darnach richten vnd andere auch also lehren.

Das menschen lehr vor Gott vergeblich vnd verworffen / darzu von allen rechtgeschaffenen Menschen zumeyden seyen / darff keins zweiffels / Dann Christus vnser WELT der die ewig warheit ist / spricht selbs Matthei am xv. Vergeblich dienen sie mir / die



dieweil sie leren solliche Lehr die nichts dann menschen gepot seyen / ist es dann ein vergeblich ding / so lest es ye ein Christ billich vnterwegen / dieweil er wol etwas bessers vnd das er zuthun schuldig ist / dieselben zeyt kan ausrichten / Nun were es ein geringer schad / wann noch nicht grössere gefar vnd nachtayl daran hieng / Dann der Jesaias (aus wellichem Christus die vorgemelten wort genummen) spricht weyter / So will ich / auch mit diesem Volck wunderlich vmbgehen / auffss wunderlichst vnd seltsamst / das die Weisheyt seiner Weysen vntergehen / vnd der verstandt seiner klugen verblendt werde / Das geschicht auch gewislich / dann wo Menschen Lehr regieren vnd überhandt nemen / da erblindt man das man Gottes Wort nicht allein nicht mehr versteht / sunder auch als den höchsten yrbumb vnd Ketzerey verfolgt / wie man dieser zeyt offentlich in der Welt sihet vnd greyfft / darumb die Christen / menschen Lehr nicht allein / als ein vergeblich ding / sunder auch als ein tödtlich schedlich giffit sollen meiden.

Es ist aber nicht alles menschen Lehr / was Gott nicht selbs geordnet oder gepoten hat / sunder es gehören über das ander zwen vmbstende auch darzu.

Zum ersten / Das solliche ordnung / die man ein menschen Lehr will schelten vnd verwerffen / nicht in das Reich dieser welt gehöre / welliches Gott geordnet vnd eingesetzt hat zu regiern leyb / Ehr vnd gut / zubeschützen die frummen / vnd zustraffen die bösen / sunder das sie gezogen vnd gesetzt werde in das Reich Gottes / welliches das Gewissen regiret vnd füret vor Gott / vnd lehret vns wie wir selig sollen werden / dann Gott hat die weltlich Oberkeyt eingesetzt vnd bestettigt / vnd jr doch gar wenig gepot geben wie sie regieren sollen / Das aber hat er inen fleissig vnd furnemlich befohlen / das sie sich seinem Wort vnd gaystlichen Reich / das ist seinem eingebornen Sun Ihesu Christo dem Herren aller Herren / vnterwerffen sollen / wie er spricht im andern Psalm / So seyt nun klug jr König / vnd last euch züchtigen / jr Richter im Lande / dienet dem HERRN mit furcht vnd frewet euch mit zittern / Küisset den Sune das er nicht zürne / vnd jr den weg verlieret / dann sein zorn wirdt bald anbrinnen / aber wol allen die auff ine trawen.

Desgleichen das sie sollen die frummen schützen vnd die bösen straffen / zu den Römern am xiiij. Wie sie aber das sollen austrichten hat er inen nichts gepoten / sunder irem rath vnd verstandt haim gesetzt / vnd doch sie darbey getröst / das er mit inen sein vnd sie haimlich laytten wölle / wie Salomon in Sprüchen sagt am xxi. Capi-  
S ij tel/



tel/ Des Königs hertz ist in der handt des **WELCKEN** wie Waffel  
pech/ vnd er naygts wo hin er will/ Also da Saul zu König gesal  
bet war/ lies im der **WELCKEN** durch den Propheten Samuel ansa  
gen/ Sie der **WELCKEN** hat dich zum Fürsten über sein Erbfal gesal  
bet/ so gehe nun hin ꝛc. vnd wirdt dir begegnen ein hauff Prophe  
ten ꝛc. vnd der Gayst Gottes wirdt fertig ob dir werden das du  
mit ine weyffsagest/ da wirstu ein ander Man werden. Wann die  
nun diese zaychen kummen/ so thue was dir vnterhanden kumbt/  
dann Gott ist mit dir/ So nun Gott des Königs hertz laytet vnd  
befilht ime/ er soll thun was im vnterhanden kumbt/ so folget dar  
aus was ein König im Weltlichen Reich mit wolbedachtem  
rath/nach yeder zeyt vnd sachen gelegenheyt/furnimbt/ setzt vnd  
gepeut/ das doch nicht wider Christum ist/ vnd dienet zu schüt  
tzen die frummen oder zu straffen die bösen/das dasselbig kein men  
schen lehr oder satzung ist/ sunder ein ordnung Gottes/ Dann  
Gott hats ime gehayssen vnd klerlich befolhen/ er soll thun was i  
me vnterhanden kumbt/ vnd wir sollen gehorsam sein/ Dann we  
sich wider die gewalt setzet spricht Paulus zu den Römern am xij.  
der widerstrebet Gottes ordnung/ So dann die Oberkeyt thut/  
setzt vnd ordnet das jr Gott hatt befolhen/ vnd Paulus nennet es  
ein ordnung Gottes/ so sollen wirs ja kein menschen Satzung nen  
nen/ noch fur ein menschen Satzung halten/ sunder ein ordnung  
Gottes lassen bleiben vñ gehorsam sein/ nicht allein vmb der straff  
willen/ sunder auch vmb des Gewissens willen/ wie Paulus zu  
den Römern am xij. capitel trewlich lehret/ Wann aber die Welt  
lich Oberkeyt etwas furneme/ das wider Christum were/ so  
gibt das wort Actuum am fünfften/ Man mus Gott mer ge  
horsam sein dann den menschen/ Oder wann sie die frummen  
straffen/ vnd die bösen schützen wolte/ vnd also Gottes ordnung  
mutwilligklich vmbkeren/ so sollen wir sollichs wol leiden/ so fer  
ne das wir doch vns wider Gott zuthun nicht lassen zwingen/  
aber wir sollen nicht darein bewilligen/ noch vns sollicher Tyran  
ney mit loben/ billichen/ oder vertaydingen/ taylhafftig machen/  
Darumb wann die Oberkeyt Gottes Wort vor Augen hat  
vnd nichts darwider handelt/ sunder schützt vñd schirmet die  
frummen Vnterthanen vnd strafft die bösen/ so ist es eytel Gottes  
ordnung was sie setzen vnd machen/ ob es gleich aus jrem aygen  
rath vnd gutbeduncken herfleust/ Aber nicht also kan es sein im  
Reich Gottes/ da man das Gewissen vnterricht vnd weyset/ wie  
man sol selig werden/ Dann daselbst hat Gott kein Oberkeyt ein  
gesetzt/ sunder hat ime alle Oberkeyt selbs behalten/ wie Jesaias  
zeuget am xxxij. Der **WELCKEN** ist vnser Richter/ der **WELCKEN** ist vn  
ser Mayster/ der **WELCKEN** ist vnser König/ der wirdt vns selig ma  
chen/ Vnd ob er schon Amptleut in seinem Reich bedarff vnd ein  
gesetzt hat/ als Apostel/ Bischoff/ Prediger/ Eltesten ꝛc. So hat  
er



er inen doch kein Herrschafft oder Oberkeyt geben / wie Christus klerlich selbs leret Luce xxij. vnd spricht / Die König der welt herrschen / vnd die Gewaltigen hayst man gnedige Derrn / jr aber nicht also / sunder der gröffest vnter euch / soll sein wie der Jungst / vnd der furnembst wie der Diener zc. Er hat inen auch nicht befolhen zupredigen was sie fur gut ansihet / wie er dem Saul befalhe / zuthun was im vnter die Dendt köme / sunder hat inen gepoteten / sie sollen predigen das Euangelion allen Creaturen / vnd die Leüt tauffen im namen des Vaters vnd des Suns vnd des heyligen Gaystes / vnd sie lehren halten alles das er inen befolhen hab / vnd nicht was sie selbs wöllen / Matth. am letzten. Er hat auch vns nicht befolhen das wir in gehorsam sein sollen / was sie ire treum gepietten vnd auffrichten / wie Paulus gepoteten hat / der Weltlichen Oberkeyt gehorsam zusein / Sunder hat vns befolhen / wir sollen vns hütten vor falschen Propheten oder Predigern / Matthei am vi. Vnd sollen kein menschen auff Erden vnsern Mayster sein lassen im Gewissen / dann es sey nur einer vnser Mayster / nemlich Christus im Dymel / Matthei am xxij. Aus dem allen ist offenbar / das die schedlichen Menschen satzung / die Christus verwürfft vnd vns so fleissig daruor warnet / nicht gefunden werden / dann nur in dem gaystlichen Reich Christi / da sie das Gewissen binden / vnd gar nicht im Weltlichen Reich / da es zugelassen / befolhen vnd löblich ist / aus aygnem Rath vnd Weysheit / gut vnd nützlich Ordnung zfinden vnd auffzurichten.

Zum Andern / Ist es noch nicht gnug / wann man ein Ordnung oder gewonheyt / als ein menschen lehr will verwerffen / das man kan beweisen / sie gehöre nicht in das weltlich Reich / sunder zu Gottes Reich / vnd sey doch nicht durch Gott auffgesetzt oder geordent / Sunder man mus auch können anzaygen / das solliche menschen lehr / satzung oder gewonheit / die Gewissen gefangen genumē hab / oder nach gefangen nemen wöllen / Das ist / das mans also gelert oder gepoteten hab / wer es thue der thue ein gut werck darmit er Gott gefalle / vnd sein gnad erwerbe / oder lohn verdiene / wer es aber nicht thue der thue Sunde / erzürne Gott vnd verdiene die Dell darmit / Vnd das wirs kürtzlich anzaygen / so ist es vmb zwey wort zuthun / nemlich Mus vnd Sunde / Als wann man spricht / das mus ein Christ thun / thut ers aber nicht / so thut er sünde / Oder das mus ein Christ lassen / lest ers aber nicht / so thut er sünde / Vnd wo man also von einem werck redet das doch Gott selbs nicht befolhen hat / das ist gewislich ein menschliche Satzung / als do man spricht / Ein Christ mus alle seine Sunde die im wissenlich sein / dem Priester sagen / thut ers aber nicht / so können sie inen nicht vergeben werden / sunder er mus verdambt sein / vnd hat

S ij doch



Doch Gott selbs das niergendt gepoten oder befolhen / darumb ist es ein menschen lehr / die man keines wegs soll annemen / Oder wann man spricht / Es soll kein Christ am Freytage flaysch essen / thut ers aber / so thut er Sunde vnd ist ein Ketzer / vnd hat doch Gott gesagt / den raynen sey es alles rayn / vnd vns kein speis zu keiner zeyt verpoten / darumb ist es gewislich auch ein menschen Lehre / der kein Christ soll folgen. Wo man aber nicht darauff dringt / nicht ein Sunde daraus macht / oder das Gewissen nicht darmit verpindet / da kan mans auch nicht ein menschen lehr schelten vnd verdammen / Dann es ist nicht so ein schlecht ding vmb lehre / als der gemain hauff will wehnen / der da maint / Ein yeder befehl / rate oder ordnung hays ein lehre / so es doch weyt fehle ist / sunder das hayst lehre / wann man etwas also furtregt das es also sein mus / vnd wer im anders thue / der thue vnrecht / er thue im gleich anderst wie er wöll / oder warumb er wölle / Wellichs klar beweist wirdt durch die that Pauli / Actuum am xxi. von wellichem die Juden bericht waren / Er lehret ein abtrennen von Mose / welliches doch weder er noch die andern Brüder gestunden / sunder vermaneten Paulum / das er sich mit vier andern Wennern rayniget nach dem Gesetz / auff das die Juden alle vernemen / das es nicht were wie sie bericht weren / Nun ist ye offenbar das Paulus lehret / wir seyen durch Christum erlediget von vnsern Sunden / vnd von allem dem dardurch man im Gesetz Mosy nicht könt rechtfertig werden / Actuum am xiiij. Desgleichen zu dem Galatern am v. lehret er / Wer das Gesetz als nötig zur rechtfertigung halten wölle / der sey von Christo abgefallen / So ist er auch im Concilio zu Jerusalem dabey gewesen / vnd hat nicht wenig darzu geholffen / das daselbst beschlossen würde / man solt Gott nicht versuchen / das man das Gesetz auff der Jünger helfe solt legen / Das ist ye klar gesagt / das die glaubigen dem Gesetz Mose nicht vnterworffen vnd verpflichtet sein / sunder allein dem Gesetz des Gaysis / der in geben ist / das alles hette Paulus offentlich geprediget vnd geschrieben / vnd gestunde dannoht nicht / das er ein abfall von Mose gelehrt hette / Warumb das / darumb / er hette gelehrt das Gesetz were zur rechtfertigung vnd zur seligkeyt nicht von nöten / man möchts wol faren lassen / Er hette aber keins wegs gesagt / das es die glaubigen faren lassen musten / vnd wann sie es nicht verliesen Sund vnd vnrecht daran theten / sunder er lies es frey bleiben / wer es daruber halten wolt der möchts halten / wie er selbs auch thet / wann er bey den Juden war / Darumb hat er auch kein abfal von Mose gelehret / dann lehren hayst allein wann man ein ding nötig macht / also das es Sund sey / wann man anderst thue dann gelehret wirdt.

Vnd das kan man auch leychtlich mit der vernunfft begreyffen



fen vnd beweyßen / Als wann die Oberkeyt zu einem Prediger  
 sprech / Wir bedencken / das die Leut frue geschickter sein dann  
 nach essens ꝛc. Ist derhalb vnser befehl vnd will / das man frue  
 frue predigen solle / vnd nicht mehr nach essens / Er aber antwor-  
 tet vnd sprech / predigen ist ein Ampt das in Gottes Reich gehört /  
 Wo stehet es aber geschriben oder wo hat es Gott gepoten / das  
 man frue vnd nicht nach mittags predigen soll / Ich wils nicht  
 thun / dann jr wölt mir da ein menschen Lehr auffrichten / der  
 will ich nicht annemen noch folgen / Wer wolt da nicht verstehen /  
 das ein sollicher Prediger aus vnuerstandt antwortet / vnd  
 noch nicht wüste was menschen Lehr weren / dann man möcht  
 jm also antworten / Lieber sagt man doch nicht / das nach mittag  
 predigen Sünd sey / vnd vor mittag predigen zur seligkeyt nötig /  
 sunder man sagt allein / das vns die predig frue gelegner vnd nutz-  
 licher sey dann nach mittag / das ist aber kein menschen Lehre / wie  
 das droben gnug beweyset ist.

## Von der Tauff.

**W**An soll bey allen Kirchen Breuchen  
 fleissig warnemen / was Gott befolhen vnd ein-  
 gesetzt hat / vnd was die Menschen darzu gethan  
 haben / auff das man das Göttlich für die rech-  
 ten Daubtsümme halte vnd fleissig ausrichte /  
 die menschlichen zusetz aber vrteyl obs frey ding seyen oder nicht /  
 vnd so sie frey sein obs auch nutz seyen oder nicht / auff das man /  
 was wider Gottes Wort oder sunst vnnütz ist / abthue.

Nun hat Gott die Tauff selbs eingesetzt vnd geordnet / das  
 man tauffen soll mit Wasser / im namen des Vaters vnd des Söns  
 vnd des heyligen Gaysts / So haben die menschen darzu gethan /  
 aus aygner bewegung / Gebet / Euangelion / Geuattern / Wester-  
 hembd / Tauffsegen / Del / Saltz vnd Rott ꝛc. Was nun der  
 ding nutz vnd besserlich ist / soll man noch zur zeyt lassen bleyben /  
 was aber vnnütz vnd ergerlich ist / soll man lassen fallen.

Das man nun Gebet darbey spricht vnd das heylig Euangeli-  
 on liest ist nicht allein frey / sunder auch nutz vnd gut / darumb soll  
 mans lassen bleyben / Desgleichen auch die Geuattern / sunderlich  
 S üß vmb



1733  
vmb der Widertauffer willen / die yetzo fargeben sie wissen nicht / ob sie getaufft seyen oder nicht / auff das die Geuattern furnemlich neben andern Leuten zeugnus geben / vnd in zweyer oder drey er Zeugen mund alle sach bestehe / Deutero am xix. Auch darumb das yemand fur das Kind antworte / vnd so ime seine Eltern zu frue durch den todt abgiengen / das sie die Kinder erinnern / was sie von iren wegen in der Tauff zugesagt / vnd ein fleissig auffsehen auff sie haben / darmit sie demselben nachkommen / vnd Gottes gepot / glauben vnd Gebet lernen.

Aber das Tauffsegnen / Del / Saltz vnd Kott / verdunckeln mehr die wesentlichen stuck der Tauff dann sie furdern / vnd dienen nur zu Aberglauben / darzu sein die Gebet vnd Segen / darmit Tauff / Saltz vnd Del geweyhet werden in Gottes wort nicht gegrundet / sunder demselben in viel weg vngemes / Auch dieweil die heylig Christlich Kirch / von anfang here / solliche ding nie fur notig geacht / sunder alleweg frey bekant hat / Wann ein Kindt mit schlechtem gemainem Wasser / im namen des Vaters vnd des Suns vnd des heyligen Gaysts getaufft sey / ob schon die andern zusetz alle vnterwegen blyben sein / so sey daran gar nicht vnrecht geschehen / sunder das Kindt sey recht getaufft / darumb soll man diese ding dieser zeyt vnterwegen lassen.

Vnd seytemal die Tauff vnser der Christen Pundts zaychen ist / im newen Testament / gleich wie die Beschneydung der Juden im Alten Testament / So soll man die Kindlein auff begern irer Eltern auffss erst vnd furdernlichst tauffen / dann auch die Kindlein nach dem befehl Gottes / Genesis xvij. bald am achten tag beschnitten wurden / Vnd Christus spricht / Wer nicht aus Wasser vnd Gayst wider geboren werde / der mög Gottes Reich nicht sehen / vnd Paulus nennet die Tauff ein Bad der Widergeburt. Nun müssen ja die Kindlein / wie jung geborn sie sein / widergeboren werden / sollen sie in Gottes Reich kummen / Darzu glauben wir die Apostel haben auch Kinder getaufft / dieweil sie ganze Hausgesind getaufft haben / vnd sein gewis / das niemand mit der heyligen Schrift ein anders vnd widerwertigs könne beweysen.

Die Pfarherr vnd Kirchen Diener aber / sollen mit allem fleis darob sein / das zu sollichem notigen werck der Christlichen Tauff / verstendige Geuattern genummen werden / die da wissen warumb sie da seyen / auff das die Tauff mit rechter andacht / zucht vnd tapfferkeyt gehandelt werde / Sie sollen auch jr selbs wol war nemen / das sie nicht leychtfertig / vnbesunnen / verdrossen  
oder



oder wenig seyen/damit sie die Christenlichen Gebet / vnd zuvor die wort daran die Tauff furnemlich gelegen ist / verstendiglich vnd ernstlich sprechen / auff das sie nicht die vmbstehenden Zuhörer zur leychtfertigkeit bewegen / oder sunst ergern / sander vilmehr andacht vnd gute Christliche gedancken bewegen / Desgleichen sollen sie auch das Volck so darbey ist / sunderlich aber die Kinder darzu halten / das sie alle leychtfertigkeit / vnzucht vnd ergernus vermeyden / vnd dargegen mit andacht / vmb gnad / hayl / Glauben vnd seligkeit des Tauffkindts bitten / Dieweil vns Christus so tröstlich zugesagt hat / was wir in seinem Namen bitten das wöl er vns geben.

Vnd solliche zucht / ernst vnd andacht / wirdt on zweyffel folgen / nicht allein bey den Kirchen dienern / sunder auch bey den vmbstehenden Zuhörern / wann wir fleissig zuhertzen nemen die übermässig gros wolthat / die vns der Vater aller barmhertzigkeit aus milter gnaden / in dem Sacrament der heiligen Tauffe / durch vnsern lieben WELRN Ihesum Christum erzaygt / vnd des grossen haylsamen wercks / das er in der krafft seines ewigen worts alda an vns würcket / Dann dardurch werden wir geraytzt / seinen heyligen Gottlichen Namen zu loben / anzuruffen vnd frey zu bekennen / Dann nicht der diener noch kein Creatur / sander Gott selber würcket alhie das ewig leben vnd seligkeit / Darumb auch vnser lieber WELRN Christus Ihesus befolhen hat / nicht in vnserm oder yendert eines Weyligen oder Engels Namen zutauffen / sander im namen Gott des Vaters vnd des Suns vnd heyligen Gaysts.

Auff das wir aber dester hertzlicher vnd ordenlicher betrachten mögen / dieses werck Gottes / sollen wir zum ersten fleissig ansehen / in wie grossen elend vnd jammer / nach anzaygung Gottlicher Schrift / wir alle sambt gesteckt sein / Darnach wie grosse gnad Got durch vnsern WELRN Ihesum Christum an vns erzayget / in dem das er vns durch die Tauff daraus erledigt / Vnd zum dritten / wie wir sollicher gnaden der Tauff allezeyt / sunderlich aber in der not sollen gedennen / vnd Gott darinnen loben vnd ehren.

### Auffs Erste.

Sollen wir mit hohem fleis bedencken / das wir alle durch die übertretung Adams / aus neyd des Sathans / in Gottes zorn / fluch / vngnad vnd vermaledeyung gefallen waren / vnd vnter dem gewalt der Sunden / des Todts / vnd vnter dem Reich des Teuffels



Teuffels vnd Dellen gefangen / also das wir von natur alle wä-  
ren Kinder des zorns vnd aus allen vnsern krefften / wercken / ü-  
bungen vnd frumbkeyt nichts vermochten / das Gott gefellig/  
recht / gut vnd vns haylsam gewest were / Sunder alles was  
wir vermochten / theten oder würckten / war aus vnser verderbten  
natur / vermaledeyt / sundlich vnd des todts würdig / verdambt vnd  
dem Teuffel vnterworffen / Dann dieweil vnser geburt aus A-  
dam (von dem wir zu natürlichem yrdischem leben geboren wer-  
den) der übertrung schuldig vnd von Gott verflucht ist / Also  
das alle menschen in jme sterben vnd sein yrdisch Bild tragen müs-  
sen / im sterblichen leib der Sunden / Erfolgt / das all vnser thun  
vnd gantzes leben / so aus sollicher natürlicher geburt fleußt / ver-  
dambt vnd vermaledeyt sein mus / wie gros / heylig / weise vnd gut  
es auch ymmer scheyne vor den Menschen / Dann alles was vom  
flaysch geboren wirdt / das ist flaysch / verdambt / vermaledeyt /  
eytel tod / Sunde vnd der Dellen würdig / Darumb auch flaysch  
vnd Blut nicht können Gottes Reich ererben / Dann was flaysch  
ist / das lebt flayschlich / ist flayschlich gesinnet / Gottes feinde /  
dem Gesetz Gottes nicht vnterworffen / Dann die im flaysch sind /  
können Gott nicht wol gefallen / flayschliche weisheit ist der tod /  
Darumb beschleußt Christus vnser lieber **DEUX** / do er mit Ni-  
codemo redet also / Warlich warlich ich sag dir / es sey dann das  
yemandt von newem geboren werde aus dem Wasser vnd Gayst /  
kan er das Reich Gottes nicht sehen noch darein kummen.

### Flußs Ander.

Sollen wir auch fleißig zu hertzen nemen / wie grosse gnadi  
vnd barmhertzigkeyt Gott an vns in der Tauff thut / da er sein  
freundtlicheyt vnd leutseligkeyt gegen vns erzaygt / Vnd vns nicht  
vmb gerechtigkeit willen der Werck / so wir gethan haben /  
sunder nach seiner Barmhertzigkeyt / durch das Bad der wider  
gebur / vnd vernewerung des heyligen Gaysts selig macht / Dann  
er alda in krafft des Worts durch seinen Gayst tödtet / vertilget  
vnd abweschet / alles das vns zu sundern macht / befleckt oder ver-  
dambt / gleich als er im roten Mehere die feinde seines volcks erseuf-  
fte / Vnd in der Sindflut alles flaysch / bis on acht Seelen die erhal-  
ten wurden / vertilget / Also macht vns auch dieses Wasserbad / im  
wort Gottes selig / nicht das abthun des vnflats am flaysch /  
wie im leyblichen waschen eufferlich beschicht / sunder der Pundt  
eines gutten Gewissens mit Gott / durch die aufferhebung Ihe-  
su Christi / dardurch wir in krafft des Göttlichen Pundts in vn-  
serm Gewissen geraynigt vnd versichert werden / bayde mit  
Gottes



Gottes wort vnd eufferlichem warzaychen / das alles das auff-  
 gehet / todt vnd abe oder vergeben sey / so vns beslecken vnd ver-  
 dammen mag / Wir sein auch im Gewissen frey / ledig vnd sicher /  
 das wir mit Gott veraynigt / im Pundt stehen / der vns nichts zu  
 verdamnus will rechnen / Dargegen sollen wir aber auch die  
 vergebenen Sunde meyden / vnd derselbigen gleich todt sein / dann  
 alle die wir in Ihesum Christum getaufft sind / die sind in seinem  
 todt getaufft / So sind wir ye mit begraben durch die Tauff in den  
 todt / vnd also der Sunden vnd gantzem altem leben abgestorben /  
 vnd zu ihwe gestellt / das vns nichts verdammen / noch von der  
 hulde Gottes absundern möge / dann wer gestorben ist der ist  
 gerechtfertigt von den Sunden / vnd ist der gewalt des Teuffels /  
 todes vnd sunden nicht mehr vnterworffen / vnd ob er gleich noch  
 Sunde im flaysch empfindet / so wirdts im doch nicht zur verdam-  
 nus gerechent / von wegen der rechtfertigung des Gaysts / Ober  
 das alles würckt die Tauff in vns / ein newes Göttlichs leben / dar-  
 an Gott ein wolgefallen hat / Dann gleich wie Christus ist auff-  
 erweckt von den todten / durch die herrligkeyt des Vaters / Also sol-  
 len auch wir in einem newen leben wandeln / so wir aber sambt ime  
 gepflantzet sein worden zu gleichem Todt / so werden wir auch  
 der aufferstehung taylhafftig vnd gleich sein in dem ewigen leben.  
 Darumb sollen wir vns darfur halten / das wir der Sunden ge-  
 storben seyen / vnd Gott leben in Christo Ihesu vnserm Herrn / in  
 wellichem wir auch beschnitten sein durch ablegung des sundlich  
 en leybs im flaysch / in dem das wir mit ime begraben sein durch  
 die Tauff / in wellichem wir auch auffstanden sein durch dem  
 Glauben / Dann Gott der in von todten erweckt / der hat auch vns  
 mit ime lebendig gemacht / da wir todt waren / in den Sunden  
 vnd in der vorhaut vnser flayschs oder flayschlichen lebens / das  
 die recht vorhaut ist / Ob aber vnser leben itzund verporgen ist  
 mit Christo in Gott / doch wenn Christus vnser leben sich offenba-  
 ren wurd / als dann werden wir auch offenbar werden mit ime  
 in der Herrligkeyt / als die Gott nach seiner grossen Barmher-  
 zigkeit geborn hat / zu einer lebendigen hoffnung durch die auff-  
 erstehung Ihesu Christi von den todten / auff ein vnuergeng-  
 lich / vnbesleckt vnd vnuerwelcklich Erbe / nicht aus vergengli-  
 chem / sunder aus vnuergenglichem Samen / nemlich aus dem  
 lebendigen Wort Gottes / in wellichem Wort / das Wasser oder  
 eufferliche Tauff verfasset ist / vnd alle obgemelte ding in war-  
 heyt krefftiglich in vns würcket.

### Auffs Dritte.

Sollen wir vns sollicher gnadenreichen Gabe vnserer Tauf-  
 sel



se / allezeit mit danckbarkeyt gegen Gott trösten / vnd ye mehr angst vnd grossen elendts wir empfinden / ye gewisser sollen wir glauben / das Gott bey vns verborgner gestalt in krafft der Tauff durch sein Wort vnd Gayst würcke / tödtunge vnser sündlichen alten lebens / vnd vernewerung desselbigen / Darumb sollen wir getrost vnd frölich in vnsern Gewissen vnd sicher sein / das Gott vnser werck gefallen / vnd so vns leyden oder anfechtung zu handen kumbt / sollen wir gedencen / das wir getaufft sein / vnd das Gott in krafft des Tauff pundts / durch den todt Christi / an vns alles böß getödt hab vnd noch teglich durchs leyden tödtet / dargegen aber würcke vernewerung des Gaysts / in krafft der auff erstehung Ihesu Christi / Darumb sollen wir nun Gott billich dancken / vnd vmb sein vnaussprechliche gnaden loben / darneben aber auch ernstlich vnd andechtiglich bitten / das er sein angefangen werck volbringen wolle / an vns vnd an allen den ihenen / so zum Christlichen Tauff beruffen vnd gebracht werden.

Es sollen sich auch die Pfarherr vnd Prediger beflissen / das sie zu gelegner zeit in iren Predigten das Volck / von der Tauff der massen vnterrichten / das sie inen zu gemelten Verstand vnd betrachtung vrsach geben.

Vnd dieweil bishere in der Christlichen Gemayn / ein löbliche vnd wolgegründte gewonheyt gehalten ist / das alle Christliche Personen / furnemlich aber die Hebammen / zur zeit der not / die Kyndlein getaufft haben / welliches man dann Tachtaufsen genennet hat / So sollen die Pfarherrn die Hebammen auff's fleissigist vnterrichten vnd vermanen / das sie ernstlich vnd in der furcht Gottes mit der Tauff vmbgehen / furnemlich aber das sie die wort ( Ich Tauff dich im namen des Vaters vnd des Suns vnd des heyligen Gaysts ) recht verstendiglich vnd ordentlich wissen zusprechen / Neben dem soll man auch die Weyber vermanen / die bey den Schwangern vnd geberenden Weybern / auch bey dem Tachtaufsen sein / das sie mit fleis vnd erberkeyt auff die sach acht haben / allerley beschwerung vnd yrrung zuuerhüten.

Vnd wer also / wie oben vermelt Tachgetaufft ist / der soll dabey bleiben / vnd ist on nott denselben zum andern mal (sub condicione) zutaußen / wie vormals ein vnnöttiger misbrauch gewest ist / sunderlich darumb / das man nicht den Widertaußen ires yrrthumbs grosse vrsach gebe.

Es sol



Es sollen auch die Pfarherr vnd Prediger / die Kindtbetterin vnterrichten / das sie nicht in gewalt des Teuffels sein / wie mans bishere nicht on sundern nachtayl der Gewissen darfur gehalten vnd gröblich daran geyrret hat / Vnd ob sie etwa wol vor andern francken seltsame gesicht vnd treum haben / soll sie doch das keins wegs erschrecken / dann solliches wol aus überiger schwacheyt des leybs begegnen kan / Vnd ob sich vielleycht der Sathan vnterstehet / die Kindtbetterin mehr dann ander Leut anzusechten / thut ers on zweyffel darumb / das er den Ehelichen standt den Gott gesegnet hat / vnd Gottes werck dardurch veracht mache / als ob es vnrayn were / wie dann sein art ist / so es doch heylig ist / vnd eben der Weyber furnembster beruff / dardurch sie Gott gefallen / Wie Paulus spricht / Sie wirdt selig werden durch Kinder geben / so sie bleybt im Glauben vnd in der liebe / vnd in der heyligung sambt der zucht i. Timoth ij.

Darumb ist auch das einsegnen nach dem Kindtbett nicht von nöten / Dann es aus lauter Aberglauben fleust / gleich als weren sie durch die gebürt / die aus Gottes Segen kumbt / entheyliget / Doch sollen sie nichts dester weniger jr gebürliche zeyt sich innen halten / auff das sie jnen selbs vnd den Kindlein nicht schaden zufügen / an jren leybs gesundtheyten / welchs aber Gott nicht wolgefelt.

## Ordnung des Tauffens.

Erstlich soll der Priester fragen / Was das kindt sey / wie es hayssen soll / vnd ob es nicht Tachtaufft sey.

Wann man nun befindet / das das Kindlein durch die Wehammen oder yemandt andern in der not / oder wie man es nennet Tachtaufft ist / Sol das keines wegs widerumb getaufft / sonder der Christenlichen Gemayn / die sambt dem kindt bey der Kirchen versamlet ist / der weise befolhen werden.

Erstlich soll der Diener / aus der vorgeschriebenen betrachtung / den Andern vnd Dritten Artickel verlesen / Vnd den Andern also anfangen / Ir aller liebsten / nemet zu hertzen wie grosse  
G. gnad



gnad vnd barmhertzigkeit zc. Den dritten aber also / darumb sol-  
len wir zc. Vnd zu ende soll er also beschliessen / Sunderlich aber  
an diesem seinem Diener N. Oder an dieser seiner Dienerin N. den  
oder die er zur gnad seiner Tauff beruffen vnd gebracht hat/  
Sprecht ein Vater vnser / Darnach soll er das Euangelion  
lesen / vnd zu letzt also beschliessen / Der HERR behüt dein ein-  
gang vnd ausgang / von nun an bis zu ewigen zeiten / der friede  
sey mit dir / Amen. Oder aber / Der almechtig Gott zc. Wie zu en-  
de der Tauffordnung geschrieben ist.

Wann aber das Kindt nicht Tachtaufft ist / so soll der Diener  
nachfolgende vermanung sprechen / vnd keins wegs aus nach-  
lessigkeit vnterlassen / Es were dann zur zeitt der not / so das Kindt  
in Todts gefahr were / dann in solchem fall / mag er nach gelegen-  
heyt sich halten / wie oben genugsamlich zuuerstehen geben ist.

Ir aller liebsten / Ich vermane vnd bitt euch alle / die jr alhie  
zugegen versamlet seyt / aus Christlicher lieb vnd trew / Das  
jr erstlich zu Hertzen nemen vnd mit fleis bedencken wöllet / dieses  
treffentlich werck Gottes / vnd den grossen ernst der darinnen ist  
vnd angezaygt würdet / Dann aus den worten dieses Gebets  
höret jr / sehet auch aus dem werck / wie armitselig vnd elend die  
Christlich Kirch dieses Kindlein hieher tregt / vnd vor Gott so be-  
ständiglich vnd offenbar bekennet / das dasselb Kindlein ein Kind  
des zorns / der Sunden vnd vngnaden sey / vnd darumb so hertz-  
lich vmb hülf vnd gnad bittet / das er durch die Tauff ein Kindt  
Gottes werden möge. Bedenckt auch mit fleis / Das es ye nicht  
ein schertz oder Kinderspiel ist / dieses Christenlich tapffer werck zu  
handeln / welches dem Teuffel begegnet / vnd in nicht allein von  
dem Kindt treybt / sunder auch das Kindt wider ine / als wider ein  
steten gewissen faindt sein lebenlang zustreyten verpflicht / Der-  
halben hoch von nöten ist / mit einem starcken glauben vnd her-  
tzlichen vertrauen zu Gott andechtiglich zu bitten / Das Gott  
der almechtig das Kindlein / nicht allein von des Teuffels ge-  
walt erledigen / sunder auch also stercken wölle / das es dem feind-  
de im leben vnd sterben statlichen widerstandt thun vnd erhal-  
ten werden mög. Darumb wöllet mit fleis auff euch selbs ach-  
tung haben / in einem rechten Glauben alhie zustehen / Gottes  
Wort zu hören vnd andechtiglich zu Gott zuruffen vnd zubitten /  
dann wir ye alhie zum Gebet nicht vergebenlich sunder aus not er-  
manet werden / Auff das Gott vnsern ernst vnd ein recht ver-  
treulich hertz erkennen mög / Auch dis hochwirdig Sacrament  
durch vns dem Teuffel nicht zum spot gesetzt / vnd Gott der al-  
mechtig genneret werde / der darinnen so ein überschwencklichen  
reych



reychthumb seiner gnaden über vns schüttet / das er die Tauff  
selbs ein newe Geburt nennet / Also das wir durch dieselben/  
von aller Tyranny des Teuffels / auch der Sunden / des Todts  
vnd der Dellen erlediget / Kinder des lebens / vnd Erben aller  
gütter Gottes / vnd Miterben Christi werden. Dierumb last  
vns vmb Gottes willen / solliche über reichliche Göttliche gna-  
den nicht verechlich / sonder mit aller schuldiger danckbarkeyt  
handeln / Dieweil doch dis hochwirdig Sacrament der Tauff/  
vnsrer ayniger trost vnd eingang ist / zu allen Göttlichen gütern  
vnd gemeinschafft aller Deyligen.

## Die Form aber wie man

Tauffen soll/ist diese.

### Der Pfarherr oder Tauffer sprach.

Sar aus du vnrayner Gayst vnd gib raum dem heiligen Gayst.

### Darnach mach er ime ein Creutz an die Stirn vnd Brust vnd sprach.

Nime das zaychen des heyligen Creutzes / bayde an der Stirn  
vnd an der Brust.

### Last vns bitten.

O Almechtiger ewiger Gott / ein Vater vnser **DEUX**  
Ihesu Christi / Ich ruffe dich an über diesen. **N** deinen diener / der  
die gab deiner Tauff bittet / vnd dein ewige gnad / durch die Gayst  
lich widergeburt begert. Nim in auff **DEUX** / vnd wie du ge-  
sagt hast / Bittet so werdet jr nemen / sucht so werdet jr finden /  
klopfft an so wirdt euch auffgethan / So rayche nun ewiger  
Gott / dein gutheyt vnd gnad dem der da bittet / vnd öffne die thür  
dem der da anklopffet / das er den ewigen Segen dieses Nimmli-  
schen Bads erlange / vnd das verhayssen Reich deiner gabe empfa-  
he / durch Christum vnsern **DEUX** Amen.

G g Last



## Laß vns bitten.

Almechtiger ewiger Gott / Der du durch die Sündflud nach deinem gestrengen Gericht / die vnglaubigen Welt verdambt / den glaubigen Noe selb acht nach deiner grossen barmhertzigkeyt erhalten / Den verstockten Pharao mit allen den seinen im Roten Meere erseufft / vnd dein Volck Israhel durch dasselbig trucken gefurt / auch durch sollichs dieses Bad deiner heiligen Taufse zukünfftiglich bezaichnet vnd bedeutet . Desgleichen durch die Taufse deines lieben Kinds vnsern Ihesu Christi / den Jordan vnd alle Wasser zur seligen Sündflut vnd reichlichen abwaschung der Sunden geheyliget vnd eingesetzt hast. Wir bitten dich durch dieselbe deine grundlose barmhertzigkeyt / Du wöllest diesen **N.** gnedigklich ansehen / vnnnd mit rechtem glauben im Geyst beseligen vnd stercken / das durch diese haylsame Sündflut an ime erseuffe vnd vntergehe / alles was ime von Adam angeboren ist / vnd er selb darzu gethan hat / das er auch aus der zall der Vnglaubigen gesündert / In der heyligen Arca der Christenheit trucken vnd sicher behalten werde / deinem Namen allzeyt brunstig im Geyst / vnd frölich in hoffnung zudienen / auff das er mit allen glaubigen deine verhaiffung ewigs lebens zuerlangen würdig werde / durch Ihesum Christum vnsern **WELCH** Amen.

Ich beschwere dich du vnrayner Geyst / bey dem namen des Vaters **+** vnd des Sunns **+** vnd des heiligen Geystes **+** das du ausfarest vnd weichest von diesem diener Ihesu Christi **N.** Amen.

## Laß vns hören das heylig Euangelion Sanct Marcus.

Zu der zeyt brachten sie Kindelein zu Ihesu / das er sie solt anrüren / Aber die Jünger bedroeten die / so sie brachten / Do das Ihesus sahe verdros ime vnd sprach zu in / Laß die Kindelein zu mir kummen / vnd weheret in nicht / dann sollicher ist das Dymelreich / Warlich ich sage euch / wer nicht das Reich Gottes nimbt wie ein Kindelein / der wirdt nicht hinein kummen / vnd er herzet sie vnd leget die hend auff sie vnd segnet sie.

Dann



**Dann lege der Priester seine hende auff's  
Kindts haubt/ vnd bet das Vater  
vnsrer/sambt den Paten oder  
Gesattern kñiendt.**

Vater vnsrer der du bist im Dymel / Geheiligt werde dein  
name/Zukunim dein Reich/ Dein will geschehe / als im Dymel  
auch auff Erden/Vnsrer teglich Brot gieb vns heut/Vnd vergieb  
vns vnsrer schuld / als wir vergeben vnsern schuldigern / Vnd fure  
vns nicht in versuchung/sunder erlöse vns vom übel Amen.

**Darnach trage man das Kindtlein zu der  
Tauf/ vnd der Priester spreche.**

Der DEXX behüt deinen eingang vnd ausgang von nun an  
bis zu ewigen zeyten.

**Darnach las der Priester das Kindt  
durch seine Paten dem Teuffel  
absagen vnd spreche.**

**N.** Widersagstu dem Teuffel. **Antwort.** Ja  
Vnd allen seinen wercken. **Antwort.** Ja  
Vnd allem seinem wesen. **Antwort.** Ja **Ich widersage.**

**Darnach fragt er.**

Glaubst du an Gott den Almechtigen Vater/Schöpffer Dymels vnd der Erden. **Antwort.** Ja ich glaub.

Glaubst du an Ihesum Christum seinen aynigen Sun vnsern DEXX/der empfangen ist vom heiligen Gayst / geboren aus Maria der Junckfrawen / gelitten vnter Pontio Pilato / gekreuzigt/gestorben vnd begraben ist / nyder gefaren zur Dellen/ am dritten tag auferstanden von dem todten/ auff gefaren zu den Dymeln/sitzend zu der gerechten Gott des Dymelischen Vaters/  
G iij von



IVXXX  
von dannen er kummen wurdet / zurichten die lebendigen vnd die todten. **Antwort.** Ja ich glaub.

Glaubest du an den heyligen Gayst / Ein heylige Christliche Kirchen / Gemainschafft der Deyligen / Vergebung der Sunde / Auferstehung des Flayschs / vnd nach dem todt ewigs leben. **Antwort.** Ja ich glaub.

Wilt du getaufft werden. **Antwort.** Ja ich will.

**Da neme er das Kindt vnd tauche es in die Tauff / vnd spreche.**

Vnd ich tauffe dich / Im namen des Vaters vnd des Sune vnd des heyligen Gaysts.

**Denn sollen die Vaten das Kindlein halten in der Tauff / vnd der Priester sprech weil er das Westerbembd anzeucht.**

Der Allmechtig Gott vnd Vater vnsern Herrn Ihesu Christi / der dich anderwayt geborn hat / durchs wasser vnd den heyligen Gayst / vnd hat dir alle deine Sunde vergeben / Der sterck dich mit seiner gnad zum ewigen leben Amen.

Der fried sey mit dir. **Antwort.** Amen.

Nach der Tauff sollen die Pfarrherr oder Kirchen diener / die Genattern ermanen / vngeferlich auff die weise. Ich verman euch in krafft der Christlichen liebe / die jr ytzo an des Kindleins stat / bey der Tauff gethon habt / Wann es seiner Eltern / durch todts oder andern vnfall beraubt wurde / ehe dann es zum brauch seiner vernunft köme / Das irs fleissig vnd treulich wolt vnter richten vnd lehren / Erstlich die Zehen gepot / auff das es den willen Gottes vnd seine Sunde dardurch lerne erkennen / Darnach den Christlichen Glauben / durch wellichen wir gnad / vergebung der Sunde vnd den heyligen Gayst empfahen / Zu letzt auch das Vater vnser / damit es Gott anruffen / vnd hülff bitten könne / dem  
Sathan



Sathan widerstand zuthun / vnd Christlich zuleben / bis Gott an  
ime erfüllet / was er yetzo in der Tauff angefangen hat vnd es se-  
lig werde.

## Von dem Abentmal.

**E**leich wie bey der Tauff / also auch bey dem  
heiligen Abentmal des DEXXII / soll man fleissig warne-  
men / was Christus auffgesetzt / vnd was Menschen darzu gesetzt  
haben.

Die einsetzung Christi ist lauter vnd klar durch die heyl-  
gen Euangelisten Sanct Mattheus am xxvi. Sanct Marcus  
am xiiij. Sanct Lucas am xxij. Vnd Sanct Paulus in der ersten  
Epistel zu den Corinthiern am xi. beschrieben vnd angezaygt wor-  
den / Nemlich also.

Der Herr Ihesus in der Nacht do er verraten wardt / Nam  
er das Brot / dancket vnd brachs / vnd gabs seinen Jüngern vnd  
sprach / Nemet hin vnd esset / Das ist mein Leib der für euch gege-  
ben wirdt / das thut zu meinem gedechtnus.

Desselben gleichen nam er auch den Kelch nach dem Abent-  
mal vnd dancket / vnd gab in den vnd sprach / Trincket alle dar-  
aus / das ist mein Blut des Newen Testaments / das für euch vnd  
für viel vergossen wirdt zur vergebung der Sunden / Sollichs  
thut so offft irs trinckt / zu meinem gedechtnus.

Vnd diese wort sollen wir auch vor augen haben / vnd für  
das recht Daubtstück des Abentmals des DEXXII halten.

Die zusetze aber der menschen sein manicherley vnd nicht zu  
einer zeyt angericht worden / Dann sie sein eins tayls von den Al-  
ten heyligen Vetern / aus Christlicher freiheyt der Gemain zur  
besserung angericht / Als da sein die Christlichen Lection / Ge-  
bet vnd Lobgesang / die man darbey pflegt zuhalten / daran sie  
nicht allein nicht vnrecht haben gethan / sunder auch die Gemain  
Gottes damit gebessert / wie Paulus in der Ersten zun Corin-  
thiern



thiern am xiiij. befolhen hat vnd gesprochen / Wann jr zusamen  
kumbt / vnd hat einer einen Psalm / ein Lehre / ein offenbarung /  
ein auslegung zc. So lasts alles geschehen zur besserung / Dar  
umb soll man solche Christliche Lektion / Gebet vnd Lobgesang  
nicht abthun / dann Christus selbs mit seinen Jüngern bey dem  
Abentmal Lobgesang gesprochen hat / Matthei am xxvj.

Eins tayls aber sein von vngelernten vnd des Glaubens vner  
farnen Leuten / aus aygнем furwitz / ein Armerey daraus zu  
machen / hynzugesetzt / auff das sie mit erdichten Worten / wie Pe  
trus spricht ij. Petri ij. an der Gemain handtirten / Als da ist /  
das man ein Opffer daraus hat gemacht fur lebendig vnd todten /  
die Neyligen darbey angerufft / allerley vnchristliche Gesang vnd  
Gebet / dem wort Gottes vngemes vnd entgegen / darein gemischt /  
Vnd sollicher misbreuch so vnzelich viel / bis es zu letzt dahin ist  
kommen / das des DEXX Abentmal / welches allein vmb der  
Gewissen willen / dieselbigen mit vergebung der Sunde zu trösten /  
vnd Christliche brüderliche liebe anzurichten / eingesetzt worden ist /  
hat zu allerley hendeln vnd geschefften müssen dienen / Dann man  
hat nicht allein Des gelesen fur Sieber vnd allerley Kranckheyt /  
sunder auch fur armut / fur gefahr leybs vnd guts zc. Ja man  
hat auch Zauberey darmit getrieben / vnd ist darzu mit in das  
erdichte Segfrewer kommen / die Seelen daraus zuerlösen / Wellic  
hes alles grosse greuliche vnd streffliche misbreuch sein / vmb wel  
licher willen on zweiffel Gott der DEXX die welt mit allerley pla  
gen haymsucht vnd strafft / wie er dann auch die Corinthier / dar  
umb das sie mit dem heiligen Abentmal vngewürlich vmbgieng  
gen / mit Kranckheit vnd dem Todt straffet i. Corinth. xi.

Auff das wir nun sollicher straff empfliehen / vnd nicht als  
der Knecht der seines Derrn willen weis vnd dannocht nicht  
thut / mit viel straihen geschlagen werden / sollen sie solliche mis  
breuch vnterlassen vnd abstellen / Nemlich bayde Canones / an  
ruffen der Neyligen vnd allerlay Gesang / Lektion oder Gebet /  
so nicht aus der heiligen Schrift genummen / vnd derselben nicht  
gemes sein.

Dann das solliche opffern vnrecht vnd Vnchristlich sey / ist  
aus nachfolgenden vrsachen gewislich zuschliessen / Erstlich hat  
es Christus vnser DERR vnd Mayster / nicht gethan noch zuthun  
befolhen / Desgleichen haben es auch die heiligen Apostel we  
der gethon noch zuthun befolhen / sunder in aller mas angericht /  
wie



wie sie es von Christo gesehen vnd gehört hetten / Wie man wol  
sicht in der ersten Epistel Pauli zu den Corinthiern am xj. capitel.

So ist auch solliches Opffern lang hernach erst in brauch kum  
men wie man im größern Canon wol sieht / Dann die heiligen so  
darinn genent werden / sein alle / oder ja der mainste tayl vor ge-  
storben / man hette sie sunst nicht hinein gesetzt / Ober das so ha-  
ben andere Vöcker / als die Arcehen etc. sollichen Canon nicht /  
opffern auch den Leib vnd das Blut Christi nicht / sunder wann  
sie gleich eines Opffers gedenccken / so nennen sie jr Gebet ein Opf-  
fer / vnd nicht den Leib vnd das Blut Christi / Ja es hat auch die  
Kirch zu Maylandt ein andern Canon / der sich mit dem Bepsti-  
schen nicht aller ding vergleicht / Daraus gewis ist / das sollicher  
Canon nicht von Christo noch von den Aposteln / auch nicht von  
den rechten Alten gelerten heiligen Vetern herkumbt / vnd ein vn-  
nötig ding ist / er hette sunst zu allen zeiten an einem ort wie am  
andern müssen behalten werden.

So ist er auch stracks wider die heiligen Schrift / vnd den  
Artickel des Glaubens vergebung der Sunde / Dann zu den He-  
breern am ix. stehet also geschrieben / Christus ist durch sein aygen  
Blut ein mal in das heilige eingangen / vnd hat ein ewige erlö-  
sung gefunden / Vnd bald darnach / On Blutuergiessung ge-  
schicht kein vergebung der Sunde / Vnd abermals / Nicht das er  
sich offtmals opffere / gleich wie der hohe Priester gehet alle Jar  
in das heilige mit frembden Blut / sunst hette er oft müssen leyden  
von anfang der Welt here / Vnd am x. capit. Dieser aber / do er  
het ein Opffer fur die Sunde geopffert / das do ewiglich gilt /  
sitzt er zur rechten Gottes / dann mit einem aynigen Opffer / hat er  
in ewigkeyt volendet die da geheyligt werden / Vnd abermals /  
Wo vergebung der Sunde ist / da ist nicht mehr Opffer fur die  
Sunde / Nun haben wir ja vergebung der Sunde / wie der Arti-  
ckel des Glaubens ausweist / Darumb kan das Abentmal kein  
Opffer sein / Ist aber ein Opffer fur die Sunde / so wirdt Chri-  
stus wider gekreuzigt vnd getödtet / dann on Blutuergiessen  
wirdt kein Sunde vergeben / das ist aber greulich zu hören / vnd  
sein on zweiffel solliche Mes opfferer der art / von wellichen in  
der genanten Epistel am vj. capitel geschrieben ist / das sie wider-  
umb inen selbs den Sun Gottes kreuzigen / vnd fur spot halten /  
Dann wer ine noch ein mal will opffern vmb vergebung der Sun-  
de / der zweiffelt / Ja er glaubt nicht das er vergebung der Sunde  
hab / So ist er auch vom Glauben abgefallen / vnd so viel an  
ime ist / kreuziget er Christum wider / dann one Blutuergiessen  
kan kein Opffer fur die Sunde sein.

Vnd



Und ob die Papisten wölten sagen / wie sie dardurch anzayg-  
te Schrift gedrungen werden / wann sie nicht gar verstockt sein  
Sie opfferten nicht / sunder mayneten nur ein gedechtnus vnd re-  
presentation des ersten opffers zumachen / So soll man inen ant-  
worten / Wann sie die wort / furnemlich diese (die wir dir opffern  
für dein heilige Christliche Kirchen ꝛc. Und wir bitten dich du wöl-  
lest dieses Opffer gnediglich annemen / vnd vns von der ewigen  
verdammus erlösen ꝛc. Und wir opffern deiner herrlichen Maie-  
stat ꝛc.) heraus thun / vnd setzen darfür / Wir gedencken des Opf-  
fers deines aynigen Suns ꝛc. So wollen wirs glauben / das in  
ernst sey / vnd sie seins auch schuldig zuthun / vnd könnens on er-  
gernus wol ausrichten / Dann haben sie Kilianum vnd Totna-  
num vmb Belts willen hineingesetzt / das nichts nutz ist / so sollen  
sie billich diese wort vmbß glaubens vnd der warheyt willen en-  
dern / da es not ist.

Vom anruffen der Deyligen / ist vnter dem Tittel vom Gebet-  
gnug angezaygt.

Die andern zusetz / eusserlicher leiblicher ding / Als Mesge-  
wandt / Altardeck / Sylberein vnd Göldein gefes / Liechter ꝛc.  
Sein aller ding frey / geben vnd nemen dem Glauben vnd gewissen  
nichts / Darumb / dieweil sie vorhin verhanden vnd gezeugt sein /  
sol man sie behalten vnd brauchen / sunderlich die Klayder / dar-  
umb / das die Diener der Kirchen / nicht allweg in iren aygen Klay-  
dern also gestalt sein / das sie darinnen dapffer vnd ehrlich der  
gemain möchten dienen.

Es ist auch das ein grosser misbranch / Das etliche Diener  
der Kirchen / allein aus gewonheit oder menschen gepot / zu be-  
stimbter zeyt Meshalten / wann gleich niemandt verhanden ist /  
dem sie darmit dienen / vnd das heylig Sacrament raichen / vnd sie  
selbs auch kein lust noch lieb darzu haben / sunder thuns mit bö-  
sem Gewissen / vnd als zuvermitten / allein vmbß genies wil-  
len / welliches warlich ein schwere Sunde ist / Und wiewol solli-  
cher misbrauch mehr an der Person dann am werck hangt / vnd  
die ihenen so solliches thun / billich selbs daruon abstunden / ob  
nen gleich weltlich gefar darauff stünde / Dannocht / damit wir  
nicht yemands Gewissen one not beschweren / vnd das Abentmal  
des WELXXI souil ymmer müglich / zu seinem rechten gebrauch  
gezogen werde / So soll hynfuro / kein sundere Mes mehr gehal-  
ten werden / Es seyen dann Leut verhanden die sich anzaygen vnd  
begern das heilig Sacrament zu empfaben / Was sie aber an-  
stat der Messe singen vnd lesen sollen / wann nicht Communican-  
ten verhanden seyen / wirdt hernach angezaygt werden.



## XL

Sie sollen auch das heilig Sacrament nicht auffbehalten/ einschliessen noch umbtragen / Dann dieweil Christus bayde gestalt eingesetzt hat / vnd wir alle bayde gestalt / nach der Ordnung Christi gebrauchen sollen vnd wollen / So wirdt es sich nicht fügen/ das man den Kelch auffbehalte/ darumb darff man auch das ander tayl allein nicht auffbehalten noch umbtragen/ So kan auch das heylig Sacrament nicht Christlich vnd fruchtbarlich gehandelt werden / one die wort Christi die das Waubtstück daran sein / Wo man aber die wort mus erzelen vnd hören lassen/ da Consecrirt man auch/ vnd ist nicht not ein auffbehaltens herfur zuziehen / dann dardurch wirdt auch vnzelich viel misbrauchs verhüttet.

Es sein auch nicht weniger misbreuch bey dem Waubtstück dann bey den zusetzen / Dann das rechte Waubtstück / nemlich die Wort Christi/ werden von vielen vnrecht verstanden vnd ausgelegt/ Einer sagt es sey nicht der Leyb/ sunder des Leibs zaichen/ Der ander sagt es bedeut den Leib / Der dritte sagt / der Leyb sey dem Brot gleich/ Der vierdt sagt / der Leyb Christi sey fur vns geben/ vnd das Brot soll man zum gedechtnus desselben essen/ Der fünfft sagt / es sey der Leyb Christi / wann es ein glaubiger Christ esse/ wann es aber ein falscher Christ esse / so sey es nicht der Leyb Christi/ Vnd sein der yrthumb vnd falschen auslegung mehr worden/ dann der wort sein.

Wider solliche yrthumb / sollen sie fleissig handeln in dem Predigen/ vnd die Leut dahin weisen / das sie dem wort Gottes glauben/ wann es gleich wider die vernunfft ist / Dann das ist doch der höchst vnd nötigst streyt vnd kampff aller Christen/ das wir mit den geystlichen waffen vnser Ritterschafft/ sunderlich mit dem Schwert des Geysts/ welliches ist das wort Gottes/ die vernunfft gefangen nemen vnter den gehorsam Christi / wie Paulus lehret ij. Corinth. x.

Dieweil dann Christus spricht/ Es sey sein Leyb/ so sollen wir sine die Ehr thun vnd seinen worten glauben / dann sie sein allmechtig / vnd er rüfft dem das nicht ist / das es sey / Roma. am iij. Darumb yrren auch die so da sagen / Es sey den vnglaubigen nicht der Leyb Christi / sunder allein den glaubigen / Dann wann das war were / so müst das wort Christi war oder falsch sein/ nach dem wir glaubten oder nicht glaubten / das würde ein seltzams spiel sein / Es hilfft sie auch nicht das sie sagen / er habe allein den Jüngern geben vnd zugeben vermaint / darumb wer kein warer Jünger sey der empfahe es nicht / dann Judas ist auch vnglaubig vnd Gottlos gewest / dannocht nennet in die  
Schrifte



Schriefft ein Jünger / darumb müssen wir auch auff diesen tag sei-  
nes gleichen noch lassen Jüngern sein / vnd bekennen das sie mit  
vns empfaben eben das / das wir empfaben / Doch ist das wol  
war / das sie den Leib vnd das Blut Christi nicht essen vnd trinck-  
en auff die geystlichen weise / wie Johannis am vi. dauon geredt  
wirdt / da essen vnd trincken / lernen vnd glauben haist / Sie es-  
sen vnd trincken aber dannocht den Leib vnd das Blut Christi  
warlich wie Christus im Abentmal dauon redet / da essen vnd  
trincken nicht haist glauben / sunder in den mundt vnd den Leib  
empfaben.

Etliche aber verstehen die wort Christi recht / folgen in aber  
nicht / Als die so da ainerley gestalt allein empfaben / Nun hat  
ja Christus mit ausgedruckten worten zum Kelch geredt / Trinck  
et alle darans / vnd hat dazumal nicht allein mit den Aposteln  
sunder mit allen seinen Jüngern geredt / das sein alle Christen /  
Dieweil aber nun das Euangelion vnd die Warheyt am tag ligt /  
sollen sie die Leut fleissig vnterrichten / Das sie das heylig Sacra-  
ment empfaben / nach der einsatzung Christi in beyderley gestalt /  
Vnd wer das nicht thun will / dem sollen sie sagen / das er sich gar  
daruon enthalte / so lang bis er aus Gottes Wort erlerne / das  
man Gott vnd seinem Christo mehr gehorchen soll / dann den  
Menschen / Dann thun sie es aus verstocktem gemüt / als die so  
baidereley gestalt empfaben / für Ketzerey halten / so sein sie nicht  
weert das man ine das heylig Sacrament gebe / Thun sie es aber  
aus einer schwachheit / als die nicht wissen vnd doch gern wolten  
wissen was recht were / So ist inen viel nützer sie verziehen bis sie  
in Gottes wort verstendig vnd starck werden / dann das sie auff ein  
zweiffel aynerley oder beyderley gestalt empfangen / Dann was  
aus solchem zweiffel geschicht ist Sunde / Rom am xiiij. Wiewol  
es seltsam ist das ein Christ noch daran zweiffeln will / ob er den  
worten Christi glauben vnd folgen sol oder nicht / Desgleichen  
thun auch die so das heylig Sacrament gar nicht empfaben / sin-  
der nur anschawen vnd darnach daruon lauffen / vnd dichten in  
dann wie sie eine besundere andacht daruon empfaben / vnd wöl-  
len derhalben / man sol vmb solchs ires gedichts willen / das aller  
heyligste Sacrament im alten misbrauch behalten / vnd ein schaw-  
spiel daraus machen / Die soll man vnterrichten / das es kein güt-  
ter grundt sein könn / dieweil es auff dem vnghehorsam stehet /  
Dann Christus hat gesprochen / Nemet hin vnd esset / vnd nicht  
kumbt her vnd schawet / Wer nun die wort vnd einsatzung Christi  
für augen helt / wie alle Christen zuthun schuldig sein / der wirdt  
gewislich seine gedancken zu ruck schlagen / vnd im gehorsam  
Christi bleiben / das ist / mehr auff Christus befehl dann auff sein  
vngewise andacht sehen.

Auff



## XLI

Auff das es nun ordenlich vnd recht zugehe / vnd alle miß-  
breuch soviel möglich verhütet werden / Sollen sie dem Volck  
ansagen / wer das heylig Sacrament wöll empfaben / das er sich  
des Abents zuuor / oder wo es ferne des wegs oder ander zufell  
halben nicht sein könt / des Morgens vor Meszeyt / dem Pfarr-  
herr oder einem andern Kirchen diener / persönlich anzaygen /  
Dann on solliche vorgehende anzaygung / sollen sie furohin nie-  
mand das heylig Sacrament raichen / Seytmal sich sunst viel vn-  
geschicklicheyt könten begeben / die nicht allein der die sie thun / sun-  
der auch denen die vrsach darzu geben / zu grossen vnd greulichen  
Sunden möchten geraten.

Dann wir hören vnd erfahren / das etwo Schwermer vnd  
andere Glaublose Leut / die gar nichts vom heyligen Sacrament  
halten / allein zu einem gespöt hynzu gehen / etwo offenliche Sun-  
der / als die wissenlich an der vnehe sitzen / oder on alle redliche vr-  
sach von iren Ehegenossen gelauffen sein / oder sunst in offentli-  
chen ergerlichen Vnchristlichen lastern ligen / vnd gar nicht ge-  
dencken darnon abzustehen vnd sich zubessern / Etwo auch Nar-  
ren vnd vnsinnige Leut / etwo Kinder vnd andere grobe Leut / die  
noch weder den Glauben noch die Zehen gepot / noch das Vater  
vnser können.

Vnd damit sich das Volck / solliches anzaygens bester weni-  
ger beschwere / Sollen sie die Pfarrherr vnd Prediger erinnern /  
wie ein grosse bürde sie vorhin an der erzwungen Beycht getragen  
haben / deren sie nun ledig seyen / vnd ye ein gering ding dargegen  
sey / das sie sich allein ansagen / wann sie das heylig Sacrament  
wöll empfaben / Sie sollen inen auch einbilden / Was grosser  
vngeschicklicheyt vnd Sunde sich begeben wurde / wann man sol-  
liche Ordnung nicht hielte / das sie derselben aller schuldig vnd  
taylhafftig sein würden / dieweil sie mit irer aygenwilligkeyt / sol-  
liche gutte vnd nötige Ordnung verhinderten / Desgleichen das  
es auch zeytlichen vnrat vnd verfolgung möcht bewegen / dieweil  
man sich zu Augspurg vor Kayserlicher Mayestat vnd allen Sten-  
den des Reichs offentlich hat lassen hören / das man solliche Ord-  
nung halte vnd halten wölle / solt man nu dem nicht nachkum-  
men / so wurde vns gewislich nicht geringe schandt vnd schaden  
daraus entspringen.

Wann sich nun die Leut also vorhin anzaygen / So sollen  
die Kirchen diener dieselben mit aller beschaydenheit / nach gele-  
genheyt der Person erforschen / Ob sie die Zehen gepot / den  
Glauben / vnd das Vater vnser können / ob sie recht vom heyligen  
Sacrament halten vnd wissen / was sie für frucht daruon haben /  
D wann



wann sie es würdiglich empfahen / sunderlich aber ob sie gegen niemandt feindschafft oder zorn tragen / dann diesem heyligen Sacrament nichts mehr entgegen ist dann vnainigkeyt / Sie sollen sie auch weyter fragen / wie sie die gemelten stuck verstehen / vnd also daraus vernemen / wie sich das Volck der Predig / des Catechismi bessern / Vnd warinn ine mangelt sollen sie dieselben gülich vnd freuntlich vnterrichten / vnd sunderlich sich also darinn halten / das sie weder jungen noch alten Leuten vrsach geben / sich in solcher erforschung zuschemen / auff das man sie dardurch nicht dahin treibe / lange zeyt on das heilig Sacrament zubleiben.

Vnd wann sie yemandt also eins Christenlichen verstandts vnd guten wandels spüren vnd erkennen / So ist nicht von nöten / das man dieselben allweg von newen wider erforsche / als ein vnbekanten / sunder mögen ein solche Person wol vnerforscht / so offt sie sich nur anzaygt / zum heyligen Sacrament gehen lassen.

Sie sollen auch die Leut fleissig vermanen in der Predig / Das sie von ine selbs fragen vnd vnterricht begeren wollen / wann sie mangel an verstandt / oder schwere fehl der Gewissen haben / Dann es ist sehr nützlich vnd haylsam / vnd Salomon in Sprüchen / zaygt die ferlickeyt an die darauff. stehet wann mans nicht thut / vnd spricht / Wehe dem menschen der allein ist / dann wann er felt so hat er niemandts der ime auffhilfft.

Sunderlich aber / sollen sie die Leut mit höchstem fleis dahin bewegen vnd raytzen / Das sie sich vorhin ehe dann sie zum Sacrament gehen / lassen absoluiren oder entpinden von iren Sunden / Dann Christus vnser lieber **HEILIG** / hat ja sollichs Ambt vnd befehl nicht on vrsach eingesetzt vnd verordnet / da er sprach / Nemet hin den heyligen Gayst / wellichen ir die Sunde vergebt den sein sie vergeben / Er hat gewislich gewist / das wir sollichs trosts wol bedörffen / wann wir gleich selbs nicht dafür halten / Darumb soll man sollichen gnadenreichen trost nicht verachten / dann wie könden wir doch schendtlicher vnd vnchristlicher handeln / dann wann wir solliche Gottes ordnung in der Christenheyt ausleschen vnd gar aus dem brauch kummen lieffen.

Christus hat die Tauff eingesetzt fur die / so Christen wollen werden / Das Abentmal aber fur die / so Christen sein vnd im Glauben stehen vnd leben / Das Absoluiren aber fur die / so durch Sunde gefallen vnd also der Christlichen gemeinschafft (welches ist der



ist der geystlich Keyb Christi) vnwirdig sein worden / das sie durch die Absolution wider entpunden vnd der Christlichen gemain wider eingeleyt werden / Wer kan aber laugnen das er nicht offft schwerlich sündig / warum wolten wir dann solliche gnad verachten / vnd derselbigen nicht gebrauchen:

Ob aber etliche widerspenstige Gayster wurden sprechen / Man wolte die Papistischen Beicht wider auffrichten / den soll man sagen / nayn / Dann niemandt soll gezwungen sein das er müste sein Sunde dem Priester erzelen / vnd alle nach einander her sagen / Man soll aber darumb den gewalt vnd befehl Christi / wem ir sein Sunde vergebet dem sein sie vergeben / keines wegs verachten / Dann es gar ein tawerer vnd edler schatz ist / den betrubten angefochten gewissen / wann der Sathan vns vnser Sunde furhelt / als seyen sie so gros / das sie vns nicht mögen vergeben werden / wie er dann das mäisterlich kan / vnd zuthun pfligt / wann er vns in grossen anfechtungen vnd vnglücken / oder in schneller todts furcht / oder in den rechten todts nöten ergreiffet. Darumb soll man das Volck vnterrichten / das sie solliche verzeihung / entpindung oder Absolution / bey iren Kirchen dieneren suchen / Dann Christus hat den gewalt vnd befehl selbs geben / darumb wirdt derselb warlich krafft haben / So dörfen sie auch darumb nicht beychten / dann der Priester kan ein Sunde die im verdeckt ist / gleich so wol vergeben als die ime geoffenbart wirdt / wann der Sunder nur seine Sunde vor Gott bekennet vnd berewet / begert verzeyhung vnd glaubet festiglich / er hab sollichen gewalt hienyden auff Erden gelassen / der Christlichen Kirchen vnd iren Dieneren / Das wem sie die Sunde vergeben dem seyen sie vergeben / Er sag nur dem Priester sein anfechtung / sel vnd begere als ferren er selber will / vnd wie in sein Gewissen lehret / vnd begere das er ime mit Gottes Wort wolle trösten / vnd in krafft des besolhen Ampts vnd gewalts / den Christus darzu geben hat / von seinen Sunden entpinden vnd ledig sprechen / vnd sol gar nicht zweyffeln / ime seyen seine Sunde als gewislich vergeben / als wann Christus die wort imeselbs in aygner Person gesagt hette / Dann Christus der vns das zugesagt hat / der kan ye weder liegen noch triegen / darumb soll man sich sollichs teuren schatz gebrauchen / vnd sich darmit wider die grossen Sturm winde des Sathans rüsten vnd stercken / vnd sich nicht zu viel trösten / das vns bedunckt / wir dörfen sein yetzo nicht / dann wann die rechten ernstlichen vnd höchsten anfechtung des Teuffels daher fallen / geschicht vns dieses vnd anders mehr not / dann wir yetzt mainen.

Vnd sollen die Pfarrherr alhie fleissig gewarnet sein / Das sie  
D ij nie-



niemandt kein Bus aufflegen / fur die Sunde damit gnug zu thun / Dann das were wider den Glauben / vnd das leyden Christi dardurch geschmecht / Sie sollen aber eine yede Person nach irer gelegenheyt vnterrichten / wie sie furan jr leben zur besserung / mit beten / lernen vnd anderm irem thun vnd lassen / vngefehrlich anrichten mögen / mit dem anzaygen / wo sie sich nicht vor Sunden hütten vnd teglich bessern wurden / das das letzte (wie Christus sagt Matthei am xij.) erger wurde / dann das erste / Vnd Johannis am funfften spricht er auch zu dem den er gesundt gemacht hette / Siehe zu du bist gesundt worden / sündige fort nicht mehr / das dir nicht etwas ergers widerfare / Dann sollichs alles soll geschehen vmb des kunfftigen lebens willen / vnd nicht der maynung / das es ein gnugthuung sein solle / fur die vergangen Sunde / dann dieselbig ist vergeben durch die erlösung so von Christo geschehen ist / wellichen Gott hat furgestellt zu einem gnedstul durch den Glauben in seinem Blut / damit er die gerechtigkeit die vor jm gilt beweise / in dem das er vergiebt die Sunde die zu vor sind geschehen / vnter Göttlicher gedult die er trug / das er zu diesen zeyten beweyse die gerechtigkeit die vor jm gilt / auff das er allein gerecht sey / vnd rechtfertigen der da ist des Glaubens an Ihesum Rom ij.

Nach sollicher vnterricht / so er die Absolution begert so sprech er zu ime wie folgt.

### Forma der Absolution.

Der Allmechtig Gott hat sich dein erbarmt / vnd durch verdienst des aller heyligsten leydens / sterbens vnd aufferstehens vnserns WELRN Ihesu Christi seines geliebten Suns / vergiebt er dir all deine Sunde / Vnd ich als ein beruffner Diener der Christlichen Kirchen / aus befehl vnserns WELRN Ihesu Christi / verpündige dir solliche vergebung aller deiner Sunde / Im namen des Vaters vnd des Suns vnd des heyligen Gaysts Amen. Gehe hin im fried dir geschehe wie du glaubest.

### Oder also.

Der Allmechtig vnd Barmhertzig Gott vergiebt dir dein Sunde / Vnd ich aus befehl vnserns WELRN Ihesu Christi / an stat der heyligen Kirchen / Sag dich frey ledig vnd los aller deiner Sunde / Im namen des Vaters vnd des Suns vnd des heiligen Gaysts Amen. Gehe hin vnd sündige nicht mehr / sunder besser dich one vnterlas / das helff dir Gott / Amen.

Nach



Auch sollen sie acht haben / wann sich vnter andern solliche Leut anzaygten / die in einem wissentlichen yrtumb vnd Ketzerey verwandt weren / Oder sunst das gewis vnwidersprechlich wort Gottes verlesterten / wie laider etliche zuthun sich nicht schemen / Oder in wissenlichen vnlaugbaren lastern legen / Welche Paulus i. Corinth. am v. vnd anderstwo mehr erzelt / Oder vn sinnige vnd Narren / oder gantz vnuerstendige Kinder / oder sunst grobe Leut / die noch die Zehen gepot / den Glauben vnd das Vater vnser nicht kōnten / vnd nicht lernen wolten / Dieselbigen sollen sie keins wegs zum heyligen Sacrament zulassen / sunder sollen den yrrigen vnd offentlichen Sundern / Gottes gericht vnd vngewisheit dieses vergenglichen lebens / statlich einpilden / auff das sie zur Bus getrieben werden / Wann sie sich aber bessern / vnd desselbigen ansehenliche zaychen bey inen erscheinen lassen / So soll man sie annemen / trōsten / absolviren / vnd zu der gemaynschafft des Leybs vnd Bluts Christi / wie ander Christen widerumb zulassen.

Sie sollen auch die Eltern vnd Haus Vater fleissig vermanen / Das sie ire Kinder vnd Hausgesindt zur Predig vnd gemaynem Gebet ziehen / vnd sunderlich darauff acht haben / das sie nicht one redliche vrsach / sich allzulang vom heyligen Sacrament entziehen / Dann so hart die Kinder die Eltern zu ehren / vnd die Ehehalten irer Herrschafft trew zu sein / durch Gottes gepot verpflichtet sein / So hart sein auch die Eltern vnd Hausherrn / ire Kinder vnd Ehehalten / in Gottes furcht vnd rechtem Glauben / sampt aller Christlicher zucht auffzuziehen / verpflichtet vnd schuldig.

## Ordnung der Mess wie die gehalten soll werden.

**D**Im Ersten / wenn der Priester zum Altar kumbt / mag er das Confiteor / oder was in sein andacht erinnert / sprechen / darnach den Introitum lesen / doch das er aus der heiligen Schrift genummen sey / dieweyl sollen die Schuler / wo man Schul hat / den Introitum auch singen Lateinisch / Wo man aber als in Dörffern / zu sollichem Lateinischen




nischen Gesang nicht Leut hette / soll man ein Christenlich  
Deutsch Gesang nach gelegenheyt yedes Orts singen / Wo aber  
das Volck sollich Gesang nicht künnte / sollens die Pfarrherr anri-  
chten zulernen / So ferr aber hienor in etlichen Steten vnd Fle-  
cken / die Introit vnd andere dergleichen Gesang in Deutscher  
Sprach angericht weren oder noch wurden / darbey mag es auch  
bleiben.

Darnach soll er lesen das Kyrieleyson vnd Et in terra La-  
teinisch / vnd die Schuler oder das Volck sol es singen Latei-  
nisch oder Deutsch / wie sie es im gebrauch haben / Als dann  
kere sich der Priester gegen dem Volck vnd sprech oder sing /  
Dominus vobiscum / oder Der HERR sey mit euch / Dem-  
selben folget dann ein oder mehr Collecten / nach gelegenheyt  
der zeyt / vnd fur allerley anligen der Christenheyt / Vnd  
diuweyl dieselben an stat der gantzen Gemain gesprochen wer-  
den / soll man sie Deutsch halten / auff das das Volck dieselben  
hören vnd verstehen / vnd im hertzen diuweil auch also geden-  
cken vnd beten mög / Zum selben fleissigen auffmercken vnd  
betrachtung im hertzen sollen die Prediger auch das Volck in  
iren Predigen vermanen / Vnd sind derselben hernach etwo  
viel gestellt / die ein yeder seines gefallen fur sich nemen mag /  
doch also / das er zuuorderst allweg eine neme / die auff Gaystliche  
sachen gestellt sey / Wiel er darnach oder erforderts die gele-  
genheyt vnd not der zeyt / mag er auch zeytliche gutter  
bitten / als vmb zeytlichen fried / vmb die frucht des  
Feldts ꝛc. vnd ander anligen gemainer  
Christenheyt.

## Nun volgen die Collec- ten oder Gebete.

Last vns bitten.

 Allmechtiger HERR Gott Hymli-  
scher Vater / der du nicht lust hast an der armen  
Sunder todt / leffest sie auch nicht gern verder-  
ben / sunder wilt das sie bekert werden vnd le-  
ben / Wir bitten dich herrtzlich / du wöllest die  
wol verdienten straff vnserer Sunden gnediglich abwenden /  
vnd vns hinfuro zu bessern dein Barmhertzigkeit miltiglich ver-  
leyhen /



### XLIII

leyhen / Durch vnsern **WELCHEN** Ihesum Christum deinen Sune / der mit dir in aynigkeyt des heyligen Gaysts regiert vnd herschet ymmer vnd ewigklich Amen.

**O** Allmechtiger **WELCHER** Gott Dymlicher Vater / Du weissest das wir in so manicher grosser fare / vor menschlicher schwacheyt nicht mögen bleiben / Verleihe vns sterck vnd krafft bayde an leyb vnd Seelen / das wir alles so vns vmb der Sunde willen quelet vnd ansicht / mit deiner hülff überwinden / Durch vnsern **WELCHEN** Ihesum Christum deinen Sune / der mit dir in aynigkeyt zc.

**O** Allmechtiger **WELCHER** Gott Dymlicher Vater / von dem wir on vnterlas allerlay guts gantz überflüssig empfaben / vnd teglich vor allem übel statlich vnd gnediglich behütet werden / Wir bitten dich / gib vns durch deinen Gayst / sollichs alles mit gantzem hertzen in rechtem Glauben zuerkennen / auff das wir deiner milten gütte vnd Barmhertzigkeyt / hie vnd dort ewigklich dancken vnd dich loben / Durch vnsern **WELCHEN** zc.

**O** Allmechtiger ewiger Gott / ein König der Ehren / vnd ein **WELCHER** Dymels vnd der Erden / durch welliches Gayst alle ding regiert / durch welliches furschung alle ding geordnet werden / der du bist ein Gott des friedens / von dem allein alle aynigkeyt zu vns kumbt / Wir bitten dich / du wöllest vns vnserere Sunde vergeben / vnd mit deinem Göttlichen fried vnd aynigkeyt begnaden / damit wir in furcht vnd zittern dir dienen / zu lob vnd preis deines Namens / Durch vnsern **WELCHEN** Ihesum Christum zc.

**O** Allmechtiger Barmhertziger Gott vnd Dymlicher Vater / des Barmhertzigkeyt kein ende ist / der du langmütig / gnedig / vnd von grosser gütte vnd trew bist / vnd vergibst die missethat / übertrettung vnd Sunde / Wir haben mishandelt vnd sind Gottlos gewest / vnd dich oft erzürnet / dir allein haben wir gesündigt / vnd übel vor dir gethan / Aber **WELCHER** gedencke nicht an vnserere vorige missethat / las bald dein Barmhertzigkeit über vns grösser sein / dann wir seind fast elendt worden / Hülff vns Gott vnseres hayls / Errette vns vnd vergieb vns vnserere Sunde / vmb der Ehren willen deines heyligsten Namens / vnd von wegen deines lieben Suns vnseres Daylandts Ihesu Christi / der mit dir zc.



**O** Allmechtiger **DEXX** Vater / Der du durch dein ewigs  
Göttlichs Wort / alle ding erschaffen hast / segnest vnd er-  
heltest / Wir bitten dich / das du dein ewig Wort vnsern  
**DEXX**ren Ihesum Christum / vns wöllest offenbaren vnd in vn-  
sere hertzen pflantzen / dardurch wir nach deiner gnad wirdig wer-  
den / deinen Göttlichen Segen über alle frucht der Erden / vnd  
alles was zur leyblichen noturfft gehört / zu empfaben / Vnd  
solche gaben zum preis deines Göttlichen Namens vnd vnser  
Nechsten dienst zugebrauchen / Durch denselben vnsern **DEXX**  
Ihesum Christum etc.

**O** Allmechtiger ewiger Gott / Der du vns befolhen hast /  
durch deinen aynigen Sun vnsern lieben **DEXX**ren Ihesum  
Christum / das wir vnser feinde lieb haben sollen / denen  
die vns belaidigen guts thun / vnd für vnser verfolgter bitten / Wir  
schreyen ernstlich zu dir / Das du alle vnser feinde wöllest gnedig-  
klich haimsuchen / inen ware rew irer Sunde verleyhen / vnd mit  
vns vnd der gantzen Christenheyt ein freundlichs Gottfürch-  
tigs einhelligs gemüt vnd hertz geben / Durch vnsern **DEXX**ren etc.

**O** Allmechtiger Barmhertziger göttiger Gott vnd Vater /  
Wir bitten dich ernstlich vnd mit gantzem hertzen / Du wöl-  
lest alle die ihenen / so vom Christlichen Glauben abgewi-  
chen / oder sunst mit etlichen stucken yrrig / vnd mit falscher Lehr  
behaft vnd verfürst seindt / Vetterlich haimsuchen / vnd widerbrin-  
gen zu erkantnus ires yrrthumbs / das sie ein lust vnd gefallen ge-  
winnen / an deiner bestendigen einfeltigen ewigen Warheyt /  
Durch vnsern **DEXX**ren etc.

**O** Allmechtiger ewiger Gott / ein trost der traurigen / ein  
sterck der schwachen / Las für dein Angesicht gnedigklich  
kummen / die bitt aller deren / so in kummernus vnd anfecht-  
tung zu dir seufftzen vnd schreien / Das menigklich merck vnd em-  
pfinde / dein hülf vnd beistandt in zeyt der not / Durch vnsern  
**DEXX**ren Ihesum Christum etc.

**O** Allmechtiger ewiger Gott vnd Vater / ein Schöpffer al-  
ler dieng / Der du gnedigklich gesegnet hast / Man vnd  
Weyb / vnd gesagt / Seyt fruchtbar vnd mehret euch /  
Nuch hastu dem Weyb iren schmerzzen zugeberer / zu einem heylig-  
en gebenedeyten Creutz gemacht vnd gesegnet / durch deinem  
Sune vnsern **DEXX**ren / der vns von dem Flaysch vnd Sunden  
erlöset hat / Wir pitten dich göttiger Vater **DEXX**ren vnd Gott /  
du



du wöllest die frucht ires leibes dein aygen werck erhalten vnd be-  
 waren / vnd vnter dem Creutz in der bekümmerlichen Geyurt/  
 nicht verderben lassen / sunder gnediglich vnd mit freuden entpin-  
 den / Durch denselben vnsern D<sup>E</sup>RRN Ihesum Christum ꝛc.

**O** Allmechtiger ewiger Gott / Der du wilt das allen menschen  
 geholffen werde / vnd zu erkantnus deiner Göttlichen war-  
 heyt kummen / Wir bitten dein Göttliche Mayestat / durch  
 Ihesum Christum deinen aynigen Sune vnsern D<sup>E</sup>RRN vnd  
 Daylandt / Du wöllest dein Göttliche gnad / hülff vnd Gayst mit  
 taylen / aller ordenlichen Oberkeyt / das sie friedlich vnd wol regie-  
 ren / Allen Christlichen Dienern deines heiligen Worts / das sie  
 recht vnd fruchtbarlich lehren / Vnd wöllest durch deinen allme-  
 chtigen gewalt vnd vnerforschliche weisheyt widerstandt thun /  
 allen denen die dein heylig wort hassen / vnd mit falscher lehre vnd  
 vnordenlichem gewalt verfolgen / sie erleuchten / vnd zu erkant-  
 nus deiner Derrligkeyt führen / Auff das wir allein einem stillen ge-  
 ruigen vnstrefflichen leben / die reichthumber deiner Göttlichen gna-  
 den / durch einen raynen Glauben erlernen / vñ dir aynigen waren  
 Gott vnd D<sup>E</sup>RRN aller Derrn / in heyligkeyt vnd gerechtigkeit /  
 die dir gefellig ist / dienen mögen / Durch vnsern D<sup>E</sup>RRN ꝛc.

**O** Allmechtiger Gott / Der du bist ein beschützer aller die auff  
 dich hoffen / one welliches gnad niemandt etwas vermag /  
 noch etwas vor dir gilt / Las vns dein Barmhertzigkeyt rey-  
 chlich widerfaren / auff das wir durch dein heyligs eingeben / ge-  
 dencken was recht vnd gut ist / vnd durch dein krafft auch dasselbig  
 volbringen / Durch vnsern D<sup>E</sup>RRN Ihesum Christum ꝛc.

**O** Allmechtiger Gott / Der du der Elenden seuffzen nicht  
 verschmehest / vnd der betrübten hertzen verlangen nicht ver-  
 achtest / Sie doch an vnser Gebet / welliches wir in vnser not  
 vor dir furtragen / Vnd erhöre vns gnediglich / das alles / so bay-  
 de vom Teuffel vnd menschen wider vns strebt / zu nichte / vnd  
 nach dem rathe deiner gütte zertrennt werde / auff das wir von al-  
 ler anfechtung vnuerseert / dir in deiner gemain dancken vnd dich  
 allezeyt loben / Durch vnsern D<sup>E</sup>RRN Ihesum Christum ꝛc.

**O** Allmechtiger güttiger Gott vnd Vater vnser D<sup>E</sup>RRN Ihe-  
 su Christi / Der du vns ernstlich befolhen hast / das wir dich  
 bitten sollen vmb Arbeyter in deiner Erndten / das ist vmb  
 rechtgeschaffne Prediger deines Worts / Wir bitten dein gruntlose  
 Barmhertzigkeyt / Du wöllest vns rechtgeschaffne Lehrer vnd die-  
 ner deines Göttlichen Worts zuschicken / vnd denselben dein hayl-  
 I sama



sams wort in das hertz vnd in den mündt geben / Das sie deinem befehl treulich ausrichten vnd nichts predigen / das deinem heyligen Wort entgegen sey / Auff das wir durch dein Dymlich ewigs Wort ermanet / gelehret / gespeist / getröst vnd gesterckt werden / thun was dir gefellig vnd vns fruchtbarlich ist / Sib **DEXX** deiner Gemain deinen Gayst vnd Göttliche weisheyt / Das dein Wort vnter vns lauffe vnd wachse / vnd mit aller fraidigkeyt wie sichs gebürt / gepredigt / vnd dein heylige Christenliche Gemain dardurch gebessert werde / auff das wir mit beständigem Glauben dir dienen / vnd in bekantnus deines Namens bis an das ende verharren / Durch vnsern **DEXXXI** zc.

**O** Barmhertziger Dymlicher Vater / In welches handt bestehet aller Menschen gewalt / vnd Oberkeyt von dir gesetzt / zur straff der bösen vnd wolffart der frummen / in wellicher handt auch stehen alle Recht vnd Gesetz aller Reich auff Erden / Wir bitten dich / sihe gnediglich auff deine Diener den Römischen Kayser vnser Fürsten vnd alle ordenlich Oberkeyt / damit sie das Weltlich Schwert / inen von dir befolhen / nach deinem befehl führen mügen / Erleucht vnd erhalt sie bey deinem Göttlichen Namen / Sib inen lieber **DEXX** weisheit vnd verstandt vnd ein friedlich Regiment / auff das sie alle ire Vnderthanen in fried rwe vnd aynigkeyt beschirmen vnd regieren / Erlengere inen **O** Gott vnser hayls ire tag / auff das wir vnter irer herrschafft / deinem Göttlichen Namen sambt ine heyligen vnd preysen mögen / Durch vnsern **DE**rrn Ihesum Christum zc.

### Von der geburt Christi.

**O** Allmechtiger Gott / Wir bitten dich du wöllest verleyhen / Das vns die new Geburt deines eingebornen Suns durchs Flaysch erlöse / welliche die alte Dienstbarkeyt vnterm Joch der Sunden gefangen helt / auff das wir ine als einen Erlöser / mit freuden auffnemen / Auch wenn er zu Gericht kummen wirdt / sicher mügen anschawen Ihesum Christum vnsern **DE**rrn / Der mit dir in aynigkeyt des hayligen Gaysts lebt vnd regnirt warez Gott ymmer vnd ewiglich / Amen.

### Vom Leyden Christi.

**O** **DEXX** Gott Vater aller barmhertzigkeyt / Wir bitten dich du wöllest gnediglich sehen auff dieses dein Volck vñ **W**aus gefinde / vmb wellichs willen vnser lieber **DE**rr Ihesus Christus sich nicht gewaygert hat / übergeben zu werden in die hende der



## XLVI

Se der Sander / vnd zu dulden die schmelichen peyn des Creutzes /  
Der mit dir lebt vnd regniert warer Gott in aynigkeyt des heiligen  
Gaysts ewigklich / Amen.

### Ostern.

**O** Allmechtiger Gott / Der du durch deinen eingebornen Sun  
vnsern D<sup>er</sup>ren Ihesum Christum / vns nach überwundenem  
todt / hast eroffnet den eingang zum ewigen leben / Vnd  
durch die Osterlichen Sacrament seiner Auferstehung / der gan-  
tzen Welt hayl verliehen / vnd ein Pundt vnserer versonung darbey  
gemacht / Wir bitten dich / du wollest vnser begirde zu sollicher e-  
wigkeyt erwecken / vnd die Dymlichen gabe der vollkommen frey-  
heyt verleyhen / Auff das wir dasselb Sacrament im wandel fü-  
ren / welches wir im Glauben empfangen haben / vnd das wir  
das / so wir durch vnser bekantnus preysen / demselbigen auch mit  
der that nachfolgen / Durch denselben vnsern lieben D<sup>er</sup>ren Ihe-  
sum Christum ꝛc.

### Hymelfart.

**O** Allmechtiger Gott / Wir bitten dich / verleihe das wir auch  
mit dem gemüt im Dymel wonen / was Dymlich ist suchen  
vnd gesinnet sein / wie wir glauben das dein eingeborner Su-  
ne vnser Seligmacher gen Dymel ist auff gefaren / Durch densel-  
bigen vnsern lieben D<sup>er</sup>ren Ihesum Christum / der in aynigkeit  
des heiligen Gaysts mit dir lebt vnd regiert warer Gott in ewig-  
keyt / Amen.

### Pfingsten.

**O** Gott / Der du die hertzen deiner glaubigen mit erleuchtung  
des heiligen Gaysts gelernet / vnd ein Christliche gemaine  
versammelt hast / Gib vns / das wir in demselben Gayst recht  
gesinnet sein / vnd vns seiner tröstung allzeyt frewen / das er durch  
sein krafft vns bey stehe / vnser hertzen gnedigklich raynige / vnd  
vor allem widerwertigen beschütze / Auff das dein Gemain kayner  
ley weyse durch anlauffen der feinde / bekümmert / sunder in alle  
warheyt gelaitet werde / als dein Sune vnser lieber D<sup>er</sup>ren Ihesus  
Christus verhayssen hat / Der mit dir in aynigkeit desselben heylig-  
en Gaysts lebt vnd regiert warer Gott ymmer vnd ewigklich /  
Amen.

### Drmaltigkeyt.

I ij D Allme



IVIX  
**O** Allmechtiger ewiger Gott / Der du vns deinen Dienern aus gnaden geben hast / in bekantnis des waren Glaubens / die herrligkeit der ewigen Driueltigkeit zuerkennen / vnd die aynigkeit gleiches gewalts vnd Mayestat anzubeten / Wir bitten dich / verleyhe das wir durch bestendigkeyt sollichs Glaubens / allzeyt befestiget werden von allen widerwertigen / Durch Ihesum Christum vnsern NERN deinen Sune / welcher mit dir in aynigkeit des heiligen Gaysts lebt vnd regiert warer Gott ymmer vnd ewiglich / Amen.

### Das Gottes Reich kumme.

**O** Gott / Du beschützer aller der die in dich hoffen / on wellichen nichts kreffug / nichts heylig ist / mehre über vns dem Barmhertzigkeit / auff das wenn du vnser Regierer vnd Fürer bist / wir der massen durch die zeytlichen güter wandern / das wir die ewigen nicht verlieren / Durch Ihesum Christum deinen aynigen Sune vnsern lieben NERN / der mit dir in aynigkeit des heiligen Gaysts warer Gott lebt vnd regiert ymmer vn ewiglich / Amen.

### Das Gottes wille geschehe.

**O** HERR / Wir bitten / gib vns allzeyt gnediglich einen Gayst zugedencken vnd zuthun was recht ist / auff das wir / die wir on dich nicht sein können / nach dir auch leben mögen / Durch Ihesum Christum vnsern NERN / der mit dir in veraynigter Gottheit des heyligen Gaysts lebt vnd regiert von ewigkeyt zu ewigkeyt / Amen.

### Pro Pace.

**O** Gott du Stifter des Friedens vnd Liebhaber der liebe / wer dich erkennet der lebt / wer dir dienet der regieret / Beschütz deine demütigen / behütte vor allem anlauff der feinde / auff das wir kein waffen der feindschafft fürchten / die wir vns auff deinen Schutz verlassen / Durch Ihesum Christum zc.

### Pro Pace.

**O** Gott von dem alle heylige begirde / alle gerechte rede vnd gutte werck herkommen / Verleihe deinen Knechten den Fried / welchen die Welt nicht geben kan / Auff das vnser hertzen sich deiner Gebot beflüssigen / vnd vnser zeyt / hyndan genummen



## XLVII

nummen alle fürcht der feinde / durch dein beschützung ewig vns  
still seind / Durch Ihesum Christum vnsern lieben VERN deinen  
aynigen Sune / der in veraynigter Gottheyt des heyligen Geysts  
mit dir herrschet vnd regiert von ewigkeyt zu ewigkeyt / Amen.

**Nach dem Gebet sol man lesen ein Capitel aus  
den Episteln der Aposteln / Pauli Petri oder Ioh  
hannis 2c. Deutsch / das soll er also anfahen.**

**Wer liebe verneme mit fleis / das erste Capitel der Epistel des  
heyligen Pauli zu den Römern geschrieben.**

**Vnd am Ende also beschliessen.**

**Das ist das erst Capitel der Epistel zu den Römern des heylig  
gen Pauli.**

**Nach der Epistel mag er lesen ein Alleluia mit  
seinem Vers Lateinisch / Oder ein Gradual aus  
der heyligen Schrift genummen / Das selbig mög  
gen auch die Schüler Lateinisch singen.**

**Darnach soll er aber lesen ein Capitel aus dem  
Euangelio oder Geschichten der Aposteln / Vnd  
dann anfahen das Credo / das sollen die Schüler  
Lateinisch singen / wie der gebrauch ist / oder aber  
das Volck soll den Glauben Deutsch singen.**

**Darauff soll dann am Feyertag die gewönllich  
Predig folgen / Nach der Predig soll folgen das  
Abentmal.**



IIV LX  
Ordnung des Herren

Abentmals.



Ann der Priester das Abentmal  
des HERREN (so er anderst Communican-  
ten hat) halten will/ Soll er von stundan nach  
folgende ermanung zum Volck thun/ vnd dann  
die wort des Nachtmals / wo die Mess gesun-  
gen würdet/ vngeserlich auff nachfolgende weise vnd nach den her  
nach gesetzten Noten singen/ Oder so er die Mess liset/ mitt lauten  
verstendigen Worten lesen/ damit die vmbstehenden dieselben hören  
mögen.

Folget die Ermanung.

Ir allerliebsten in Gott/ Dieweil wir yetzo das heilig Abent  
mal vnser HERREN Ihesu Christi wollen bedencken vnd halten/  
darinn er vns sein Fleisch zu einer speis / vnd sein Blut zu einem  
tranck/ den Glauben darmit zustercken gegeben hat/ Sollen wir  
billich mit grossen fleis ein yeder sich selbs brüsen / wie der heilig  
Paulus vns vermanet / Dann dis heilig Sacrament / ist zu ei-  
nem sundern trost vnd sterck geben / den armen betrübtten Ge-  
wissen/ die ire Sunde bekennen / Gottes zorn vnd den Todt für-  
chten / vnd nach der gerechtigkeit hungerig vnd dürstig sindt/  
So wir aber vns selbs brüsen / vnd ein yeder in sein aygen Gewis-  
sen gehet/ wie vns der heylig Paulus lehret / werden wir gewis-  
lich nichts anders finden / dann allerley greuliche Sunde / vnd  
den Todt/ den wir mit der Sunde verschuldt haben / vnd können  
doch vns selbs in keinem wege daraus helffen/ Darumb hat vnser  
lieber Herr Ihesus Christus / sich über vns erbarmt / vnd ist  
vmb vnserer Sunden willen Mensch worden / Auff das er das  
Gesetz vnd allen willen Gottes für vns vnd vns zu gut erfüllet/  
vnd den Todt vnd alles was wir mit vnsern Sunden verschuldt  
hätten/ für vns vnd zu vnser erledigung auff sich neme vnd erlitte/  
Vnd das wir das ye festiglich glaubten / vnd durch den Glauben  
frölich in seinem willen möchten leben/ Nam er nach dem Abent  
mal das Brot/ saget danck / brachs vnd sprach / Nemet hin vnd  
esset/ das ist mein Leib / der für euch dargegeben wirdt / Das ist/  
das ich mensch bin worden/ vnd alles das ich thu vnd leyde/ ist al-  
les ewer aygen/ für euch vnd euch zu gut geschehen / des zu einem  
gewissen




## XLVIII

gewissen anzeygen vnd zeugnis / gib ich euch mein Leyb zur Speis /  
 Desgleichen nam er auch den Kelch vnd sprach / Nemet hin vnd  
 trincket aus diesem alle / das ist der Kelch des Newen Testaments  
 in meinem Blut / das fur euch vnd fur viel vergossen wirdt zu ver-  
 gebung der Sunde / so oft jr das thut solt jr mein dabey geden-  
 cken / Das ist / dieweil ich mich ewer angenommen vnd ewer  
 Sunde auff mich geladen hab / will ich mich selbs fur die Sunde  
 in todt opffern / mein Blut vergiessen / gnad vnd vergabung der  
 Sunde erwerben / vnd also ein New Testament auffrichten / dar-  
 innen die Sunde vergeben / vnd ewig nicht mehr soll gedacht wer-  
 den / des zu einem gewissen anzeygen vnd zeugnis / gib ich euch  
 mein Blut zutrincken / Wer nun also von diesem Brot isset / vnd  
 von diesem Kelch trincket / auch diesen worten die er von Christo  
 horet / vnd diesen zaychen die er von Christo empfabet / festiglich  
 glaubt / der bleibt in dem WErn Christo vnd Christus in ime /  
 vnd wirdt ewiglich leben / Darbey sollen wir nu sein gedencken /  
 vnd seinen todt verkundigen / Nemlich das er fur vnser Sun-  
 de sey gestorben / vnd zu vnser rechtfertigung wider auffer-  
 standen / vnd ime darumb dancksagen / ein yeder sein  
 Creutz auff sich nemen / vnd ime nachfolgen / vnd  
 nach seinem Gebot einander lieben / wie er vns  
 geliebt hat / dann wir alle sind ein Brot  
 vnd ein Leib / dieweil wir alle eines  
 Brots taylhaffig sind / vnd  
 aus einem Kelch  
 trincken.








Unser Herr Ihesus in der nacht do er ver-




raten wardt. Nam er das Brot dancket vnd




brachs/vnd gabs sein Jüngerem vnd sprach.




Nembt hin vnd esset. Das ist mein leyb



der fur euch gegeben wirdt/ das thut zu




mei nem gedecht nus. Desselben



gleichen nam er auch den Kelch nach

dem






dem abentmal vnd danck et/ vnd gab




in den/vnd sprach. Trincket alle daraus.



das ist mein blut des newen testa




mentes/ das für euch vnd für vil



vergossen wirdt/zur ver ge bung




der sun den/ Solchs thut so oft



irs trincket zu meynem ge decht nus.




Darnach folget das Sanctus Lateinisch oder  
 Deutsch. Darauff als bald. Tremus Preceptis  
 salutaribus moniti: et diuina institutione forma-  
 ti audemus dicere. Pater noster ꝛc. Darnach  
 als bald. Pax Domini sit semper vobiscum ꝛc.  
 Oder aber Deutsch wie es hernach notirt ist.




**L**ast ons beten. Vater vn ser der



du bist im hi mel/ Geheyligt werd



dein na me/ Zu kun dem reich




Dem will geschehe/ als im hymel



auch auff er den/ Vnser teglich

brot





brot gib vns heut/ Vnd vergieb vns



vn ser schul de/ als wir ver ge ben




vn se ren schul digern/ Vnd fur vns nicht in



ver suchung/ Sunder erlös vns vom



o bel A men. *Bel sic.* A men.



Der fried des Her ren sey mit euch



al len. A men.

Da q Nach



**Nach dem soll zum heyligen Sacrament oder dem Nachtmal Christi gehen / wer sich vorangefagt hat / das sol ime mit diesen Worten geraycht werden.**

Nyme hyn vnd iss / Das ist der Keyb Christi der fur dich geben ist.

**Vnd zum Kelch.**

Nyme hin vnd trinck / Das ist das Blut des Newen Testaments / das fur dein Sunde vergossen ist.

Vnd wo der Pfarrherr keinen Diaconum hat / soll er den Leib Christi raychen yederman / ehe er yemandt den Kelch raiche / Wo man aber Leuiten hat / mag derselben einer den Kelch raichen einem yeden der den Leib Christi empfangen hat.

Dieweil das geschicht sollen die Schuler singen / **Agnus dei ec.**

Wo aber nicht Schuler vorhanden sein / mag die Gemain das oder etwas anders das dem wort Gottes vnd gelegenheyt der zeit gemes ist singen / wie man das im brauch hat / vnd wo die meing des Volcks so gros ist / das es sich in die lenge verzeucht / soll man nicht allein ein Communio (aus der heyligen Schrift genommen) singen / sunder mag vnd soll auch etwas mehr singen / bis das das Volck alles verricht ist. Als das Responsorium Discubuit / oder was sunst der Schrift gemes ist / Wann nun das Volck alles verricht ist / sol man aber ein gemain Gebet in Deutsch offentlich sprechen / das sol eine dancksagung sein / Also.

**Last vns bitten.**

**O** Allmechtiger ewiger Gott / Wir sagen deiner Göttlichen miltigkeyt lob vnd danck / das du vns mit dem haylsamen Fleisch vnd Blut / deines aynigen Suns Ihesu Christi vnsers HERRN gespeist vnd getrenckt hast / Vnd bitten dich demütiglich / Du wöllest durch deinen heyligen Gayst / in vns würcken / Wie wir dis heilig Sacrament mit dem mundt haben empfangen /



pfangen / das wir auch also dein Göttliche gnad / vergebung der Sunde / veraynung mit Christo vnd ewigs leben so darinnen angezaygt vnd zugesagt ist / mit festem Glauben mögen begreifen / vnd ewigklich behalten / Durch vnsern WELERN Ihesum Christum deinen Sun / der mit dir in ainigkelt des heiligen Gaists lebt vnd herrschet / warer Gott ymmer vnd ewigklich Amen.

### Ein ander Dancksagung.

Wir dancken dir Allmechtiger Gott / Das du vns durch diese hailfame gabe deines Leybs vnd Bluts / hast erquicket / Vnd bitten dein barmhertzigkelt / Das du vns solliches gedeyen last zum starcken Glauben gegen dir vnd zu brünstiger lieb vnter vns allen / Durch denselben vnsern WELERN Ihesum Christum etc.

Benedicamus domino. Deo gratias.

### Darnach segne er das Volck also:

Der WELER gesegen euch vnd behütte euch / Der WELER erleuchte sein Angesicht über euch vnd sey euch gnedig / Der WELER erhebe sein Angesicht auff euch vnd geb euch fried / Amen.

### Oder also.

Gott sey vns gnedig vnd barmhertzig vnd gebe vns seinen Göttlichen Segen / Er las vns sein Angesicht erleuchten / vnd gebe vns seinen fried / Amen.

### Oder also.

Gesegen vnd behütte vns / Gott der Vater / vnd der Sun / vnd der heylig Gayst / Amen.

### Oder also.

Der Segen Gott des Vaters / vnd des Suns / vnd des heyligen Gaystes / sey mit euch vnd bleibe allzeyt mit vns allen / Amen.



**S**ist auch wol zubeforgen/ vnd schon  
zum tayl vor augen / Dieweil man niemandt  
mehr zu bestimbter zeit zum Sacrament zwingt/  
das die leut faul vnd nachlessig werden / Ja  
auch die Priester selbs/beschweren sich zuseyten/  
on redlich Christenlich vrsach / das Abentmal zuhalten / welche  
doch nicht verstehen / was sie darmit fur ein gezeugnus wider  
sich selbs geben / Dann was mus doch das fur ein hertz oder los-  
ser Glaub sein / der sich entsetzt / fürcht / beschwert vnd fleucht/  
wann Christus das aller tröstlichst vnd freuntlichst werck mit  
sime händeln will / das er ye mit seinen Jüngern auff erden gehan-  
delt hat: Vnd was kan doch tröstlichers sein / dann das Christus  
spricht mein Leyb ist fur dich geben / mein Blut fur deine Sunde  
vergossen: Vnd was kan freuntlichers sein dann wann er spricht/  
Nim hyn is / das ist mein Leyb / Nim hyn vnd trinck / das ist mein  
Blut: Wie könt er grössere lieb gegen vns erzaygen / dann das er  
sich vns selbs gibt/bey vns vnd in vns sein will? Darumb solten  
billich alle Christen mit freuden darzu eylen / vnd sich nicht lang  
daruon entziehen / Sunderlich aber die Priester / solten nicht al-  
lein mit worten / sunder auch mit dem Exempel das Volck darzu  
raytzen / Dann wie wilt du ein andern inbrünstig darzu verma-  
nen/wann du selbst kalt bist / Vnd ob dir schon der schönen wort  
nicht mangelt / was sollen die wort ander leut bewegen / wann  
du selbs nicht thust/wie du redest: Maynstu / du dörfst sein nicht /  
so bistu blindt / Glaubstu aber den worten nicht / so bist du ein  
Nayd / Wilt du aber deinem Nechsten nicht vergeben so bist du  
ein offenklicher Sunder / Sunst kan ye kein redliche vrsach sein/  
die dich dauon abziehen solt / Darumb sollen die Priester mit wor-  
ten vnd Exempel das Volck darzu vermanen vnnnd anzaygen/  
Wie sie doch wolten gethan haben zur Apostel zeyt / da Chri-  
stus seinen Jüngern das Sacrament gibt / vnd fraget sie nicht ob  
sie geschickt darzu seyen oder nicht / Desgleichen haben es die  
Apostel auch also geordnet / das man zu bestimbten tagen das  
Abentmal hat gehalten / vnd hat sich niemandt dauon entzogen/  
dann die von offenklicher sundē wegen / offenklich im Bann waren /  
Dieweil dann die Christenheyt kein höhere vnd schörpffere straff  
hat / dann das sie die offenklichen Sünder durch den Bann von  
Abentmal ausschleust / Warumb thun wir vns nun selbs in  
Bann: vnd ist zu besorgen / solliche kalte faule verdrosne vnd anck-  
barkeyt / möcht Gott erzürnen / das er vns widerumb in Men-  
schen sätzung lies verführen / Auff das wir über ein zeyt zu vnserm  
schaden vnd verderben thun müsten / das wir yetzt in der frey-  
heyt wol zu vnserm höchsten trost / brauchen könten vnd nicht  
wolten.

Item



Item man soll auch nicht leichtfertiglich / oder one redlich  
Christenlich vrsachen / frembden Pfarrkindern / in den Pfarrhen /  
darein sie nicht gehörn / die Sacrament oder andere Kirchen  
dienst / mittailen / sunder dieselbigen vor fleissig forschen / warumb  
sie sollichs alles dahaym bey iren Pfarrhern nicht suchen / Wann  
man aber die Person kennet / oder sie ein zeitlang nicht dahaim sein  
kan / oder vnter einem sollichen Pfarrhern ist / von dem sie nicht  
alle Christenliche dienst kan bekummen / oder yrgendt sunst ein  
redliche vrsach hat / vnd bey demselben ein Christenlich gemüt vnd  
verstandt gespürt würde / soll man ime nichts abschlagen.

Wann sich aber auff die tag / daran man vormals Mess zu  
halten gepflegen hat / niemand ansaget / der das heilig Sacra-  
ment empfangen wolt / So soll an stat der Mess / nachfolgende  
ordnung gehalten werden / Es were dann / das so wenig leut oder  
gar niemandt darzu gienge / das es mit wissen vnd willen der  
Oberkeyt daselbst / oder der gantzen Gemain / möcht vnterwegen  
bleiben / wie dann in Dörffern an wercktagen geschehen möcht.

Anfänglich soll man einen Psalm zwen oder drey / nach dem  
sie lang oder kurtz seyen singen / sunderlich aber am Sontag das  
Symbolum . Quicunqz vult. Soll an stat des letzten Psalmen ge-  
sungen werden / Darauff ein Antiphona aus der heiligen schrift /  
darnach ein Capitel aus den Episteln Pauli / oder der andern Apo-  
steln lesen / Nach dem Capitel ein Gesang Deutsch oder Latey-  
nisch / das kurtz vnd dem wort Gottes gemes sey / Darnach aber  
ein Capitel aus dem Euangelio / Nach dem Euangelio das Lob-  
gesang . Te deum laudamus / oder ein guten Dymnum de tempo-  
re / der der heiligen Schrift gemes sey / Darnach soll man drey  
Deutsche Collecten oder gemain Gebet thun / Deren die erst vmb  
das rayn wort Gottes / Die ander vmb gutte weltliche Regiment  
bitte / Die dritte mag der Diener nach gelegenheyt der zeyt nemen /  
wie es ime gefelt oder befolhen wirdt.

Vnd zu sollichem gemainen Gebet / soll man das Volck fleissig  
vermanen in Predigen / Mit anzaygung / wie mechtig vor Gott  
das einhellig Gebet der glaubigen sey / damit sie darauff mercken /  
vnd in iren hertzen auch also beten / vnd Amen darzu sagen / Zu  
letzt soll man beschliessen mit dem Benedicamus / vnd einem  
Deutschen Segen / wie bey dem Abentmal.



III  
Und solliches soll on ein Messgewandt allein im Corrock geschehen.

Die Vesper soll auch zu gewöhnlichen zeypen / nach gewöhnlicher ordnung gehalten werden / allein das man fur das Lateynisch Capitel ein Deutsch Capitel lese / aus dem Alten Testament / hette aber yemandt Deutsche Gesang angericht / oder wolt sie noch anrichten / dem sollen sie frey sein / Allein das man die Lateynischen Sprach / nicht gar aus der Kirchen treybe / dann wann die aus der Kirchen köme / würde sie auch in Schulen abnemen / Nun kan man Gottes wort oder die raynen Lehr nicht erhalten / one erkantnus der Naubtsprachen / darinn die heylig Schriffe vnd andere Künst vnd weysheit gefast ist / Darumb ist nütz vnd gut / das die Schuler vnd Kirchen diener / der heyligen Schriff von jugendt auff gewonen / am aller maisten in der Sprach da sie am raynsten gefast / gehandelt vnd ausgelegt ist / Darumb hat auch der heylig Paulus vermant / man sol die Zungen vnd Sprachen nicht weeten oder abthun .

In Stifften vnd Klöstern soll es mit dem Tagampt gehalten werden / wie in andern Pfarrhen / nemlich / wann sie Communianten haben / das sie das Abentmal halten / wo aber nicht / das sie die anderen ordnung halten / wie vor angezeigt ist / Darneben aber sollen sie ire Doras Canonicas de tempore auch halten / vnd sich fleissig hüten / das sie darinn nichts singen oder lesen / das Gottes wort entgegen sey / als da ist an ruffung der Deyligen / vnd was das Segfower belangt / vnd andere Irthumb mehr / welches die verstendigen vnter in selbs wol vrtaylen werden.





# Ordnung bey den Krancken.

**W**ann yemandt krank liget / vnd be-  
gert des heiligen Sacraments / bey dem soll der  
Priester eben warnemen / was er fur verstandt  
im wort Gottes hab / auff das er ine dester bas  
konne vnterrichten / Vnd wann es die zeit ley-  
det / soll er ine mit kurtzen vnd klaren Sprüchen aus der heiligen  
Schrift vnterrichten / Das wir alle Sunder sein / das vns die  
Sunde durch den glauben an Christum vergeben werden / vnd  
warzu Christus sein heiligs Abentmal hab auffgesetzt / dasselb  
soll er thun nach laut der vermanung die vor dem Abentmal sunst  
gethan wirdt / ine dieselbig auch vorsagen / vnd dann sich halten /  
wie das Abentmal geordnet ist / Nemlich. **Der Herr Ihesus** etc.  
Darnach **Vater vnser**. Darauff raich er ine das heilig Sacra-  
ment / vnd beschlies mit einem Deutschen Gebet / Nach diesen sol  
er ine vnterrichten / von der Tauff Creutz vnd leyden / vnd zu ge-  
dult vermanen / Wie Paulus zu den Römern am sechsten vnd ach-  
ten / Corinthiern am fünfften / vnd Hebreern am zwelfften /  
Das Exempel von sanct Diob vnd Lazaro Luce am achtzehenden  
anzaygen / darin kan man kein sandern form stellen / sunder ein  
yeder mus sich selbs mit ernst fleissen der sache recht zuthun.

Vnd diese Ordnung soll auch gehalten werden / wann sich  
ein ainige Person zur vnzeit anzaigte / also das man vmb iren wil-  
len / das Abentmal mit fug nicht wol halten könt / vnd sie doch  
vrsach hette nicht lenger zunerziehen / Dann mit einer sollichen  
Person / soll man eben handeln in der Kirchen / wie man mit einem  
Krancken handelt im Hause.

Es sollen auch die Kirchen diener / wann sie zu den Krancken  
geordnet werden / williglich kummen / sie trösten vnd stercken /  
vnd soniel möglich vnd füglich ist / sie selbs haymsuchen.

Don



# Von Eheleuten wie man die einlayten solle.

**D**Im Ersten / Soll man die leut darzu vermanen vnd darob halten / Das die so sich Ehelich zusammen verpflichtet haben / sich gutte zeyt darvor ehe dann sie zu Kirchen gehen / irem Pfarrherr anzaygen / Auff das man sich mög erkündigen / ob solche leut / nach Göttlichen vnd natürlichen rechten / one alle hindernus mögen Ehelich bey einander wonen / vnd nicht heut aus vntwissenheyt zusammen geben werden / die man darnach mit schandt vnd ergernus wider von einander schayden müste / Darumb sol man fur ohyn / nicht allein wo es vorhyn der brauch ist / sunder auch an allen andern ortten (es were dann das die Oberkeyt ein anders ordnete) ein yeglichs par Ehevolcks / in den Steten vnd Flecken / ein mal / Vnd in den Dörffern drey mal / zuuor offenlich in der Kirchen also verkündigen.

## Wie man verlobte Eheleut verkünden soll.

Dansvnd. **N.** Anna. **N.** wollen nach Göttlicher ordnung zum heiligen standt der Ehe greiffen / Begeren zu sollichem ein gemain Christenlich gebet / Auff das sie diesen Christenlichen Ehelichen standt in Gottes namen ansahen / vnd seliglich zu Gottes lob vollenden mögen / Vnd hat yemandts etwas darein zusprechen / der thue es bey zeyt / oder schweig darnach / vnd enthalte sich etwas zu ver hinderung darwider furzunehmen / Gott geb inen seinen segen / Das soll drey Feyertag geschehen / oder auff's wenigist ein Feyertag / oder sunst zwen tag / daran ein gros tayl der Gemain zusammen kumbt.

Wenn sie nun fur die Kirchen kummen / Soll der Priester sie bede also fragen. **Wie hayst du.** Darnach **N. N.** wilt du **N. N.** zu einem Ehelichen Gemahel haben. **Wann sie antworten ja.** So soll er inen weiter sagen also / Diuweyl it dann zum heiligen standt der Ehe wolt greiffen / auff das it das nicht one verstandt des Wort Gottes thut / wie die vnglaubigen / So höret zum ersten das Wort Gottes / wie der Ehelich standt von Gott ist eingesetzt worden.



Gott der Herr sprach / Es ist nicht gut das der Mensch allein sey / ich will ime einen Gehülffen machen die vmb in sey / Da lies Gott der DEXX einen tieffen Schlass fallen auff den Menschen / vnd er entschlieff / Vnd nam seiner Rippen eine / vnd schlos die Stadt zu mit flaisch / Vnd Gott der DEXX bauet ein Weyb aus der Ribe / die er von dem Menschen name / vnd bracht sie zu ime / da sprach der Mensch / Das ist ein mall Bain von meinen Bai-  
nen / vnd Flaysch von meinem Flaysch / man wirdt sie Wennin  
hayssen / darumb das sie vom Man genummen ist / Darumb wirdt  
ein Man sein Vater vnd Mutter lassen / vnd an seinem Weib  
hängen / vnd werden sein zway ein Flaysch.

### Weyter sprech er.

Zum Andern / höret auch das heylig Euangelion / wie jr ein-  
ander verpflichtet vnd verbunden sein solt / Matthei am xix. capi-  
tel. Die Phariseer tratten zum DEXX Ihesu / versuchten  
ime / vnd sprachen zu im / Ists auch recht das sich ein Man schayde  
von seinem Weybe / vmb yrgent einer vrsach willen / Er antwor-  
tet aber vnd sprach / Wabt jr nicht gelesen / das / der im anfang den  
Menschen gemacht hat / der machet / das ein Man vnd ein Fraw  
sein solt / vnd sprach / Darumb wirdt ein Mensch Vater vnd Mut-  
ter lassen / vnd an seinem Weyb hängen / vnd werden die zway ein  
Flaysch / Was nun Gott zu sâmmen gefügt hat / das soll der  
Mensch nicht schayden / Do sprachen sie / Warumb hat den Mo-  
ses geboten zugeben ein Schaydbrieff / vnd sich von jr zuschayden /  
Er sprach zu ime / Moses hat euch erlaubt zu schayden von ewern  
Weybern / von ewers hertzen hertigkeyt wegen / von anbegin aber  
ist es nicht also gewesen / Ich sag euch aber / Wer sich von seinem  
Weyb scheydet / es sey dann vmb des Ehebruchs willen / vnd  
nimbt ein andere / der bricht die Ehe / vnd wer die abgeschieden  
nimbt / der bricht auch die Ehe.

### Weyter sprech er.

Zum Dritten / So höret auch das Gebot Gottes / wie jr euch  
gegeneinander solt halten. **Vnd sprech zu dem Man.** Ihr Men-  
ner liebet ewere Weyber / wie Christus geliebt hat die Gemain /  
vnd hat sich selbs fur sie geben / auff das er sie heyliget vnd hat  
sie gerayniget durch das Wasserbad im Wort / auff das er im  
selbs darstellt ein herrliche Gemain / die nicht hab flecken oder  
runtzeln / oder des etwas / Sunder das sie heylig sey vnd vnstreff-  
lich / Also sollen auch die Menner ire Weyber lieben als ire aygne  
leyb / Wer sein Weib liebet / der liebet sich selbs / dann niemandt  
hat



hat yemalen sein aygen flaysch gehasset / sunder er neret es vnd pfleget sein / gleich wie auch der **DEXX** der Gemayn.

**Zum Weyb.** Die Weyber seyen vnterthan iren Mennern / als dem **DEXX** / dann der Man ist des Weibs haubt / gleich wie auch Christus das haubt ist der Gemain / vnd er ist seines leybs Neilandt / Aber wie nun die Gemain Christo ist vnterthan / Also auch die Weiber iren Mennern in allen dingen.

### **Weyter sprech er.**

Nun horet auch das Creutz / das Gott auff den Ehlichen standt gelegt hat. **Zum Weibe.** Also sprach Gott zum Weib / Ich will dir viel kummer schaffen wenn du Schwanger wirst / Du solt deine Kinder mit kummer geberen / vnd solt dich ducken vor deinem Man / vnd er soll dein Herr sein.

**Zum Man.** Vnd zum Man sprach Gott / Dieweil du hast gehorcht der stimm deines Weybs / vnd gessen von dem Baum dauon ich dir gebot vnd sprach / Du solt nicht dauon essen / Verflucht sey der Acker vmb deinen willen / mit kummer soltu dich dar auff neren dein lebenlang / dorn vnd disteln soll er dir tragen / vnd solt das Kraut auff dem Felde essen / Im schwais deines angesichts solt du dein Brot essen / bis das du wider zur Erden wirst dauon du genummen bist / dann du bist Erden vnd zu Erden solt du werden.

### **Weyter sprech er.**

Doch soll das ewer trost sein / Das jr glaubt vnd wist / das ewer Standt vor Gott angem vnd gesegnet ist / Dann also stehet geschrieben / Gott schueff den Menschen ime selbst zum bilde / ja zum bilde Gottes / schueff er in / Er schueff sie / Menlein vnd Frewlein / vnd Gott segnet sie vnd sprach zu in / Seyt fruchtbar vnd mehret euch vnd erfüllet die Erden / vnd bringt sie vnter euch / vnd herrschet über Visc h im Meere / vnd über Vogel vnter dem Dymel / vnd über alles Thier das auff Erden krecht / Vnd Gott sahe alles was er gemacht het / vnd sihe da / es war alles sehr gut / Darumb spricht auch Salomon / Wer ein Weyb überkumbt / der überkumbt ein gut ding / vnd wirdt wolgefallen vom **DEXX** Ken schöpfen. **Darnach sprech er.** Wolt jr nun solliche pflicht vnd trew einander laysten / So gebt einander die Ring darauff.  
Haben



**W**aben sie anderst **Ring**) Vnd gebt einander die hende. **D**ar  
nach sprech er dem **Man** vor / vnd las ine nachsprechen also. **I**ch  
**N**ime dich **N** mir zu einem Ehelichen gemahel vnd gelobe  
dir mein trew **D**esgleichen soll er dem **Weyb** auch vorsagen/  
vnd darauff weiter sprechen. Die Ehelichen pflicht / die jr da vor  
Gott vnd seiner Gemain einander gelobt habt / bestettige ich aus  
befelch der Christenlichen Gemain / Im namen des Vaters vnd  
des Suns vnd des heyligen Gaysts / Amen. Was Gott zu sam-  
men fügt solt kein Mensch schayden.

### **Auff das soll er also über sie beten vnd segnen**

**D**ER Gott / Der du Man vnd Weib geschaffen vnd zum  
Ebestandt verordent hast / darzu mit fruchten des leibs gesegnet/  
Vnd das Sacrament deines lieben Suns Ihesu Christi / vnd  
der Kirchen seiner Prawt darinnen bezayhent / Wir bitten dei-  
ne gruntlose gütte / du wollest sollich dein geschöpff / Ordnung  
vnd Segen / nicht lassen verrucken / sunder gnediglich in vns be-  
waren / Durch Ihesum Christum vnsern **D**ERn Amen.  
**P**salm. **cxviii**. Wol dem der den **D**ERn fürchtet / vnd auff  
seinen wegen gehet / Du wirst dich neeren deiner hende arbeyt/  
wolt dir du hast es gut / Dein weib wirdt sein wie ein fruchtbarer  
Weinstock an den wenden in deinem Haus / Die Kinder wie die  
Delzweige vmb deinen Tisch here / Sibe also wirdt gesegnet der  
Man / der den **D**ERn fürchtet / Der **D**ERn wirdt dich  
segnen aus Zion / das du sehest das glück Jerusalem dein leben  
lang / vnd sehest deine Kindes Kinder / fried über Israel / Amen.  
Gott gebe euch seinen fried.

Vnd ob sich zu trüge / Das in den Steten vnd grossen Fle-  
cken / auff einen tag souiel Eheleut fur die Kirchen kömen / vnd  
sich einzulaitten begeren wurden / Mag ein Pfarrher derselben  
Eheleut zwey / drey oder mehr zusammen kummen lassen / da-  
mit inen das Wort Gottes in allweg getreulich verkündet werde.

Vnd sollen die Pfarrherr fürsichtig sein / frembde vnbekante  
Leut on vorgehende gutte kundtschafft nicht Ehelich zusammen  
zugeben oder einzulaitten / zuuor so die in iren Pfarren nicht ses-  
hafft oder wonhafft sein.

Es sollen auch die Pfarrherr oder Kirchen diener yedes orts/  
L in ein



in ein sunder Register fleissig einschreiben / die namen vnd zunamen der Kinder die sie tauffen / vnd der Personen die sie Ehlich einlaitten / vnd auff wellichen tag vnd in wellichem Jar solliches geschehen sey.

## Ordnung der Be- grebnus.

**D**ein Christenlich Glied durch den todt ist abgangen / vnd zum Grab bestett sollt werden / Wo man Schuler vnd Priester hat / mögen sie bey der Leych singen das Lobgesang Zacharie. *Benedictus dominus deus Israel ec.* Oder das Gebet Mofi Psalm. am lxxxix. *Domine refugium factus es nobis ec.* Darnach ein Antiphonam / Als. *Media vita in morte sumus ec.* Oder. *Ego sum resurrectio et vita.* Oder ein Deutsch Gesang / Als. *Witten vnfers lebens zeit / sein wir mit dem todt vmbfangen ec.* Nach dem es an einem yeden Ort im gebrauch ist / oder angericht werden mag / Man soll auch ein vermanung an das Volck thun aus dem heyligen Paulo / wie hernach folgt.

Ir anechtigen lieben Brüder vnd Schwestern inn dem **WERN** / Diweil der Allmechtig Gott **N.** vnfern lieben freunde Bruder vnd Glied Christi / durch den todt von diesem elenden leben / in dem rechten Christenlichen Glauben (als wir hoffen) zu seiner ewigen rwe hat gefordert vnd hingenummen / vnd wir dardurch zu trawern / Klagen vnd layd zutragen bewegt werden / Auff das wir vns Christenlich darinn halten / wöllen wir hören die tröstlichen wort des heiligen Pauli der also spricht.

Wir wollen euch lieben Brüder nicht verhalten / von denen die da schlaffen / Auff das jr nicht trawrig seyt / wie die andern die kein hoffnung haben / Danti so wir glauben / das Ihesus gestotz



gestorben vnd auffgestanden ist / So wirdt Gott auch die da  
entschlaffen sein / durch Ihesum mit ime führen / Dann das sa-  
gen wir euch als ein wort des **HEILIGEN** / Das wir / die wir le-  
ben vnd überbleiben werden / in der zukunfft des **HEILIGEN** /  
werden denen nicht fürkommen die da schlaffen / Dann er  
selbs der **HEILIGEN** wirdt mit einem feld geschray vnd stim des  
Erzengels mit der Posaunen Gottes / hernider kummen von  
Hymel vnd die Todten in Christo werden auffstehen zu erst /  
Darnach wir die wir leben vnd überbleiben / werden zu gleich  
mit denselben hingezückt werden in die Wolcken dem **HEILIGEN** /  
**HEILIGEN** entgegen in dem Lufft / vnd werden also bey dem **HEILIGEN** /  
**HEILIGEN** sein allzeyt / so tröstet euch nun mit diesen worten vnter ein-  
ander.

Solliche vermanung mag geschehen im Haus da man  
die Leych austregt / oder bey dem Grabe / wo am mainsten Volcks  
darbey ist.

Vnd was mehr anderer vnnötiger vnd Kindischer Ceremo-  
nien vor zeyten gehalten sein / vnd vormals abgethan / oder gleich  
von in selbs dahingefallen sein / Als Sanct Johans Segen /  
Wachs / Palm / Feuer / Glade / Saltz / Wasser / Kreuter wey-  
hen / mit den Creutzen gehen / das heylig Sacrament umbtra-  
gen zc. Die sollen also abgethan bleiben / vnd dieser zeyt nicht  
wider auffgericht werden.

Man soll auch dem Volck keinen Feyertag zu feyern verkün-  
digen / dann diese hernach geschriebene / Nemlich.

Den newen Jars tag oder Circumcisionis domini.

Den Obers tag oder heyligen drey König tag Epiphantie  
genant.

Vnser Frauen Liechtmesstag Purificationis genant.

Sanct Matthias des Zwölffpoten.

Marie verkündigung Annunciationis genant.

Den heyligen Ostertag ¶ Vnd den nechst darnach fol-  
genden tag.

Sanct Obilipp vnd S. Jacobs des Zwölffpoten.

Vnsers **HEILIGEN** Hymelfart Ascensionis genant.

Den heyligen Pfingstag Pentecostes genant ¶ vnd den nech-  
stentag darnach.

Der heyligen dreyfaltigkheytag Trinitatis genant.

L ij Sanct



Diebey soll es auff dis mal bleiben / Dann was mehr in  
 den Kirchen/ Christlicher zucht / nützlich zu ordnen zu endern  
 vnd zu bessern sein wirdt / auch was in zufallenden nöten (wie  
 dann allwegen die Kirch ire sunderliche anligen hat / davon man  
 predigen vnd beten mus) Göttlich zuhandeln sey / wirdt zu yeder  
 zeyt den Kirchendiernern vnuerhalten bleiben / So sollen sich  
 auch die Kirchendiener selbs darein schicken (dieweil nicht müg-  
 lich ist/ alles so in der Kirchen versamlung ordenlich soll ausge-  
 richt werden/ in den Buchstaben zuverfassen) Das sie alle  
 andere Kirchen gebreuch / so hierin nicht begriffen/ nach  
 Göttlichem Wort / dem Christlichen Volck zu  
 nutz / volnbringen / vnnnd vnsern **DEXXII**  
 Gott fleissig bitten / das er sein gnad hierzu  
 verleyhen vnd vns die ewige selig-  
 keyt gnediglich mittaylen  
 wöll/ Amen.





